

प्रास्ताविक नोंद



गुजरात विद्यापीठ द्वारा प्रस्थापित आर्यविद्यामन्दिरना अम्याम क्रममा संस्कृत साथे पाली अने प्राकृत मापाना मामान्य अम्यामने पण आवश्यकीय म्यान आपवामा आवेलुं होवाथी. ए मन्दिग्ना विद्यार्थियोने प्रथम वार्षिक अध्ययनमा प्राकृत भाषाना माधारण परिचय करववामाटे आ 'प्राकृत कथामंग्रह' तयार करवामा आयो रे.

अहिं प्राकृत भाषाथी ते भाषा ममजवानी छे, जेने भाषाशास्त्रियो 'महाराष्ट्री प्राकृत' कहे छे, अने जेमा मोटे भागे जनधर्म नुं प्राचीन साहित्य ग्रथित थएलुं होइ, जेनुं मंपूर्ण न्याकरण गुजरातना प्रसिद्ध जैन विद्वान् आचार्य श्रीहिमचन्द्रे पौताना सिद्धहेमशब्दानुशासन नामना न्याकरण ग्रन्थना अष्टम अन्यायना प्रारम्भ आपेलुं छे.

आ संग्रहमा आवेली कथाओ मूल उत्तराखण्ड नामक जैनमठानी देवेन्द्रगणी उर्फ नेमिचंद्र मूरिकृत टीरामा आवेली छे. ए टीकाकार विद्वान् विक्रमनी १२ मी शताब्दिमा थई गया छे. तेमणे ए टीकानी रचना गुजरातनी गौरवशाली गजवानी अणहिलपुर पाठणमा करेली छे.

आ कथाओमानी शैली कथा जर्मनीना विद्वान डॉ. फ्रिड्रिख एने जैनistische Bearbeitung der Sagar-Sage नामना निबन्धमा आपेली छे, अने चार्जीनी कथाओ तेन देशना प्रसिद्ध पण्डित डॉ. हर्मन नेकोवर्ण म्याम प्राकृत भाषाना अम्याम माटे न तयार करेल Ausgewählte Erzählungen in Mahāśāstre : Zur Einführung in Das Studium Des Prakrit ए नामना पुस्तकमा उपवेर्णी छे.

—मृनि जिनविजय

अनुक्रमणिका



१. सगरसुअ-कहाणयं	पृ.	१
२. उदायण	८
३. सणकुमार	१७
४. वम्भदत्त	२९.
५. मूलदेव	५६
६. मंडिय		७०
७. अगडदत्त		..	.	७२

॥ णमो त्थु णं समणस्स भगवओ महावीरस्स ॥

प्राकृत कथासंग्रह



सगरसुअ-कहाणयम ।

अत्थि अओज्जा नयरी । तीए इक्खागकुटुब्भवो नियसत्त
राया । तस्स च सहोयरो सुमित्तविजओ जुवराया विजयानसमई-
ओ य ताण भारियाओ । विनयाए चोदसमहासुमिणसूइओ पुत्तो
उववन्नो अनिओत्ति नाम बीयतित्थयरो । नसमतीए वि बीयचक-
5 वट्ठी सगरो उववन्नो । पत्ता ते जोव्वणं परिणाविया उत्तमनरिन्द
दुहियाओ । कालेण य जियसत्तुरण्णा ठविओ नियरज्जे अनियमुमारो,
सगरो जुवरज्जे । अप्पणा य ससहोयरेण दिक्खा माहिया । अनिय
राया वि तित्थपवत्तणसमए ठविउण रज्जे सगरं निक्खन्तो । सगरो
वि 'उपन्नचोदसरयणो साहियउत्तरण्ठभारहो पाळेइ रज्ज । जाया
10 य तम्म सुराणा वाराणा पुत्ताणं सट्ठी सहम्सा । तेसिं जेट्ठो
जणहुकुमारो । अजया तोसिओ जणहुकुमारेण कहवि सगरो ।
भणिओ तेण 'जणहुकुमार, वरसु वरं!' तेण भणियं
'ताय, आत्थि मम अभिलासो, जइ तुव्वेहिं अणुत्ताओ चोदसरयण-
समेओ भाइबन्वुसंजुओ वसुमइं परिब्भमामि ।' पाट्ठिन्न राइणा । सव्व-
5 बलेण य पसत्थमुहुत्ते निग्गओ सव्वसहोयरसमेओ । परिब्भमन्तो य अणेगे
जणवए पेच्चन्तो गामनगरागरसारिगिरिसरणाणणाइं पत्तो अट्ठावय-
गिरिं । हेट्ठा सिपिरं निवेसिउण अरूढो उव्वरिं । दिट्ठं भरहनरिन्द-
कारिय माणिरयणइममयं चउवीसजिणपटिमाहिट्ठियं धुमसयस-
गय जिणाययण । वन्दिउण य जिणिन्दे पुच्छिओ मन्ती 'केणयं

- सुक्यकम्मुणा अइसयरमणाय कारिय जिणभवण ? ' काहिओ तेण भरहवइयरो । त सोऊण भाणिय जण्हुकुमारेण ' निरूवेह अन्नं अट्टावयसरिस सेल, जेण तत्थ चेइयहरं कारवेमो ' । निउत्तपुरिसेहि य समन्तओ निरूविकुण साहियं जहा ' नत्थि देव एरिसो अन्नो गिरी ' ।
- 5 तेण भाणिय ' जइ एव ता करेमो एयम्सेव रवत्त, जओ होहिन्नि कालेण लुद्धा सदा य नरा । आहिणवफारावणाओ य पुव्वकयपरिपालण वर ' । तओ सव्वे वि सगरपुत्ता दण्डरयण गिण्हित्ता समन्तओ महीहरस्स पासेमु ते लग्गा खणिउ, त च दण्डरयण सहस्स जोयणाण भिन्दिउण पत्त नागभवणेमु ।
- 10 भिन्नाइ ताइ । त च अच्चब्भुय पेच्छन्ता भीया नागकुमारा सरण मगमाणा गया जलणपभनागरायस्स समीव । साहिओ वइयरो. सो वि सभन्तो उट्ठिओ ओहिणा आभोएत्ता आसुरत्तो समागओ सगर सुयसगात्त, भाणिय च ' भो भो, किं तुव्वभेहि दण्डरयणेण महि भिन्दिउण कओ भवणभिन्दणेण उवदव्वो नायलोयस्स ? ता अप्पव
- 15 हाय तुव्वभेहिं कयमेय, जओ
 अप्पवहाए नूणं होइ वलं उत्तण.ण भुयणम्मि ।
 नियपक्खवलेणं चिय पडइ पयङ्गो पईवम्मि ॥,
 तओ तस्स उवसामणानिमित्त भाणिय जण्हुणा भो ' नागराय, करेमु पसाय, उवसहरसु सरम्म, रममु अम्ह अवरारह एय । न अम्हेहि
- 20 तुम्होक्कवानिमित्तमेय कय, अट्टावयचेइयरत्तम्हटा परिहा क्या एसत्ति । न पुणो एव काहामो ' । उवसन्तकोवो गओ सट्ठाण जलणपभो । तम्मि य गए भाणिय जण्हुकुमारेण ' एसा परिहा दुट्ठद्धा न सोहए जलविरहिया, ता पूरेमो नीरेण ' ति । तओ दण्डरयणेण गइ भिन्दि उण आणिय जल । भरिया परिहा । पत्त त नागभवणेमु जलं ।
- 25 जलप्पवाहमतत्त नायनाइणीजण पलायन्त पोच्छिय पउत्तोवहिणो वाणलपलित्तमणो आसुरत्तो जलणप्पभो भाणित्ता पयत्तो ' अहो महापावाण जइ तेसिं अणुत्तप्पाए खमि भो एद्धसिं अवरारो मए, तो तेहिं अहिययर उवदव काउ आदत्त अम्ह । अहवा दण्डेण चव

नीयाणमुवममो, न सामेण । ता दसेमि सपद् अविणयफल' ति ।
पेसिया तत्थ हणणत्थ नयनविमा महाफणिणो । तक्कण चिय
नीहरिउण तेहिं जलन्तनयनेहिं पलोइया समाणा भासरासिभूया सन्वे
वि सगरसुया ।

- 5 त पेच्छिय जाओ हाहारवगाब्धिणो महाकन्दो सिविरे । विमुक्क
केमाओ भग्गवय्याओ तोन्यिहारय्याओ हा देव, देव त्ति पलव
न्तीओ लोलन्ति महीए अवरोहजुवईओ एव विट्ठवमाण सठविय
सेन्न मन्तिणा जहा ईइमो चैव असारो ससारो, अणिवरिणज्जो
दिवपारेणामो । किं एत्थ बहुणा विग्गणेण । कज्जे मणो टिज्जइ,
10 न सोयणिज्जा कुमारा, नओ बहुतित्थवन्णेण, इमम्सजिणान्यस्स
रक्काकरणेण बहुजणोवयारेण च उवज्जियसुहक्कम्मा । तेण टिज्जउ
तुरियमेव पयाणय, गच्छमो महारायसर्माव । अणुमच्चिय च
मन्तिपयण, सवेहि वि दिन्नपयाणय । उमेण पत्ता नियपुरमासन्न
सामन्ता, सवेहिय मन्तिय तत्थ ' कहमिम रायस्सकहिउ पारीयड,
15 ज कुमारा सवे एद्धए पेच्छताण चैव अम्ह ट्टा वय च
अक्खय्येहा समागया । न्ज्जाकरमेय, ता पविसामो सवे चैव
जन्तमल्लण' ।

एव तेमि मन्तन्ताण समागओ एगो दिओ, मणिय च तेण
' विभेवमाउलीहूया, मुच्चह विमाय, जओ न ससारे किंमि सुहम
20 मुह वा भच्चभुयमत्थि, भणिय च

कालम्मि अणाईए जीवाणं विविद्धम्मसंगाण ।

तं नत्थि सविट्ठणं ससारे ज न मभवड ॥

- अह साहेमि राणो इमवय्यर । पत्थिद त तेहिं । तओ सो
अणाह अण्य भेत्तण ' हा मुणे मुट्ठो त्ति कण्ठुण वाहरन्तो
25 गओ शरुत्तार । निमओ गण्णा तम विग्गणमट्ठो । वाहराविओ ।
वेण मुट्ठो सि ति पुच्छिओ वुत्तन्त । तेण अणिय देव, एमण्हो
चैव मे मुओ । अहिणा ट्ठो य म्मो जाओ निचेट्ठो । ता राउण

करुणं जीवावहे इमं । एयम्मि अवसरे पत्ता तत्थ मन्तिसामन्ता,
 पणमिऊण उवविट्ठा अत्थाणे । नरिन्देण य आणत्तो वेज्जो ' कुणसु
 निव्विसमेयं, । वेज्जेण मुणियनरिन्दसुयमरणेण भणियं 'जम्मि गोत्ते
 5 तीए इमं ' । मम्मिया दिएण भूर्इ जाव, सहस्ससो घरे, नायाइं बन्धु-
 मरणाइं । साहियं ' देव, नत्थि विज्जोवदित्थो भूर्इए लम्भो' । राइणा
 भणियं ' जइ एवं, ता किं नियपुत्तं सोएसि ? सव्वतिहुयणसाहारण-
 मिम मरण, भणियं च

किं अत्थि कोइ भुवणम्मि जस्स जायन्ति नेव पावाइं ।

10 नियकम्मपरिणईए जम्मणमरणाइ संरारे?

ता माहण, मा रुयसु, मुञ्च सोयं, कज्ज चिन्तेसु, कुणसु अप्पहियं,
 जाव न तुमं पि एवं कवल्लिज्जसि मच्चुसीहेणं' । विप्पेण भणियं
 ' जाणामि अहमेयं, परं पुत्तमन्तरेण संपइ चेव मे कलक्खओ होइ ।
 दुहियाणाहवच्छलो अप्पडिहयपयावो सयलपयापालणनिरओ देवो,
 15 ता देसु पुत्तजीवावणेण माणुसभिक्षं' । रत्ता भणियं ' भइ, असक्कप-
 षियारं विहिविलसियं । भणियं च

सीयन्ति सव्वसत्थाइं एत्थ, न कमन्ति मन्ततन्ताइं ।

अदिट्ठपहरणम्मि य विहिम्मि किं पोरुसं कुणउ ? ॥

ता परिचयसु सोगं, करेसु परलोगहियं । मुत्तो चेव करेइ हिए
 20 नट्टे, मए वा सोगं' । विप्पेण भणियं ' महाराय, जइ सच्चमेयं, न
 कायन्वो एत्थ जाणएण सोगो, ता तुमं पि मा करेज्जमु सोगं ।
 असंभावणिज्जं तुम्ह सोयकारणं जायं' । तओ संमन्तेण रत्ता पुच्छियं
 ' भो विप्प वेरिस सोयकारणं ?' विप्पेण भणियं ' देव, सट्ठि पि तुह
 मुयसत्तम्सा कालगया, । सोऊण इमं राया विज्जप्पहारहओन्व
 25 नट्टेयणो सिंहासणाओ मुच्छाविहल्लुले निवट्ठिओ घराणिट्ठे ।
 मुच्छारसाणे सोगाउरियमणो मुक्कण्ठं रोपिऊण पत्तारे
 काउ . आट्ठो ' हा पुत्ता, हा हिययदइया, हा बन्धुवट्ठहा, हा
 मुमहात्ता, हा विगीया, हा मयत्तगुणनिहिणो, कत्थ

- मं अणाहं मोत्तण तुब्भे गया ? देह मे तुम्म विरहदुट्ठस्स दंसणं ।
 हा निग्गिण पावविहि, एकपण्णं चैव सन्वे ते बांलण्णं संहरन्तेण किं
 तण्णं अप्पणं पूरियं ? हा निट्ठुरहियय, किं न फुट्ठासि असज्जासुयम
 रणदुक्खसंतुत्तं, पि किं न वच्चासि सयवण्डं । एवं च विल्वमाणो
 5 भणियो तेणं विप्पेण 'महाराय, संपइ चैव ममोवइसासि संसारा-
 सारयं, ता किं अप्पा गच्छसि सोयपरवसत्तं ? अहवा
 परवसणम्मि सुद्वेणं संसारानिच्चयं कइइ लोओ ।
 नियवन्धुजणविणासे सब्बस्स इव चलइ धीरत्तं ॥
 दुसहं च एगवन्धुस्स वि मरणं, कि पुण सट्ठीए पुत्तसहस्साणं ।
 10 तहा वि
 सप्पुरिसाच्चिय वसणं सइन्ति गुरुयं पि ताइसेकरसा ॥ ४ ॥
 धराणिच्चिय सइइ जए वज्जनिवायं, न उण तन्तू ॥
 अओ अवलम्बेसु धीरयं । अलमेत्थ विलविणं, जओ,
 सोयन्ताणं पि नो ताणं, कम्मवन्धो उ केवलो ।
 15 तो पण्हिया न तोयन्ति जाणन्ता भवरुवयं ॥
 एवमाइवयणविन्नासेण संठविओ राया विप्पेण । भणिया य तेण
 मन्तिसामन्ता 'साहेह जहा वत्तं राइणो ' । साहियं च तोहिं पगळन्त-
 वाहनलेहिं । समागया पहाणपउरा, धीराविओ सन्वेहि वि राया ।
 कयमुच्चियकरणिज्जं ।
 20 एत्थन्तरे पत्ता अट्टावयासन्नवासिणो जणा । पणयमिरा विन्नवेन्ति
 जहा 'देव, जो तुम्ह मुण्हिं अट्टावयरववणत्था आणियो गद्धजल-
 प्पवाहो, सो परिहं भरिउण्णं आसन्नगामनगरे उवद्वन्तो पसरइ ।
 ता तं निवारउ देवो, नत्थि अन्नस्स तन्निवारणसत्ती ' । राइणा
 भणियो भगीरही नियपउत्तो 'वच्छ, दण्ठरएणेण नागरायं अणुन्न-
 25 विय नेसु उयहिम्मि गद्धं ' । सो वि गओ अट्टावयं । अट्टमभत्तेणा-
 राहिओ नागराया आगओ कयमीसणमुयद्धागरेउरो । भणइ
 'किं संपादेमि ? ' भगीरहिणा भणियं पणामपुन्वयं ' तुम्ह पसाएण

नेमि गङ्गं समुद्रे, उवद्बो महन्तो लोयस्त ' । नायराएण भणियं
 ' विगयभओ क्नेसु समीहियं, निवारिस्सामि अह भरहणिवसिणो
 नागे' ति भणिउण गओ नागराया । भगीरहिणा वि कया नागाणं
 बलिकुसुमाईहिं पूया । तप्पाभियं च नागवलिं कुणइ लोओ । राय-
 5 सुओ वि गङ्गमागरिसन्तो, दण्डरयणेण भज्जन्तो बहवे थलसेलवणे
 जणावाहाए पत्तो पुव्वसमुद्धं । जत्यावयारिया गेण्हन्ती अणेगाइं
 नइसहस्साइं गङ्गा, पुणो वि विहिया तत्थ वली नागाणं । जत्थ
 य सागरे मिलिया गङ्गा, तत्थ गङ्गसायरतित्थं जायं । अज्ज
 वि तं लोए विक्खाय । गङ्गा वि जण्हुणा आणीयत्ति तेण जण्हवी
 10 जाया, भगीरहिणा विणीयत्ति तेण भागीरहित्ति । सो वि नागेहिं
 मिलिउण पूओ गओ अओज्जं । पूओ राइणा तुट्ठेण, ठविओ
 नियरजे । अप्पाणो य निक्खन्तो अनियजिणसगासे, सिद्धो य ।

अन्नया पुच्छिओ भगीरहिराइणा अइसयनाणी ' भगवं, किं कारणं
 जण्हुपमुहा ते सट्ठिं पि कुमारसहस्सा सममरणा संजया' ' भगवया
 15 मणिय 'महाराय, एगया महन्तो सद्धो चेइयवन्दणत्थं सम्मेयपव्वए
 पट्ठिओ, पत्तो य अरण्णं उलद्धिउण अन्तिमगामं । तन्निवामिणा
 सव्वजणण अणारिएणं अच्चन्तमुवद्दविओ दुव्वयणनिन्दणेण वत्थन्-
 घणाहरणच्छिन्दणेण य । तप्पच्चयं च बद्धममुह महन्तं कम्मम-
 20 णेण कुम्भयारेण एगेण पयइभइएणं ' मा उवद्दवेह इमं तित्थजत्तागणं
 जणं । इयरजणस्स निरवराहस्स परिक्खेसणं महापावहेउ, किं पुण
 एरिसधम्मियजणस्स । ता जइ सागयपट्ठिवत्ति. इमम्म न सक्केह
 काऊं, ता उवद्दव पि ताव रक्खेह' ति भणिउण निवारिओ सो
 गामजणो, गओ य सद्धो । अन्नम्मि य ट्ठिणे तन्निवासिणा एगेण
 नरेण रायसन्निवसे चोरिया कया । तन्निमित्तेण रायनिउत्तेहि पुरिसे-
 25 हिं दाराइं पिहेउण सो गामो पत्तीविओ । तया य सो कुम्भयारो
 मयणेहि निमन्तिओ गाममन्न गओ जाभि । दट्ठं य तत्थ सट्ठिजण-
 सहम्मा. उव्वत्ता पराट्ठीए अन्तिमगामे माट्ठवाहत्ताए ते सन्ने,

कोद्वियत्ति जाओ लोए भणन्ति । कहिं चि तत्थागओ करी,
 तच्चलणेण मदिया ते । तओ नाणाविहासु दुक्खपउरसु कुजोणिसु
 परिभमिउण-मुइरं, अणन्तरं भवे किंपि कउण तहाविहं सुहकम्मं,
 उववजा सगरमुयत्ताए सट्टि. पि सहन्सा, तक्कम्मसेसवसेण य पत्ता
 5 इमं मरणवसणं । सो वि कुम्भयारो नियआउवत्तए मरिउण जाओ
 एगम्मि सान्निवेमे धणसमिद्धो वणिओ।तयणन्तरं कयसुकयकम्मो संजाओ
 मरिउण नरवई । सुहाणुवन्वमुहकम्मोदएण पडिवन्नो मुणिधम्मं,
 काउण य कालं गओ सुरल्लोयं । ततो चुओ जण्हुसुओ जाओ सि
 तुमं 'ति । इमं च भगीरही सोउण संवेगमुक्कओ भयवन्तं वन्दिउण
 10 सभवणं गओ ।

उदायण



तेण कालेण तेण समएण सिन्धु सोवीरेसु जणवएसु वीयभए
नाम नगरे होत्था, उदायणे नाम राया, पभावई देवी । तीसे
जेठे पुत्ते अभिई नाम जुव्व राया होत्था, नियए भाइणेजे-
केसी नाम होत्था । से ण उदायणे राया सिन्धु सोवीर पामो

5 कुत्वाण सोलसण्ह जणवयाण वीयभय पामोक्खाण तिण्ह तेव
ट्टाण नयरसयाण महसेण—पामोक्खाण दसण्ह रायाण बद्ध-
मउट्टण विइण्ण सेय—चामर—वायवीयणाण अन्नेसि च राईसर-
तलवर—पभिइण आहेवच्च कुणमाणे विहरइ । एव च ताव एय ।

इओ य, तेण कालेण तेण समएण चम्पाए नयरीए कुमारनन्दी
10 नाम सुवण्णवारो इत्थि-लोले परिवसइ । सो जत्थ सुख्व टारिय
पासइ सुणेइ वा, तत्थ पच्च सया सुवण्णम्म टाउण त परिणेइ ।
एव च तेण पच्च सया पिण्डिया । ताहे सो ईसालुओ एक
खम्म पासाय करेत्ता ताहिं सम लइ । तम्म य मित्तो नाइलो
नाम समणोवासओ । अज्जया य पच्चसेल-दीव वत्थट्ठाओ वाणम
15 न्तीरीओ मुरवइ निओएण नन्दीसर वर दीव जत्ताए पत्थियाओ ।
ताण च विज्जुमाली नाम पच्चसेला हिवई, सो चुओ । ताओ
चिन्तान्ति 'वं पि वुग्गाहेमो, जो अम्ह भत्ता भवइ ' । नवर वच्च
न्तीहिं चम्पाए कुमारनन्दी पच्च-गहिला सय परिवारो उवटलन्तो
दिट्ठो । ताहिं चिन्तिय 'एस इत्थी-लोले, एय वुग्गाहेमो ' । ताहे
20 सो भणइ ' काओ तुम्हे ' ताओ भणन्ति 'अम्हे हासा पहासा भिहा
णाओ देय्याओ । सो मुच्छिओ ताओ पेच्छइ । ताओ भणन्ति
'जद अम्हेहिं ण्ण, तो पच्चसेग्ग दीव एज्जाहि ति भणिउणत्तप
इउण गय्याओ । सो तामु मुच्छिओ राउले सुवण्ण द्दउण पट
हम नाणेइ ' कुमाग्गान्दि जो पच्चसेलम नेइ तम्म धण-कीडिं सो

देह'। धेरेण पढहओ वारिओ। वहणंकारियं पच्छायणस्त भारियं।
 धेरो तं दञ्चं पुत्ताण दाडण कुमाराण्डिणा सह जाणवत्तेण पत्थिओ।
 जाहे दूरं समुदे गओ, ताहे धेरेणं भण्णइ 'किञ्चि पेच्छसि!' सो
 मणइ 'किं पि कालयं दीसइ'। धेरो मणइ 'एस वडो, समुदकूले
 5 पञ्चय-पाए जाओ; एयस्त हेट्टेणं एयं वहणं जाहिइ, तो सुमं
 अमूदो वडे विलन्नेज्जासि; ताहे पञ्चसेलाओ भारुण्ड-पक्खी
 एहिन्ति। तेसिं जुयलस्त तिण्णि पाया। तओ तेसु सुत्तेसु
 मज्झिहे पाए सुल्लओ होज्जासि पढेनं अप्पा बन्धिओ। तो ते
 पञ्चसेलयं नेहिन्ति। अह तं वडं न विलन्नासि, तो एयं वहणं
 10 वलयामुहे पविसिहिइ; तत्थ विण्णसिहिइ। एवं सो विल्लओ
 नीओ पक्खीहिं। तहि ताहिं वाणमन्तरीहिं दिट्ठो। रिद्धी य
 से दाइया। सो पगाहिओ नीओ ताहिं भणिओ 'न एएण सरिरेण
 भुञ्जामो किञ्चि; जलणपवेसाइ करेहि। जहा पञ्चसेला-हिर्वई
 होज्जामि-त्ति, तो किह जामि?' ताहे करयलपुढेण नीओ स
 15 उज्जाणे छट्ठिओ। ताहे लोगो आगन्तूण पुच्छइ 'किं तुमे तत्थ
 अच्छेरयं दिट्ठं?' सो मणइ

८ दिदं सुयमणु-भूयं जे वित्तं पञ्चसेलए दीवे।
 इसपच्छि चण्डवयणे हा हासे हा पहासे-त्ति ॥
 आदत्तं च तेण तयभिसन्धिणा जलणासेवणं। वारिओ य मित्तेण
 20 'मो मित्तं, न जुत्तं तुह काउरिस-जणो-चियमेयं चेट्ठियं'। ता महाणुभाव
 दुलहं माणुस-जम्मं मा हारसु तुच्छ-भोय-सुह-हेवं।
 वेरुलिय-मणी-मोत्थेण कोइ किं किणइ कायमणिं ॥
 अन्नं च। जई वि तुमं भोगत्थी, तहा वि सद्धम्माणुट्ठाणं चैव करेसु! जओ
 25 धणओ धणात्थिपाणं कामत्थीणं च सब्ब-कामकरो।
 सग्गा-पवग्ग-संगम-हेऊ जिण-देसिओ धम्मो ॥
 एवमाइ अणुसासणेण वारिज्जन्तो वि मित्तेण इट्ठिणी-भरणेण
 मओ पञ्चसेला-हिर्वई जाओ।
 सइदस्त वि निव्वेओ जाओ: भोगाण कज्जे किलिस्तइ-त्ति
 २ प्रा. क. म.

- अन्हे जाणन्ता कीस अच्छामो-त्ति पव्वइओ । कालं वाउण
 अच्छुए उववन्नो । ओहिणा तं पेच्छइ । अरुया नन्दीसर-वर-
 नत्ताए पलायन्तस्स पव्वहओ गलए ओलइओ । ताहे दाएन्तो
 5 नन्दिसरं गओ । सट्ठो आगओ, तं पेच्छइ । सो तत्स तेयं
 असहमाणो पलायइ । सो तेयं साहरित्ता भणइ 'भो ममं जाणासि ?'
 सो भणइ 'को सक्काईए देवे न याणइ !' ताहे तं सादग-रुवं
 दंसेइ । जाणाबिओ य । ताहे 'संवेग-मावन्नो भणइ 'संदिस्सह विमि-
 यार्णि करेमो' । भणइ 'वद्धमाण-सामिस्स पडिमं करेहि ! तओ ते
 10 सम्मत्त-नीयं होहि-त्ति' । भणियं चः—

जो कारवेइ पडिमं जिणाण जिय-राग-दोस-मोहाणं । ८।

सो पावइ अन्न-भवे सुह-जणणं घम्मवर-रयणं ॥

अन्नं च

दारिदं दोढग्गं कुजाइ-वु सरार-कुमइ--कुगईओ ।

- 15 अवमाण-रोय-सोया न होन्ति जिण विम्बकारीणं ॥

- ताहे महाहिमवन्ताओ गोसीस-चन्दण-त्तरुं घेत्तूण, तत्थ पडिमं
 निव्वत्तेउण कट्ट-संसुडे छुहइ । पव्वहणं च पासइ समुद-मग्गे
 उप्पाएण छम्मासे भमन्तं । ताहे अणेण तं उप्पायं उवसायियं ।
 संजत्तियाण सा खोटी रिक्का । भणिया य 'देवाहिदेव-स एत्थ
 20 पडिमा चिट्ठइ । ता तत्स नामेण दिहाडेयव्वा खोटी' । एवं-ति
 पडिवाज्जिय गया वणिया । उत्तिप्पा समुदं, पत्ता वीयमयं ।
 तत्थ उदायणो राया तावस-भत्तो । दंसिया खोटी । तत्स
 साहियं मुर-वयणं । मिलिओ ससरवस-माहणाइपभूओ छोगो ।
 रुद-गोविन्दाइ-नामेण वाहिति फरसं । तहा हि । वेई भणन्ति
 25 'बम्मो चेव देवा-हिदेवो, जओ सो चउग्गुहो सत्त्व-ज्य-सिद्धि-
 कारओ वेयाणं च पणैया' । अत्ते 'विट्ठू पहाणो-त्ति भणन्ति, जओ
 सो चेव सज्य-गओ छोगो-यवइ-यारए य धाणवे दिणासेइ;
 संहार-काळे य उयर-गयं मयं धारेइ' । अपरे 'सहेसरो उत्तम-

देवो-त्ति । भणन्ति, जओ सो चैव सिद्धि संहार-कारओ अनोणि-
संभवो; तस्स चैव भागाबम्भ-विण्हू' एवमाइ-विगप्पणेहिं वाहिज्ज-
माणो उप्फेडइ परम् । एत्यन्तरे आगया तत्थ उदायणस्स रत्तो
महादेवी चेट्ठगराय-धूया समणो-वासिया पमावई । एइए काऊण

5 पूयं भाणियं

गयराग-ओम-मोहो सव्वन्नु अट्ठ-पाडिहेर-जुओ ।

देवा-दिदेव-रुवो आरेहा मे दंसणं देउ ॥

वाहविओ परम् । पढन्तस्स विचायस्स विहट्टिया खोडी । जाव
दिट्ठा सव्वङ्ग-पट्टिपुण्णा अमिल्लाण-मल्ल-दामा-लंकिया वद्धमाण-सामि-
10 पट्टिमा । अईव आणन्दिया पमावई । जाया जिण-धम्म-पभावणा ।
पट्टियं च तीए

सव्वन्नु सोम-दंसण अपुणब्भव भवियजण-मणाणन्द ।

जय-चिन्तामाणं जय गुरु जय जय जिण वीर अकलंक।।

अन्तेउरे य चेदय घरं कारियं । पमावई प्हाया ति-संसं पूएइ ।

15 अन्नया देवी नच्चइ राया विणं वाएइ । सो देवीए सीसं न पेच्छइ ।
अधिई से जाया । वीणा-वायणयं हत्याओ भट्टं । देवी रुद्धा भणइ
' किं दुट्ठं नच्चियं ? निब्बन्धे से सिद्धं' । सा भणइ ' किं जीविएण ?
निक्कंठको मम सुचिरं सावय-धम्मो पालिओ' ।

अन्नया चेडि प्हाया भणइ ' पोत्ताइं आणेहि !' तीए रत्तगाणि

20 आणियाणि । रुद्धाए अट्टाएण आहया 'जिण-घरं पविसन्तीए रत्तगाणि
देसित्ति' । मया चेटी । ताहे चित्तेइ मए वयं खण्डियं; तं किं जीवि-
एणं-ति । रायाणं पुच्छइ ' भत्तं पच्चक्खामि' । निब्बन्धे ' नइ परं
बोहेसि' पडिस्सुयं । भत्तपघत्ताणेण मया देवी देव-लोगं गया ।

जिण-पट्टिमं देवदत्ता दास-चेटी सुन्ना मुम्मसइ । देवो उदा-

25 यगं बोहेइ; न संबुज्जाई । सो तावन-भत्तो । ताहे देवो तावस-रुवं
करेइ । अभिय-ज्जलाणि गहाय आगओ । रत्ता आसाइयाणि ।
पुच्छिओ कर्हि एयाणि फल्लाणि ? भणइ ' नगर-अदूर-सामन्ते आसमो ।
नहिं तेग मयं गओ । ममायारेहिं तावमेहिं हन्तुं पारदो ।

नासन्तो वण-सण्डे साहवो पेच्छइ, तेसिं सरणमुबह्णीणो । मा भा-
यसु-त्ति समासासिओ । तेहिं नियत्ता ते तावसा । अणुसासिओ
साहहिं

धम्मो चेवेत्थ सत्ताणं सरणं भव-सायरे ।

९ देवं धम्मं गुरुं चैव धम्मत्थी य परिवत्खए ॥

दस-अट्ट-दोस-रहिओ देवो, धम्मो उ निउण-दय-साहिओ ।

सुगुरु य बभवयारी आरम्भ-परिगहो-वरओ ॥

एवमाइ-उवएसेणपडिबुद्धो पडिबन्तो जिणधम्मं । देवो अत्ताणं
दरिसेइ । धम्मे य धिरी-काऊण गओ सुरो । जाव अत्थाणीए चैव
10 अत्ताणं पेच्छइ । एवं सट्ठो जाओ ।

इओ य गन्धाराओ सावओ सव्वाओ जिणजम्माइ-भूमीओ व-
न्दित्ता वेयट्ठे कणग-पडिमाओ सुणेत्ता उववासेण ठिओ 'जइ वा मओ
दिट्ठाओ वा' । देवयाए दंसियाओ । तुट्ठा य सव्वकामियाण गुलियाण
देइ सयं । तओ नियत्तो सुणेइ वीयभए नगरे जिण-पडिमं गोसीस
15 चन्दण-मइयं । तव्वन्दओ एइ वन्दइ । तत्थ पडिल्लमो देवदत्ताए
पडियरिओ । तुट्ठेण य से ताओ गुलियाओ दिन्नाओ ।
सो य पव्वइओ ।

अन्नया गुलियमेगं खाइ 'भे कणगेण सरित्तो वण्णो होउ-त्ति ।
तओ नाय परम-रूवा धन्त-कणग-सरिस-वण्णा जाया; सुवण्ण-
20 गुलिय-त्ति तीए नामं जायं । पुणो सा चिन्तेइ भोगे मुञ्जामि; एस
राया ताव मम पिया, अन्ने य गोहा । ताहे पज्जोयं रोएइ । तं
माणसी-काउं गुलियं खाइ । तस्स देवयाए कहियं 'एरिस रूववइ-
त्ति' । तेण सुवण्णगुलियाए दूओ पेसिओ । तीए भाणियं 'पेच्छामि
ताव व्रमं' । सो नलगिरिणा रत्ति आगओ दिट्ठो तीए अभिरइओ ।
25 सा मणइ 'नइ पडिमं नेसि, तो नामि । ताहे पडिमा नत्थि तट्ठण
ठावण-नोग-त्ति रत्ति वसित्ठण पडिगओ; अन्नं जिण-पडिम-रूवं
काऊण भागओ । तत्थ ठाणे ठवित्ता नियन्तसामिं सुवण्णगुलियं

च गहाय उज्जेणि गओ । तत्थ नलगिरिणा मुत्त-पुरीसाणि मुक्काणि ।
तेण गन्धेण हत्थी उम्मत्ता तं च दिस्सिं गन्धो एइ; - जाव पलोइयं,
नलगिरिस्स पयं दिट्ठं । किं-निमित्तं आगओ-त्ति । जाव चेडी न दीसइ ।
राया भणइ ' चेडी नीया नाम, पडिमं पलोएह ! नवरमच्छइ निवेइयं ।

5 तओ राया अच्चण-वेलाए आगओ पेज्जइ पडिमा-पुप्फाणि मिलाणाणि ।
तओ नि वण्णन्तेण नायं पडिरूवगं-त्ति, हरिया पडिमा तओ तेण पज्जोयस्स
दूओ विसज्जओ न मम चेडीए कज्जं, पडिमं विसज्जेह ! 'सो न देइ ।
ताहे पहाविओ जेठ्ठ-मासे दसहिं, राईहिं समं । उत्तरन्ताण य मरुं खन्ध-
वारो तिसाए मरिउमारद्धो । रन्ना निवेइयं । तओ तक्खणेण पमा-

10 वई चिन्तिया आगया । तीए तिण्णि पुक्खराणि कयाणि अग्गिमस्स
पच्छिमस्स मज्झिमस्स य । ताहे आसत्थो गओ उज्जेणि । भणिओ
रत्ता ' किं लोएण मारिएण ! तुज्ज य मज्ज य जुज्जं भवउ, आसेहिं
रह-हीत्यपाएहिं वा, जेण रुच्चइ तव' । पज्जोओ भणइ ' रहेहिं
जुज्जामो' । ताहे नलगिरिणा पडिकाप्पिएणागओ, राया राहेण ।

15 तओ रन्ना भणिओ 'असच्चसन्धो सि, तहा वि ते नत्थि मोक्खो ।
तओ णेण रहो मण्डलीए दिन्ना । हत्थी वेगेण पच्छओ लग्गो ।
सो य करी जं जं पायं उक्खवइ, तत्थ उदायणो सरे छुभइ, जाव
हत्थी पडिओ । ओयरन्तो बद्धो पज्जोओ । निडाले य से अंको
कओ 'दासी-पइ-त्ति' । उदायणराया य पच्छा नियय-नयरं पहा-

20 विओ । पडिमा नेच्छइ । अन्तरावासेण उ रुद्धो ठिओ । ताहे

⊕ खन्दय भएण दस वि रायाणो धूली-पायारे करेत्ता ठिया । जं
च राया जेमेइ, तं च पज्जोयस्स वि दिज्जइ । नवरं पज्जो-
सवणाए सूएण पुच्छओ ' किं अज्ज जेमेसि ? ' ।
सो चिन्तेइ 'मारिज्जामि' । ताहे पुच्छइ 'किं अज्ज पुच्छिज्जामि !'

25 सो भणइ ' अज्ज पज्जोसवणा, राया उववासिओ' । सो भणइ
' अहं पि उववासिओ, मम वि मायावित्ताणि
संनयाणि; न-याणिहं मया, जहा अज्ज पज्जोसवणं ति । रन्ना
काहियं 'जाणामि, जहा सो धुत्तो; किं पुण मम एयमि बद्धेए

पज्जोसवणा चेव न सुज्झइ । ताहे मुक्को खामिओ य । पट्टो य सोवण्णो ताणवप्पराण छायणनिमित्तं बद्धो । सो य से विसओ दिन्नो तप्पभिई पट्टबद्धया रायाणो जाया, पुब्बं मउडबद्धो आसि । वित्ते वासा-रत्ते गओ राया । तत्थ जो वणियवग्गो आगओ, सो 5 तहिं चेव ठिओ । ताहे तं दसपुरं जायं ।

तए णं से उदायणे राया अन्नया कयाइ पोसह-सालाए पोसहिए एगे अंबीए पक्खियं पोसहं सम्मं पडिजागरमाणे विहरइ । तओ तस्स पुव्वरत्तावरत्त-काल-समयंसि जागरियं करेमाणस्स एयाख्वे अज्झ-त्थिए समुप्पाज्जित्था 'धन्ना णं ते गाम-नगरा, जत्थ णं समणे वीरे 10 विहरइ, धम्मं कहेइ; धन्ना णं ते राईसर-पभिईओ, जे समणस्स महावीरस्स अन्तिए केवलि-पन्नत्तं धम्मं निसामेन्ति, एवं पञ्चाणुब्बयं सत्त-सिक्खावइयं सावग-धम्मं दुवालस-विहं पडिवज्जन्ति' एवं मुण्डा भवित्ता आगाराओ अणगारियं पव्वयान्ति । तं जइ णं समणे भगवं महावीरे पुव्वाणुपुब्बिं दूइज्जमाणे 15 इहेव वीयभए आगच्छेज्जा, ता णं अहमवि भगवओ अन्तिए मुण्डे भवित्ता जाव पव्वएज्जा । तए णं भगवं उदायणस्स एयाख्वं अज्झ-त्थियं जाणित्ता चम्पाओ पडिनिक्खमित्ता, जेणेव वीयभए नयरे, जेणेव मियवणे उज्जाणे, तेणेव विहरइ । तओ परिसा निमाया उदायणे य । तए णं उदायणे महावीरस्स अन्तिए 20 धम्मं सोच्चा हट्टु-तुट्टे एवं वयासी 'जं नवरं जेट्टु-पुत्तं रज्जे अहिंसिच्चामि, तओ णं तुब्भं, अन्तिए पव्वयामि' । सामी भणइ 'अहासुहं, मा पडिबन्धं करेहि ! तओ णं उदायणे आभिओगियं हत्थि-रयणं दुरुहित्ता सए गिहे आगए । तओ उदायणस्स एयाख्वे अज्झत्थिए जाए, जइ णं अभिइं कुमारं रज्जे ठवित्ता पव्वयामि, तो 25 अभिईं रज्जे य रट्टे य जाव जणवए य माणुत्तएसु य काम-भोगेसु मुच्छिए अणाइयं अणवयगं संसार-कन्तारं अणुपरियट्ठिस्सइ । तं सेयं खलु मे नियगं भाइणेज्जं केसिं कुमारं रज्जे ठवित्ता पव्वइत्तए ।

‘एवं संपेहेत्ता सोमणे तिहि-करण-मुहुत्ते कोडुम्बिय-पुरिसे य सदा-
वेत्ता एवं वयासि ‘ खिप्पामेव केसिस्स कुमारस्स राया-भिसेयं उव-
ट्ठेह ! ’तूहो महिड्डीए अभिसित्ते केसी कुमारे राया जाए नाव’
पसासेमाण विहरइ । तओ उदायणे राया केसि रायं आपुच्छइ
‘ अहण्णं, देवाणुप्पिया, संसार-भउव्विमो पव्वयामि’ । तओ केसी
5 राया कोडुम्बियपुरिसे सदावेत्ता एवं वयासी; खिप्पामेव उदा-
यणस्स रत्तो महत्थं महरिहं निक्खमणा-भिसेयं उवट्ठवेह ! तओ
महया-विभूर्इए अभिसित्ते सिवियारूढे भगवओ समीवे गन्तूण पव्व-
इए जाव बहूणि चउत्थ-छट्ठम-दसम-दुवालस-मासइदमासा-ईणि
तवोकन्माणि कुव्वमाणे विहरइ ।

- 10 अन्नया य तस्स अन्तपन्ताहारस्स वाही जाओ । सो वेज्जेहिं
भाणिओ ‘दाहिणा भुञ्जान्निहि’ सो किर भट्टारओ वइयाए अच्छिओ ।
अन्नया वीयभयं गओ । तत्थ तस्स भागिणेज्जो केसी राया तेणं
चेव रज्जे ठाविओ । केसी कुमारो अमचेहिं भाणिओ ‘एस परीसह-
पराइओ रज्जं मग्गइ’ । सो भणइ ‘देमि’ । ते भणन्ति ‘न एस राय-
15 धम्मो । वुम्माहोन्ति चिरेण; पडिसुयं । किं कज्जउ ? विसं से दि-
ज्जउ; एगाए पमुवालीए घरे पउत्तं दाहिणा सह देज्जान्निहि-त्ति ।
सा य दिन्ना, देवयाए अवहरियं, भाणिओ य ‘महरिस्सि, तुज्ज विसं
दिन्नं, परिहराहिं दाहिं !’ सो परिहरइ । रोगो वाड्डुत्तया-रद्धो । पुणो
य गाहिओ । पुणो वि देवयाए अवहरियं । तइयं वारं दिन्नं, तं पि
20 अवहरियं । सा तस्स पच्छओ य हिण्डिया । अन्नया पमत्ताए देव-
व्वाए दिन्नं । पुणो वि भुञ्जन्तो देवयाए निवारिओ ।

तओ से उदायणे अणगारे बहूणि वासाणि सामण्ण-परियामं
पाउणित्ता सट्ठी मत्ताइं अणसणाए छेएत्ता, जस्सट्ठाए कीरइ नमा-
भावे मुण्ड-भावे, तमट्ठं पत्ते जाव दुक्ख-परिणो-त्ति ।

- 25 तस्स य सेज्जाययो कुम्भगारो । तम्मि कालगए देवयाए पंसु-वारिसं
पाटियं । सो य अणवराहि-त्ति काउं सिणवल्लीए कुम्भकार-वेक्खो

नाम पट्टणं तस्स नामेण कयं । तत्थ सो अवहरिऊण ठविओ ।
वीयभयं च सव्वं पंसुणा पेह्लियं । अज्ज वि पंसुओ अच्छइ ।

तए णं अभिई-कुमारस्स पुव्वरत्ता-वरत्त-काल-समयंसि एवमज्झ-
त्थिए जाए 'अहं उदायणस्स जेड्ड-पुत्ते पभावईए अत्तए; मं रज्जे अ-
ट्ठावेत्ता केसिं रज्जे ठावेत्ता पव्वइए । इमेणं माणुसेणं दुक्खेणं अभिभूए
समाणे वीयभयाओ निमाच्छित्ता चम्पाए कोणियं उवसंपज्जित्ताणं
5 विउल-भोग-समन्नागए यावि होत्था । से णं अभिई कुमारे समणो-
वासए अभिगय-जीवा-जीवे उदायणेणं रत्ता समणुबद्धं-वेर यावि
होत्था । तओ अभिई कुमारे बहूइं वासाइं समणो-वासग-परियागं
पाउणित्ता अद्धमासियाए संलेहणाए तीसं भत्ताइं छेएत्ता तस्स ठाण-
स्सा णालोइय-पडिक्कन्ते कालं किच्चा असुरकुमारत्ताए उववन्नो ।
10 एगं पलिओवमं ठिई तस्स; महाविदेहे सिज्झिहि-त्ति ।

३. सणकुमार



- अत्थि इहेव भारहे वासे कुरुनंगले जणवए हत्थिणाउरं नयरं ।
 तत्थ कुरु-वंसे आससेणो राया, सहदेवी भारिया, चोदसमहासु-
 मिण-सूओ चउत्थ-चक्रवट्टी सणकुमारो नाम । सो सह पंसुकी-
 लिएण सूर-कालिन्दी-तणएण महिन्दसीहेण सह गहिय-कळा-
 5 कळावो जोन्वणमणुप्पत्तो । अन्नया वसन्तमासे रायउत्त-नागरय-
 सहिओ गओ कीलणत्थमुज्जाणं । कीलिउण य तत्थ विसिद्ध-
 कीलाहि आस-परिवाहणत्थं आरूढा तुरंगमेषु रायकुमारा । सण-
 कुमारो वि जलहिकळोलाभिहाणं तुरंगमारूढो । मुक्का समकाल-
 मासा । तओ विवररिय-सिक्खत्तणओ पंचमधाराए लग्गो कुमार-
 10 तुरंगमो अहंसणी-हूओ खण-मेत्तेण । लग्गो विनाय-वुत्तन्तो राया
 सपरियणो मग्गे । एत्थन्तरंमि लग्गो चण्ड-मारुओ । तेण मग्गे
 तुरय-पय मग्गो । महिन्द-सीहेण विन्नत्तो राया 'नियत्तउ महाराओ;
 अहं कुमार-सुद्धि लहिउण वलिस्सं' । नियत्तो राया । महिन्द-
 सीहो वि लग्गो अणुमग्गेण कुमारस्स । पविट्ठो मसिणं महाडइं ।
 15 हिण्डन्तस्स अइगयं वरिसमेगं । एगदिवसंमि गओ येवं भूमि-
 भागं । ताव निमुओ सारस-रवो, अग्वाइओ अरविन्द-परिमलो,
 पयट्ठो तय-भिमुहं, दित्थं च सर-वरं, निमुओ महुरो गीय-वेणुरवो ।
 हरिसुप्फुल्ल-ल्लोयणो जाव गच्छइ, ताव पेच्छइ तरुणी-यण-मज्झ-
 संठियं सणकुमारं । विम्हिय-माणसो चिन्तेइ 'किं मण-विष्ममो एस,
 02 किं वा सच्चं चेव एस सणकुमारो !' वियप्पन्तो जाव चिट्ठइ, ताव
 पदियं बन्दिणा

जय आससेण-नहयल-मयंक कुरु-भवन लग्गणे स्वम्भ ।

जय तिहुयण-नाह सणकुमार जय लद्धमाहप्प ॥

तओ सणकुमारो-त्ति कय-निच्छओ महिन्द-सीहो । पमोयाऊ-

- रिय-माणसो य अपुप्व-रसन्तर-मणुहवन्तो गओ सणंकुमास्-दंसण-
 पहं । दूराओ चैव सणंकुमारेण परियाणिऊण अबुद्धिओ । पाय-
 वडणुद्धिओ य उवऊढो गाढं । दुवे वि पमोयाऊरिय-माणसा उवावड्ढा
 दिन्नासणेसु । विज्जाहर-लोगो य उवसन्त-गेयाइ-कलयलो पासेसु
 5 अल्लीणो । तयणन्तरं च फुसिऊण आणन्दजलभरियं नयणजुयलं भाणियं
 सणंकुमारेण 'वयंस, कहं तुममेगागी एत्थ भांसणा-रण्णे आगओ,
 कहं च एत्थ-हिट्ठओ वियाणिओ हं, किं वा करेइ मम विरहे
 महाराओ अम्बा य? काहियं जहा-वत्तं माहिन्द-सीहेण । तओ मज्जा-
 विओ वर-विलासिणीहिं माहिन्द-सीहो । कयमुचिय-करणिज्जं' ।
 10 भोयणा-वसाणे य पुट्ठो णेण सणंकुमारो, जहा 'कुमार, तुरंगमेण
 अवहरिओ तुमं तथा कहिं गओ, कहिं ठिओ, कत्तो वा एरिसी
 रिद्धी ?' सणंकुमारेण चिन्तियं: न जुत्तं निय-चरिय-कहणं निय-
 मुहेण सप्पुरिसाणं, ता कहावेमि परमुहेणं । तओ भाणिया कला-
 सय-मज्झ-गया परिणीया स्वयारिन्द-धूया निय-दइया वडलमई 'पिए,
 15 नीसेसं मह वइयरं विज्जाए आभोएऊण साहेसु माहिन्दसीहस्स;
 मम पुण निदाए धुम्मन्ति लोयणाइं-'ति मणिऊणुववन्नो रइहरे ।
 वडलमई वि साहिउमादत्ता कुमार-चरियं ।

तत्थ तथा तुम्ह नियन्ताण चैव अस्सेणावहरिओ कुमारो
 पवेसिओ तेण घोराए अडविए । बीय-दियहे वि तहेव वचन्तस्स
 20 आसस्स जाओ मज्झण्हसमओ । खुर्हा-पिवासाउलेण य आसेण
 निह्हालिया जीहा, उद्धाद्धिओ चैव सासाऊरिय-गलो, थक्को, उत्त-
 रिओ कुमारो । छोडिया पट्टादा, ऊसारियं पल्लणं, जाव धुम्मिऊण
 निवाडिओ आसो, मुक्को अकज्ज-कारि-त्ति कलिउणं पंच-पाणेहिं ।
 तं बुक्कपेसणं च मोत्तूण गओ कुमारो, उदयणोसण-परायणो य
 25 हिण्डिउमादत्तो । न कहिं पि आसाइयमुदयं । तओ दीहन्दाणयाए
 सुकुमारयाए य मज्झण्ह-कालज्जाणओ, य दव-ददुग्गार, य रण्णस्स,
 अईव हल्लोहली-हूओ । दूर-देसंमि दट्टण सत्तच्छयं पहाविओ

- तयभिमुह, पत्तो य तस्स छायाए उवविट्ठो, पडिओ लोयणे
 भजिऊण घरणीए । एत्थन्तरमि य तप्पुण्णाणुभावेण तन्निवासिणा
 जक्खेण आणेऊण सिसिर सीयल जल सित्तो सन्वगेसु आसासिओ ।
 लद्धचेयणेण य पीय साल्लि । पुच्छिओ तेण सो 'को तुम, कत्तो
 5 वा एयमाणिय साल्लि'ति । तेण भाणिय 'अह जक्खो एत्थ निवासी,
 साल्लि च माणस सरवराओ तुह निमित्तमाणिय' । तओ कुमारेण
 भाणिय 'एस मह सतावो पर माणससर-मज्जेण जइ अवगच्छइ'
 त्त । त साऊण भाणय 'अह सपादेमि भवओ मणोरह'ति भाणिऊण
 काऊण करयल सपुडे नीओ माणससर, माज्जिओ विहिणा । तत्थ
 10 य वसणावडिय ति काऊण कुद्धेण वेयडु वासिणा असियक्ख
 जक्खेण सह जुज्ज सवुत्त । तेण य पदम गुरु-सक्करोह निव्वपरो
 मोडिय तरुवरो पवणो मुक्को । तओ नहयल बहुल धूलीए अन्धा
 रिय । तओ विमुक्कट्टहासा जालिय-जलण पिंगल-केसा म्हाणिन्त
 जाला-कराल-पिसाया मुक्का । जाहे तेहिं न भाओ, तओ मुक्क
 15 नयण जाला फुलिंगेहिं नागपासेहिं बद्धो । तओ जुण्ण रज्जू इव
 तेण ते तोडिया-दडु-कर घाएहिं लग्गो । तओ मुट्ठि पहारेण
 खण्डाखण्डि कओ । पुणो वि रक्खसेण गुरु-मच्छरेण घणलोह
 जडिय-मोमारेण हओ वच्छत्थले कुमारो । तेणावि महाकाय
 घन्दण तरु उम्मूलिऊण अत्थोडिओ उडु वट्टन्तो उरुएसु, छिन्न
 20 दूमो-व्व पडिओ भूमीए । तओ रक्खसेण दूर-मुक्खिविऊण गिरि
 वरो कुमारस्सो वरिं मुक्को । तेण ददपीडियगो जाओ निच्चेयणो
 कुमारो । लद्ध सन्नो य तेण सम बाहु-जुद्धेण लग्गो । कुमारेण
 कर-मोमाराहओ सयसक्करो व्व कओ । अमरो त्ति काउ न भओ,
 विरस माराडिऊण नट्ट । कोउग-दसणत्थ-मागएहिं देव विज्जा
 25 हरेहिं पुप्फ बुट्ठी 'मुक्का अहो जिओ जक्खो कुमारेण'ति ।
 तओ जिणिऊण रक्खस पच्छिम दिसाए गए सुरे उव्वलिओ
 सरवराओ अज्जउत्तो, गओ थेव भूमि माग । दिट्ठाओ तत्थ नन्दण

- वणस्स मज्झ-गयाओ मणोरमाओ अट्ट दिसा कुमारीओ-व्व दिव्वाओ
 माणुवेग विज्जाहर धूयाओ । पलोइओ ताहिं ससिणाद्धिए दिट्ठीए
 सो । तेण वि चिन्तिय काओ पुण इमाओ त्ति पुच्छामि
 उवसप्पिउणं । गओ तासिं समीव । पुच्छिय महुर थाणीए एक
- 5 कन्नग मुद्दिसिउण, 'काओ तुब्भे, किं निमित्त इम सुण्णमरणमाल
 किय तुब्भेहिं ।' ताहिं भणिय 'इओ नाइतूरमि पियसगमाभिहाणा
 अन्ह पुरी अत्थि । ता तुम पि तत्थेव ताव वीत्तमसु' त्ति भणिउण
 किंकर दरिसिय मगो पयट्ठाविओ अज्जउत्तो । अत्थमिओ य रवी,
 पत्तो य नयरिं, नेयाविओ य ताहिं कचुइणा राय भवण, दिट्ठो य
- 10 राइणा अब्भुट्ठिओ य । कयमुचिय करणिज्ज । भणिओ य भाणुवेग
 राइणा, 'जहा महा भाग, मह इमाओ अट्ट कन्नगाओ, एयासिं च
 तुम पुव्व चेव अच्चिमालिणा मुणिणा वरो आइट्ठो, जहा जो असि
 यक्ख जक्ख जिणित्तइ, सो एयासिं भत्त त्ति । ता परिणेषु इमीओ !
 अज्जउत्तेणा वि तह त्ति पडिवज्जिउण सव्वमणुट्ठिय । तओ पउत्तो
- 15 वांवाहो, बद्ध कवण, सुत्तो य रइ भवणमि ताहिं सद्धिं पल्लके ।
 जाव निदा विरममि भूमीए अप्पाण पेच्छइ, चिन्तिय च तेण किमे
 यमिति । पेच्छइ य करे क्वण त्ति । तओ अविस्सणमणो गन्तु
 पयट्ठो । दिट्ठ च रण्णमज्झमि गिरि वर सिहरे मणिमय-खम्भपइट्ठिय
 दिव्वं भवण । तेण 'चिन्तिय' इय पि इन्दियालप्पाय भविस्सइ' त्ति ।
- 20 गओ य तयासत्ते इत्थिए करुण सरेण रुयन्तीए सइ निसामेइ ।
 पविट्ठो य मवण गय भओ, दिट्ठा य सत्तम भूमियाए दिव्व-कन्नगा
 करुणेण सरेण रुयन्ती भणन्ती य 'कुरु-कुल नहयल मयलज्जण सण
 कुमार अन्न जम्ममि वि मह तुम चेव नाहो होज्जसु' त्ति भणन्ती
 पुणो पुणो रोविउमारद्धा । तओ दिज्जासणेण निय नामासक्किएण
- 25 पुच्छिया अज्जउत्तेण 'किं तुम तस्स सणकुमारस्स ह्योसि, जेण तए
 एयस्स सरण पडिवन्न' । तीए भणिय 'सो भत्ता भणोरह मेत्तेण त्ति,
 जेणा ह साकेय पुर नरिन्देण सुरहेण चन्दजसा जणणीए इट्ठा धूय
 त्ति काउण धूया नीय तडीय चित्तफल ख्व विमोहिया तस्स पुव्व

उंदय-द्राणेण दिन्ना. न य वित्तो विवाहो-त्ति । ताव य अहमेगेण
 विज्जाहरकुमारेण कुट्टिम-तलाओ इहमाणिया । गओ य सो इमंमि
 विज्जा-विउरुत्विए घवलहेर मं मोत्तूण क्हं पि । जाव एवं जंपइ
 सा कन्नगा, ताव य तेण असाणिवेग-सुय-विज्ज-वेगेण विज्जाहराह-
 मेण आगन्तूण उक्खित्तो गयण-मंडलं अज्जउत्तो । तो सा हाहा-
 5 रवं कुणमाणीं मुच्छा-पराहीणा निवडिया घरणीवट्ठे । ताव य मुट्ठि-
 प्पहारेण वावाइळण तं दुट्ठ-विज्जाहरं समागओ अक्खय-सररीरो तीसे
 सर्मावमज्जउत्तो । समासासिया (साहिओ निय वुतन्तो तेण)
 विवाहिया य । सा य सुणन्दामिहाणा इत्थी-रयणं भविस्सइ । थेव
 वेलाए य समागया वज्जवेग-भगिणी संआवली नाम, वावाइयं च
 10 दट्ठण भाउयं कोवमुवगया । पुणो वि सुमारियं नेमित्तिय वयणं,
 नहा भाइ-वहगस्स भज्जा होही, अज्जउत्तं विवाहत्थमुवड्डिया ।
 सा वि तस्सा पुमईए तहेव वीवाहिया ।

एत्यन्तरे समागया अज्जउत्त-सर्मावं दुवे विज्जाहरा । पणामपु-
 त्तयं मणियं तेहिं देव, असाणिवेगो विज्जाहर-बलेण जाणिय-पुत्त-
 15 मरण-वुत्तन्तो तुम्हो वरिं समागच्छइ । अओ चन्द्वेग-भाणुगेहिं
 पोसिया अम्हे हरिचन्द-चन्दसेणा-भिहाणा निय-निय पुत्ता; रहो
 सन्नाहो य पेसिओ; अम्ह पियरो वि तुम्ह चलण-सेवा निमित्त
 पएसं पत्ता चेव । तयणन्तरं च समागया चन्द्वेग-भाणुवेगा अज्ज-
 उत्त-सहेज्ज निमित्तं । संआवलीए दिन्ना पन्नत्ती विज्जा । तओ
 20 अज्जउत्तो चन्द्वेग-भाणुवेगा य निय-विज्जाहर-बल-समेया असाणि-
 वेग-बलेण समं जुज्जुज्जिउ पयत्ता । तओ भग्गसु दोसु वि बलेमु
 अज्जउत्तस्स असाणिवेगेण समं महा-जुज्जे समावडिए तेण मुक्कं
 महोरगत्यं; तं च कुमारेण गरुल सत्थेण विणिहयं । पुणो मुक्कं ज्जेण
 अगेयत्थं, तं पि कुमारेण वारणत्थेण पट्टिहयं । पुणो वि मुक्कं
 25 वायत्थं, तं पि सेहत्थेण पडिपोट्टियं । तओ गहिय-गण्डीवो
 नाराए मुचन्तो पहादिओ सो । कुमारेण निज्जीवं कयं तस्स चावं ।

- पुणो कडिय-मण्डलगो उट्टिओ, कुमारेण तसस करो छिन्नो ।
 तओ बाहु जुझ इच्छन्तो आगओ, कुमारेण वि चक्केण प्रुद्धविगल
 सरिीर कय । तओ तक्खणमेवा सणिवेग विज्जाहर रायलच्छी सयल
 विज्जाहर समेया सणकुमार सफन्ता । तओ हन्तूण असणिवेग
 धुव्वन्तो चन्दवेग पमुहेहिं नभाओ रहेण विज्जाहर सहिओ ओय
 5 रिओ पासाय वडिसए, दिट्ठो य तत्थ हरिसियाहिं सुणन्दा सज्ञाव
 लीहिं, वुत्तो य ताहिं 'अज्जउत्त, सायग' ति । तओ लद्ध-जया गया
 वेयड्ढु अणेग विज्जाहर विज्जाहरी-लोग परिगया भगल-तूर रवाऊ
 रिज्जमाण दियन्ता, पविट्ठा नियय मन्दिरेसु । कओ य सणकुमा
 रसस सयल विज्जहर राया भिसेओ । तओ सुह मुहेण अच्छन्ति ।
 10 अन्नया य चन्दवेगेण विन्नत्तो चक्की, जहा 'देव' मज्झ मुणिणा
 अज्जिमालिणा सिट्ठु, जहा तुह एय कन्नासय, भाणुवेगसस अट्ठ
 कन्नाओ चक्की परिणेही, सो य सणकुमार नामा चउत्थो चक्क
 वट्ठी जिणेहिं समाइट्ठो, सो य इओ मास मेत्तेण एही माणस सर
 धर ति । तत्थ मज्जणुत्तिण वसणावडिय ति नाउण असि यक्खो
 15 नाम जक्खो पुव्व भव वेरी दच्छिही । कह सो पुव्व भव-वेरी भणइ ।

- अत्थि कचणपुर नाम नयर । तत्थ विक्रमजसो नाम राया,
 तसस पच्च अन्तेउर सयाइ । तत्थ नागदत्तो नाम सत्थवाहो । तसस
 रूवजोव्वण-लायणण सोहग्ग गुणेहिं सुर सुन्दरीण वि अज्जाहिया
 विण्हुसिरी नाम भज्जा । सा विक्रमजसेण कहिंचि दिट्ठा । मयणाउ
 20 रेण अन्तेउरे वूढा । तओ नागदत्तो तन्विओए 'हा पिए चन्दा
 णणे, कत्य गया 'देहि मे दसण' ति । एव विलवन्तो डिम्भ परि
 गओ उम्पत्तीभूओ काल गमेइ । तओ य सो विक्रमजसो राया
 अवहत्थिय रज्ज-कज्जो अगणिय जणा ववाओ अवमन्निय वर तरुणि
 पच सयावरोहो तीए विण्हुसिरीए सम अच्छन्त रइ पसत्तो काल
 25 गमेइ । अन्नया ताहिं अन्तेउरियाहिं रत्ता परिभूयाहिं ईसा परव्व

- साहिं कम्मण-जोगेण विणिवाइया विण्हुसिरी । तओ राया तीए
मरणेण अच्चन्त-सोगाउरो अंसु-जल-मरिय-नयणो, जहा नागदत्तो
तहा उम्मत्ती-मूओ । विण्हुसिरी-कलेवरं न दाहिउं देइ । तओ-
मन्तीहिं मन्तिऊण रायाणं वंचिय रण्णे कलेवरं नेऊण छड्डियं ।
राया तमपच्छेन्तो परिहरिय-पाण-भोयणो ठिओ तिणिण दिणे ।
- 5 मन्तीहिं: अदिट्टे तंमि मरइ-त्ति कलिऊण नीओ रण्णं । दिट्टुं च तं राइणा
गलन्न-पूइ-निवहं सुलुसुलेन्त किमि-जालं वायसायड्डिय नयण-जुयलं
खग-चण्ड-पुण्ड-खाण्डियं दुरभि-गन्वं । तं पेच्छिय कलेवरं राया
तक्खणेण सज्झस-परव्वसो अप्पाणं निन्दिउमाइत्तो, 'कहं जस्स
कए, रे जीव, कुलं सीलं जाई जसो लज्जा य परिच्चत्ता, तत्थ
- 10 एरिसी अवत्था जाया ! तओ वेरमा-ममा-वडिओ रज्जं रड्डं पुर-
मन्तेउरं च सयण-वग्गाइ परिचइय तिणमिव सुव्वयायरिय-समीवे
निकखन्तो । तओ चउत्थ-छट्टइमाइ-विचित्त-तवोकम्मोहिं अप्पाणं
माविय संलेहणा-पुव्वं गओ सर्णकुमार-कप्पं । आउ-क्खए रयणपुरे
सेट्टिसुओ जिणघम्मो नाम जाओ । सो य जिण-वयण-भाविय-मई
- 15 सम्मत्तमूलं दुवालस-विहं सावग-घम्मं पालेन्तो जिणिन्द-पूया-रओ
कालं गमेइ । इओ य सो नागदत्तो पिया-विरह-दुक्खिओ नट्टु-
चित्तो गुरु-अट्ट-ज्जाण-परिखविय-सरीरो मरिउं बहु-तिरिय-
जोणीसु ममिऊण सीहउरे नयरे अमिसम्मो नाम वम्मण-सुओ
जाओ । कालेण य तिढाण्डिय-वयं घेत्तुं दोमास-खमणाइ-तवो-रओ
- 20 रयणपुरं आगओ । तत्थ हरिवाहणो नाम राया भगवय-भत्तो ।
सो तेण तत्थागओ नाओ, जहा: एत्थ कोवि महा-तवस्सी आगओ ।
पारणय-दिणे राइणा निमन्तिओ घरमागओ । एत्थन्तरे जिण
घम्मो सावगो तत्थ देव-जोगेण आगओ । तं दट्टुं पुव्व-जाय-जब्ब-
वेरेण मुणिणा रोसारुण-लोयणेण राया भणिओ 'जइ ममं मुज्जा-
- 25 वेसि, तो इमस्स सेट्टिस्स पिट्ठीए उण्ह-पायसं पत्तीए मुज्जावेहे !

- रत्ना मणिओ 'अन्न-पुरिस पिटीए भुञ्जावेमि' । तओ मुणिणा वि
जम्मन्तर जणिय-वेराणुबन्धेण वुत्तो राया 'नअन्नहा जेमेमि' । तओ
रत्ता अणुरागेण पडिवत्तं । सेटी वि पुट्टि-ट्टिय-पत्तिदाहं 'दक्कय कम्म-
फलमेवमुवट्टिय-ति मन्ममाणो सम्मं सहइ' । तओ भुत्ते ससोणिय-
5 ण्हारुमस-वसा-पट्टीओ उक्खया पत्ती । तओ घर गओ सम्म णिऊण
सयण-वग्ग खामेऊण य चेइय पूयं काऊण घेत्तूण समण दिक्ख
निग्गओ नयराओ, गओ गिरि-सिहरे । तत्थ अणसण काऊण
पुव्व दिस-मद्धमास काउस्समणेण ठिओ, एव सेसासु वि दिसासु
अद्धमास अद्ध-मासं । तओ पिटीए गिद्ध-काय सिवाईहिं खज्जन्तो
10 पांड सम्म सहिय नमोक्कारपरो मरिउ सोहम्म-कप्पे इन्दो
जाओ । भगवो वि तस्सेव वाहण एरावणो जाओ । तेण आभियो-
गिय कम्मणा तओ एरावणो चुओ, नर-तिरिएसु हिण्डिय असि
यक्खो जक्खो जाओ । सक्को वि तओ चुओ हत्थिणाउरे नयो
सणकुमार चक्की जाओ । एय च वेर-कारण ति ।
15 तं मुणिणा एव सिडे भए तुह अन्तरवासनिमित्त भाणुवेग
विसज्जिय पियसगम पुरि निवेस-पुव्व तुम अट्ट भाणुवेग-क्कनाओ
विवाहाविओ मुक्को य कारणेण तत्थेव 'कज्ज समत्तीए सेव करेहामो'
त्ति । खमेज्जह अवराह, जं मुक्को वणमि । ता विन्नवेमि 'मन्नह मे
क्कना सयस्स पाणिग्ग-हण-ति, ताओ वि तुम्हट्ट वट्टओ पेच्छन्तु
20 सामिणो मुह कमल' ति । एव होउ-त्ति मन्निए समागयाओ ताओ ।
महया विभूईए विवाहियमज्जउत्तेण क्कना सयं । दसुत्तरेण देवी सएण
सहिओ भुञ्जए भोए । एव वच्चइ काले । अज्ज पुण अज्जउत्तेण
एव समाणत्त, जहा 'गन्तव्वमज्ज, जत्थ जक्खेण सह जुज्जियं, त
सर-ति । तओ एत्थागयाण मज्ज तुम्हेहिं सह पेच्छणयावसरे
25 दंसण जाय ति ।

एत्थंतरमि उट्टिओ सुह पसुत्तो रइहराओ सणकुमारो । गया
य महया वडयरेण वेयड्डु । विन्नत्तो य अवसर लहिउण महिन्द-

- सीहेण जहा 'कुमार, दुक्खेण तुह जणणि-जणया कालं गमेन्ति; ता तदंसणेणं करिउ पसाओ अम्हारिस जणस्सत्ति विन्नत्तान्त-रमेव गया महया-मय-णिट्ठिय-नाणाविह-विम.ण-हय-मयाइ-वाहणारूढ-विचित्त-वेसाहरण-भूसिय-विज्जाहर-वन्द-सम्मट्टेणं
- 5 हत्थिणाउरं-ति । आणान्दिया जणणि-जणया नायर-जणो य । तओ महया विभूइए रत्ता आससेणेण सणकुमारं पयइ सम-मोण रज्जमि अहिसिन्चिउण महिन्दसीहं सेणावइं निउञ्जिय घम्म-तित्थयर-तित्थे तहाविहाणं थेराणं अन्तिए पव्वज्जा-विहाणेणं सकज्जमणुट्ठियं ति । सणकुमारो वि परिवइदमाण-कोस-वल-सारो
- 10 विक्रन्तो रज्जमणुपालेइ । उप्पत्ताणि य चक्क-पमुहाणि चोइस वि रयणाणि नव निहीओ य, कया य तेसिं पूया । तयणन्तरं चक्क रयण-दंसिय-मग्गी मागह-वर-दाम-पमास-सिन्धु-खण्ड-प्पवायाइ कमेण भरहं उयविय वास-सहस्सेणागओ गयपुरं । दिट्ठो ओहिए सकेण 'पुब्बिं सुहम्मवइ मह सरिसो आसि'-त्ति । बन्धु-नेहेण आणत्तो
- 15 वेसमणो 'करेह सणकुमारस्स रज्जाभिसेहं, इमं च हारं वणमालं-छत्तं मउढं चामर-जुयं, कुण्डल-जुयं, दुस-जुयं, सीहासणं, पाउया-जुयं पाय-पीढं च पाहुडं ढोएज्जह । वत्तवं च तए जहा 'महाराय, सको तुम्हं वत्तं पुच्छइ ।' वेसमणो वि 'एवं होउ'-त्ति पाहुडं सक्क-विइण्णं वेत्तण गओ गयपुरं । रम्भा-तिलोत्तमाओ य पेसियाओ सकेण
- 20 अभिसेय-महसव-करणत्थं समाप्पियं पाहुडं । विन्नत्तो वेसमणेण चक्की 'तुम्हाभिसेय-निमित्तमन्हे सकेण पेसिया, ता तं अणु मन्नह तुम्हे । एवं-ति पडिवत्ते चक्किणा विउञ्जियं जोयण-पमाणं मणि-पीढं । तस्सोवरि रयण-मय-मभिसेय-मण्डवं तम्मजे मणि-पीडिया तीए उवरि सीहासणं । तत्थ निवेसिय खीरोय-जलेण रयण-कणय-
- 25 कलसावज्जिएणं जय-जय-सइ-साम्भिस्स-गीय-रव-मुहलं अहिसित्तो-सुरेहि; पणच्चियाओ रम्भा तिलोत्तमाओ । मन्वाळंकार-विभूसियं करेत्ता पवेसिउण महा-विच्छट्ठेण गयउरं, गओ सुरलोयं घणयाइ-सुरयणो । चक्की वि भोए भुज्जन्तो गमेइ कालं ।

- अन्नया य सोहम्म-सभाए सिंहासणमत्ययत्थो सोहम्मिन्दो सोयामाणि नाडय पेच्छन्तो अच्छइ । एयम्मि अन्तरे एगो ईसाण-कप्पाओ सगमाभिहाणो देवो सोहम्मिन्दु पासे आगओ । तस्स य देह प्पभाए सभा ठिय सब्ब देवाणं तेओ नडो; आइच्चोदए चन्द-
- 5 गहा इव निप्पभा जाया सुरा । गए य तमि सुरेहि विम्हिएहि सोहम्मिन्दो पुच्छिओ, जहा 'वेण कारणेणं, सामि, इमस्स संगम देवस्स बारसाइच्चोदयाहिओ तेओ'-त्ति । इन्देण भणियं 'इमेण पुब्ब-भवे आयम्बिल वद्धमाणा नाम तवो कओ 'त्ति । तओ देवेहि इन्दो पुणो वि पुच्छिओ, जहा 'अन्नो वि कोइ एरिस्स तेय-रूव-संपन्नो किं
- 10 अत्थि' त्ति । इन्देण भणियं, जहा 'हत्थिणाउरे कुरुवंसे अत्थि सण-कुमारो नाम चक्खवट्ठी जस्स तेओ रूव च देवाणं पि अहियम्-इति ।' तओ विजय जयन्त-देवाअसइहन्ता बेम्भण रूवेण गया तओ पडिहारेण मुक्कदारा पविट्ठा राय-समीवं । दिट्ठो य तेहि राया गन्ध तेल-अब्भगण किच्च कुणन्तो । विम्हिया सक्क-वण्णिय-रूव सिरीओ
- 15 अहिययर रूवाइ सपय दट्ठुं । पुच्छिया य रत्ता 'किमेत्थमागया ?' ते मणन्ति जहा 'तुम्ह रूव तिहुयणे वि वण्णिज्जइ तहंसण-कोउगेणं ति' । पुणो वि रत्ता अइ रूव-गव्विएण वुत्ता 'भो भो विप्पा ' किं मज्झ रूव तुम्हेहि दिट्ठुं! थेव काल पडिक्खह जाव अत्थाण उव-विसामि ।' एवं ति जपिय निग्गया दिया । चक्की वि लहु मज्जिऊण
- 20 मण्डण विहूसण सिंगार च काऊण उवविट्ठो सिंहासणे । वाहरिया दिया । ते सरीर दट्ठण विसण्णा । मणियं च तेहिं 'अहो मणुयाण रूव लावण्ण-जोव्वणाणि खण दिट्ठ नट्ठाणि । तं सोऊण भणिय चक्किणा 'भो किमेव तुम्हे वि सोयपरा मम सरीर निन्दह ?' तेहिं भणिय 'महाराय, देवाणं रूव जोव्वण तेया पदम-
- 25 समयाओ जाव छम्मासाउग सेस ताव अवाट्ठिया भवन्ति, तओ हीयन्ति, मणुयाण पुणो ते य वड्डमाणा भवन्ति जाव जीविय-मज्झो, तओ परेण हीयन्ति, तुम्ह ण रूव जोव्वण-सिरीए अच्छे

- रय दीसइ, नओ सपइ चेव सा खल-मेत्तिव्व नहा खणेण ।
 रत्ता भणिय 'कह तुम्हे जाणह ?' तेहिं परमत्थो सक् पससाइओ
 सिट्ठो । विम्हिण्ण य केऊर भूसिय बाहु जुयल पल्लोयन्तेण विच्छाय
 दिट्ठ, वच्छत्थल पि हार विभूसिय विवण्णमुवलक्खिय । त च पोच्छि-
- 5 ऊण चिन्तिय 'अहो अणिच्चया ससारस्स, असारया सररीरस्स,
 एत्तियमेत्तेण वि कालेण रूव-जोव्वण तेया पणट्ठा, ता अनुत्तो
 भवे पडिबन्धो, अन्नाण सररीर-मोहो, मुखत्तण रूव जोव्वणा
 भिमाणो, उम्माओ भोगासेवण, गहो चेव परिग्गहो । ता उज्झिऊण
 मेय करेमि पर लोय हिय ति चिन्तिऊणमभिसित्तो रज्जे पुत्तो ।
- 10 अणुहरियं धीर तुमे चरियं निययस्स पुव्व पुरितस्स ।
 भरह महा-नरवइणो तिहुयण विक्खाय कित्तिस्स ॥
 इच्चाइ उव्वूहिऊण गया देवा । चर्की वि तक्खणमेव तण
 व पडिलमा उज्झिय सव्व परिग्गह रायायरिय समीवे पव्वइओ ।
 इत्थी रयण पमुहाणि सव्व रयणाणि सेसर मणीओ आभिओइय सुरा
- 15 महा नरिन्दा निहीओ सव्वहा, किं बहुणा, समत्थ खन्धावार वासिणो
 वि जणा छम्मासे जाव मग्गणुलगा, भरिया न सीहावलोइण्णा
 वि तेण सच्चविय ति । तओ छट्ठ-भत्तेण भिक्खा निमित्त गोयर
 पविट्ठस्स पढममेव चाणा-कूर छलिया तक्केण दिन्न । त भोत्तूण पुणो
 वि छट्ठोववासो कओ । तक्काल पभिई तेणेव दोसेण, कच्छू, जरो
- 20 स्तासो, सासो, भत्तच्छन्दो, अक्खि-दुख, पोट्टुदुख, एयाओ सत्त
 वाहीओ दारुणाओ सम्म वास सए सत्त आहियासिय उग्ग तवेत्त तवे
 घोर तवे करे माणस्स आमोसाहि-खेलोसाहि विप्पोसाहि जल्लोसाहि सव्वो
 सहि पभिईओ लद्धीओ उप्पन्नाओ । तओ वि सररीर पडियार न
 करेई । पुणो वि सक्केण पससिओ 'अहो सणकुमारस्स मुणिणो
- 25 धीरया ! वाहि-कयत्थिओ वि न करेइ तप्पडियार' तमसइहन्ता
 ते चेव देवा सवर वेज्ज रूवेणागया । भणिय च 'भयव, तुह वाहि,
 पसम करेमो । भयव तुण्हिक्को अच्छइ' । जाहे पुणो पुणो भणन्ति
 ताहे मुणिणा भणिय 'तुम्हे किं सररीर-वाहिं । फेट्ठेह, उयाहु वम्म

वार्हि' १ तेहिं भाणिय 'सरीर वार्हिं । तओ भयवया निट्टहणेण
 घसिऊण वणय वण्णा क्या अगुली दसिया, भाणिय च 'अहं सय
 मेवइयर वार्हिं फेडेमि, तुम्हे जइ ससार फेडण समत्या, तो फेडेह'
 दो वि देवा विन्हिय मणा 'तुम्हे चेव ससार-वाही फेडणे परम वेज्ज'
 5 ति पससिऊण सब सन्तिय वइयरमावेइऊण देव रूवेण पणमिऊण
 गया सट्टाण । भयव च कुमारत्त मण्डलियत्त च पन्नास पन्नास
 वास सहस्साइ, 'वास लक्ख च चक्कवट्ठित्त, वास लक्ख च सामण्णमणु
 पालेऊण गओ सम्मय सेल सिहर । तत्थ सिलायले आलोयणा
 विहाणेण मासिएण भत्तेण कालगओ । सणकुमारे कप्पे उववन्नो,
 10 तओ चुओ महाविदेह वासे सिद्धिहाहि ति ।

वम्भदत्त

—*—

- सोमे नयरे चण्डवडिमयम्स रत्तो पुत्तो मुणिचन्द्रो नाम आसि ।
 सो य निन्विण्ण-काम-भोगो सागरचन्द्रम्म अन्तिए पन्वइओ । अन्नया
 उमां पव्वज्जं करेन्तो, गुब्बहिं समं विहरन्तो, देसन्तरं पयट्ठो,
 भिक्खवट्ठा गामं पविट्ठो, सत्येण मुक्को, पच्छा अडवीए पव्वट्ठो ।
 5 तं पि तण्हा-रुहा-किल्लन्तं पेच्छन्ति चत्तारि गोवाल-दारगा । तं पडि-
 यरिय तओ तद्देसणाए पडिबुद्धा पन्वज्जं पडिवज्जिया । दो दुगच्छं
 काउण देवल्लोगं गया । तओ दसपुरे नगरे सण्डिहत्त माहणम्म
 जसमर्द-दासीए दो वि पुत्ता जमलगा तेणेव वम्भणेण जाया । अति-
 कन्त-बाल-भावा जोव्वणं पत्ता । अन्नया रेत्त-रक्खणट्ठा अडविंगया ।
 10 तत्थ वडपायवम्म हेट्ठा पमुत्ता वडकोट्टाराओ निग्गन्तूण डक्को मुय-
 द्दमेण एगो दारगो । बीओ वि सप्पोवळम्म निमित्तं भमन्तो तेणेवा-
 हिणा दट्ठो । तओ अरुय-पडियारा दो वि मया सन्ता कालिउर नगे
 मिगीए जमलत्तेण जाया । पुन्व पीइ-संबन्धाओ आसन्नं चरन्ता वाहेण
 एगेण चैव सरेण दो वि त्रिणिवाइया । तओ मया गद्दार्तीरे दो
 15 वि हंसा एगाए हंसीए गव्वंमि उववन्ना, जाया, कालवमिण अइ-
 कन्त-बाल-भावा । अन्नया तहेव समं भमन्ता एगेण मच्छन्नयेण
 एगाए पासियाए द्रात्ति गेण्हिउण सन्धरं वालिउण त्रिणिवाइया ।
 तओ वाणारसीए नयरीए महाण्ण-ममिद्धम्म भूयदिन्नाभिहाणम्म
 पाणाहिबइणो पुत्तत्ताए उववन्ना । तहेव अर्इव पीइ-मंजुत्ता चित्त-
 20 संभूयनामाणो य भायरो जाया ।

इओ य तंमि विसए वाणारसीए सट्ठो नाम राया, नमुईनामो य से
 मन्ती । अन्नया वह वि तहाविहे खूणे जाए जण पच्छन्नं वहट्ठयाए
 तम्म भूयदिन्नो पाणाहिबई आणत्तो राइणा । तेण वि पच्छन्नो
 विहिओ भाणिओ य रक्खामि अहं तुमं, जइ भूमिहर-डिओ मम

- पुत्ते पादेसि ' । जीवियत्थिणा पडिवन्न तेण । तथा करेन्तस्स अइ
 कन्तो वोइ काले । अन्नया भूयद्विणेण विन्नाय, जहा ' मम पत्ती
 एएण सह अच्छइ । मारेउमादत्तो चित्तसभूएहिं ' उवयारि ति
 काऊण नासाविओ । पच्छा हत्थिणाउरे नयरे सणकुमारस्स चक्कव
 5 द्विणो मन्ती जाओ । इओ य तेहि वि चित्त सभूय मायङ्ग दारएहिं
 रूव जोव्वण-लायण नट्ट गीयाइ-कला पगरिस पत्तेहिं विसरय वेण
 वाणा सणाह गन्धव्व गायन्तेहिं सयलो वाणारसी जणो ह्य हियओ
 कओ । अत्रया मयण महसवे जाण पवन्नामु नाणाविहामु लोमच
 चरीमु नच्चन्तेमु तरुण तरुणी गणेषु चित्त सभूयाइ पाणाण पि चच्चरी
 10 निग्गया । तओ तेसि साइसय गीय नट्ट च सोऊण पसूण वि चित्त
 हर सव्वो वि नयरी लोगो विसेसओ तरुणी जणो ताण समीव
 गओ । तओ पउर चाउव्वेज्ज लोएण ईसालुयाए रायाण विन्नविय,
 जहा ' देव, एएहिं सव्वो वि लोगो विट्ठालिओ'त्ति । निवारिओ
 ताण नयरी पवेसो । गओ को वि काले । अन्नया कोमुई महसवमि
 15 लोलिन्दियत्तणओ कोउहल परा विस्सारिऊण राय सासण अग
 णिऊण निय भूमिं पविट्ठा नयरिं । तओ पेच्छणय पेच्छमाणाण अइ
 रसओ कोल्हुयरसिअ सोउ भञ्जेऊण वयण निग्गय गेय । तओ
 वत्थावगुण्ठियमुहा गाइउ पवत्ता एगमि देसे । तओ त समाय
 णिऊण सुइ सुह ताण गेय समन्तओ परियरिया सन्व-लोगेण,
 20 भणिय च ' केण एय किन्नराणुकारिणा महुरगेण अमयरसेणेव
 सवणाण सोक्खमुप्पाइय' तओ कट्टिऊण उत्तरिज्जाइ पलोइय मुह
 जाव ते चेव एए मायङ्ग कुमारे त्ति, तओ ' हण हण ' त्ति भण
 न्तेहिं पाय प्पहार चवेडाईहिं हम्ममाणा निग्गया नयरीओ, पत्ता
 बाहिरुज्जाण । तओ विसण्णा दुम्भणा चिन्तिउ पवत्ता ' धिरत्थु
 25 अम्हाण रूव जोव्वण कला कोसलाइ गुण कलावस्स, जेण मायङ्ग
 जाइ णलङ्क-मेत्तेण सव्वो सो दूसिओ, लोग परिभूयत्थ जाय' त्ति
 गुरु वेरग्ग गया । अरुहिऊण बन्धवाण मरण कय निच्छया पयट्ठा

- टाक्खिण दिमामुहं । तओ दूर-देमन्तर-गएहिं दिट्ठो एगो गिरिवरो । तमारहन्तेहिं एगंमि मिलायले विक्खिड-तव-मोसियद्धो मुहज्जाणो-वगओ वग्गारिय पाणी काउस्मणेण आयावेमाणो दिट्ठो एगो महामुणी । त पेच्छिय जाय हरिसा गया तम्म मर्मावं । तओ मात्ति-वहुमाण-
- 5 पुब्बयं वन्दिओ भयवं । तेण वि आण-ममत्तीए धम्म-लाम पुन्वय ' कुओ भवन्तो समागय'ति संभासिया । तेहि वि पुब्ब-वुत्तन्त-वहणा-पुब्बं साहिओ निययाहिप्पाओ, जहा ' एत्थ गिरिवरे, पडणं करेमो ' । तओ महारिमिणा भाणिय ' न जुत्तं तुम्हारिमाण अणेग सत्थावत्रोहावटाय-वुद्धाणिं पागय-जण चेट्ठिय ति । करेह
- 10 मारीरमाणमाणेय-दुक्ख-वीय-भूय-कम्म-वण-दहण-सहं निणिन्द-पणीयं साहु उग्गं'ति । तओ महा-वाहि पाँटिएहिं व आउरेहिं मुवे-जुम्म व निम्मद्धियं पडिच्छियं तम्म वयण, भाणिय च ' देह, भयवं, अम्ह निय-वयं ! तेण वि जोमात्ति कलिउण दिन्ना ताण दिक्खा । काल-कमेण य जाया गीयत्या । तओ छट्ठुम-दम्म-धुवालमद्धमास-
- 15 मामाइएहिं विचित्त-तवोग्गमेहिं अप्पाणं मावेमाणा गामाणुगामं दिह-ग्गन्ता कालन्तरेण पत्ता हत्थिणाउरं । टिया वाहिरुज्जाणे । अन्नया माम-भवण पारणए संभूओ माहू पविट्ठो नगर । गेहाणुगेहं इरिया-ममिओ भमन्तो रायमन्नावडिओ दिट्ठो नमुइ-मन्तिणा, पच्चामिन्ना-ओ, जहा ' एमो मायइटागओ ग्गो अग्गेमिं च जाणावेमइ'-त्ति
- 20 अप्पमएण निय पुरिमे पट्टाविउण जट्ठि-मुट्ठि-उउट पहारेहिं कयत्थिय निद्धाढाविओ । तओ तम्म निरवगहम्म हम्मन्तम्म कोव-करालि-यम्म तेओ-जेमा तोमं दहण निमित्त मुहाओ निन्नाया । तओ क्कि-णउभ पट्टेहिं व धूम निवहेहिं ममन्ना अन्पयागिय नयरं । तओ भय-कोउहएहिं आगया नागरया वन्दिउं, मपग्गिणा पमाइउं
- 25 पयत्ता । मणकुमार चक्कवट्ठी वि तप्पमायगन्थ आगओ । पण-मिउण कयज्जालिउटेण भाणियं तेण ' भयव. ग्गमेह अम्हारिमे-हि मन्डभगेहिं अणेजेहिं अवग्ग नि, महर तव-देय, केह पग्गयं जीवियप्पयाणेणं ! भुत्थो न एवं कग्गिम्मामो 'त्ति । जाहे न परीयइ,

ताहे चित्तसाहू जण वाय सुणिय बहुल धूम-छाइय च गयण दट्टण तस्स
समीवमागओ । भणियो तेण ' भो सभूय, उवसमसु कोवाणल ।
उवसम पहाणा चेव महारिसओ भवन्ति, अवरद्धे वि न कोवस्सा
वगास देन्ति, जओ दुरन्तो सव्वाणत्थहेऊ चरणिन्धण-दवाणलो

5 कोहो । भणिय च

जह वणदवो वणं^५द्वे दवस्स जल्लिओ^५ खणेण निद्वहइ ।
एवं कसाय-परिणओ जीवो तवसज्जमं दहइ ॥

अत्र च

कोहो पीइं पगासेइ कोहो दुग्गइ-वड्डणो ।

10 परितावकरो कोहो अप्पाणस्स परस्स य ॥
मासुववासु करइ, विचित्तु वणवासु निसेवइ,
पढइ नाणु ज्ञाणेण निच्चु अप्पाण भावइ ।
धारइ दुधुरु वम्भचेरु, भिवखासणु भुज्जइ
जसु रोसु, तसु सयलु एउ निप्फलु संपज्जइ ॥

15 एवमाइ उवसमप्पहाणेहिं जिणिन्द वयणजलोहेहिं विज्जाविओ कोह
मी । गओ वेरमा । तओ नियत्तो तप्पएसाओ । गया य तमुज्जाण ।
चिन्तिय च णेहिं कय सरेहणा अम्हे, ता एण्हिं जुचमणसण
काउ'ति । ठिया अणसणे । तओ सणकुमारेण नायामच्च वुत्त
न्तेण कोवमुवगाएण दद्ध रज्जु बद्धो नेयाविओ सो ताण समीव ।

20 तेहि वि अणुकम्पाए मीयाविओ नमुई । सणकुमारो वि तेसिं वन्द
णत्थ सन्तेउरो गओ तमुज्जाण । वन्दिया ते भात्ति-बहुमाण पुव्व
अन्तेउर सहिएण । तओ इत्थी रयण सुणन्दाए पाएसु पढन्तीए
साइसय अलग फासमणु भवन्तेण काउमारद्ध नियान सभूएण ।
तओ चित्तमुणिणा चिन्तिय ' अहो दुज्जयत्त मोहस्स ! अहो दुइ

25 न्तया इन्दियाण ! अहो उम्माहयत्त विसम्मिण ! जेणेस सुचारियत
वि वो वि सुत्तिइय जिणिन्द वयणो वि जुवई-वालगा फासेण वि एरिस
मज्झवसइ' । तओ पडिबोहिउ कामेण भणियो सो ' भो उवरमसु

एयाओ अमुमञ्ज्रमणाओ । जओ अमारा परिणाम-द्वारुणा
संसार-परिब्रमण-हेऊ काम-भोगा; निमेविञ्जन्ता वि करेन्ति अहि-
यगुम्मादयं, दुहरूना य ते परमत्यओ; मुहाभिमाणो तेमु मोह-
विलसियमेव । भाणियं न—

5 जह कच्छुट्ठो कच्छुं कण्डयमाणो दुहं मुणइ सोखं ।
मोहाउरा मणुस्सा तह कामदुहं सुहं वेन्ति ॥

किं च ' भोग-निबन्धनं माणुम्मयं सरिरं केवलासुइ-रुवं चैव
सत्त्वं, अओ न किञ्चि तंमि राग-कारणं । जओ भाणियं—

सुफ-सोणिय-संभूयं अमुइ-रस-वट्टियं ।

10 तय-रत्त-मंम-मेयाट्टि-मिञ्ज-सुक-विणिम्मियं ॥१॥

नवेण रस-सोएट्टि गळन्तममुइ-रसं ।

अमेञ्ज-कोत्यलो देहं छवि-भेत्तमणोहरं ॥ २ ॥

आदयं रट्टिस्मेय वगाए अद्ध-आदयं ।

कुटवो पित्त-मिम्भाणं सुइस्स य तदद्धयं ॥३॥

15 सिरा-मयाइ सत्तेव नव ष्टारु-मया भये ।

न मरीरंमि एयंमि सुइत्तं किं पि विञ्जए ॥४॥

मणुन्नममणं पाणं ग्गाइमं साइमं वरं ।

सरीर-संगमावन्नं मच्चं पि अमुइ भये ॥५॥

वरं वत्थं वरं पुष्पं वरं गन्ध-विलेवणं ।

20 विणस्सए सरीरणं वरं मयणमामणं ॥ ६ ॥

उट्ठी दन्तेमु दुग्गन्ता मुटे वि अमुइ रगो ।

विन्दीणो नामिगाए वि मिम्भो बहद निच्चसां ॥७॥

अट्ठीमु इमियाइं ति कण्णेमु अमुभो मट्ठो ।

सरेइ रोम-वृत्तेहिं सेभो दुरभि-गन्धभो ॥८॥

25 एयारिसे सरीरंमि मच्च-रोगाण भागेर ।

मुनिच्छियागमो होउं मा मुञ्ज मुणि पुंगव । ॥९॥

एवमाइ अणुसासिओ वि न पडिबुद्धो एसो । मोहस्स उक्क
डयाए कय च नियाणय सभूइणा ' जइ इमस्स तवस्स अत्थि
फल, तो जम्मन्तरे चक्कवट्ठी होज्जाह ' ति । सच्चविय इम
तेण, जहा—

- 5 अइविसमो मोहतरू अणाइ-भव भावणा-वियय-मूलो ।
दुक्ख इम्मूलिज्जइ अच्चन्त अप्पमत्तेहिं ॥

तओ मरिउ सोहम्भे कप्पे दो वि देवा जाया । ततो चित्त जीवो
चुओ पुरिमताले इव्व पुत्तो जाओ । समूय-जीवो तओ चुओ सन्तो
(कम्पिल्लपुरे बम्भो नाम राया, तस्स चुल्णी नाम देवी) तीए

- 10 उदरे चोदस-महा मुमिण सूइओ उप्पलो जाओ य कमेण । कय च
से नाम बम्भदत्तो ति । वड्ढिओ देहोक्कएणं कल-कलावेण य ।
तस्स य बम्भराइणो उत्तम वस सभूया महारायाणो चत्तारि मित्ता
आसि । त जहा—

कासि विसयाहिर्वई कडओ गयउर वई कणेरदत्तो ।

- 15 कोमल-विसयाहिर्वई दीहो चम्पाहिर्वई पुप्फचूलो ति ॥
ते अच्चन्त नेहेण परोप्पर विरहमणिच्छन्ता समुइया चेव वच्छरमे
केक्क परिवाडीए विविह-कीला विसेसेहिं सरज्जेसु चिट्ठन्ति । अन्नया
ते समुइया चेव बम्भ समीवमागया । चिट्ठन्ताण य ताण मरण पज्ज
वसाणयाए जीव-ल्लोयस्स बम्भस्स मन्त तन्तोसहाईणमसज्जो उप्पन्नो
20 सिर रोगो । तओ तेण बाहाराविया कडगाइणो मित्ता, ताण उच्छेद्धे
मुक्को बम्भइत्तो, वुत्ता य ते, जहा—'तुव्वेहिं एस रज्ज वारेयव्वो'
एव रज्जचिन्तं काऊण कालगओ । कय से वयसेहिं
पेय किच्चाइय । तओ वट्ठगाईहिं भाणिय ' जाव एस
कुमारो रज्ज धुरा-वहण-जोगो होइ, ताव अम्हेहिं एय रज्ज
25 'आलेघम्प' ति भन्तेउज्ज सच्च सम्मएण व्हि वकिऊण गथा स रज्जेसु
सेसा । गएसु य तेसु सो दीहो परिवालेइ सयल सामग्गिय रज्ज,
पलोएइ भण्डार, पविसइ अन्तेउर, मन्तइ सम चुल्णीए, तओ

- दुन्निवारयाए इन्दियाणं, अगाणिऊण वाम्भमित्तत्तणं, अवमज्जिऊण वयणीययं, संपल्लगो समं चुलणीए । एवं पवट्टमाण-वित्तय-सुह-रसाणं गच्छन्ति दिणा । तओ वम्भराइणो वीय-हियय-भूएण धणु-नामेण मन्तिणा अवितहं मुणियं, चिन्तियं चणेण, जहा ' जो एवंविहं पि
- 5 अकज्जमायरइ, सो किं वम्भदत्त-कुमारस्स उदयं इच्छइ'ति चिन्तिऊण वरधणु-नाम कुमारो एगन्ते भाणिओ, जहा ' पुत्त, एयस्स माया दुच्चारिणी जाया; ता एयस्स रहसि जाणावेहि एयं वइयंर कुमारस्स' ति । तहा कयं तेण । तओ कुमारो माउदुच्चरियं असहमाणो तीए जाणावणा-निमित्तं काय-कोइल-संगहणं
- 10 घेतूण अन्तेउर-मज्जे गन्तुं भणइ ' अत्तो वि जो एवं करिस्सइ, तस्सा हं निग्गहं काहामि'ति भणइ । अन्न दियहे मह-करिणीए सह संकिण्ण-जयं घेतूण तहेवागओ । तओ दोहेण एयं मुणिय भणिया चुलणी ' अहं कागो, तुमं कोइल ति' । तीए संलत्तं ' बालो कुमारो, जं वा तं वा उल्लवइ' । तओ तेण वुत्तं ' न एधं
- 15 अज्जहा; ता मारिज्जउ कुमारो रइ-विग्र-करो; ममंमि साहीणे बुह अत्ते सुया भविस्सन्ति'ति । तओ रइ-नेह-परव्वसाए एरिमं पि मणसा वि अचिन्तणीयं पडिसुयं इमीए । जओ—

महिला आलं कुलहरं महिला लोयंमि दुच्चरियं खेत्तं ।

महिला दुग्गइ-दारं महिला जोणी अणत्थाणं ॥

20 मारइ पिय-भत्तारं हणइ सुयं तइ पणासए अत्थं ।

नियगेहं पि पलीवइ नारी रागाउरा पावा ॥

- मणियं च तीए ' जइ कहत्ति तेण उवाएण मारिज्जइ, जहा जणाववाओ रक्खिज्जइ' । तेण वुत्तं ' एवमिमं कज्जं, कुमारस्स विवाहं करेमो; तस्सापमीए सह अणेग-राम्भ-पइट्ठियं गूढ-निग्गम-
- 25 पवेसं करेमो जउहरं । तत्थ विवाहाणन्तरं सुह-पमुत्तस्स अमि-दाणेण अन्नक्खियं कज्जं करिस्सामो'ति मन्तिऊण एगस्स ' राइणो धूया वरिया, पारद्धा य विवाह-निमित्तं मयन्ना-

इओ य धणु-मन्तिणा बम्भदत्त-कज्जावहिण्ण विन्नत्तो दीहराया,
 जहा ' एस मम पुत्तो वरधणू कुमारो रज्ज-धुरा-चिन्तण-समत्थो
 वट्ठइ; अहं पुण परलोग-हियं करेमि'त्ति । तओ तेण कइयवेण
 भणिओ ' अलं अन्नत्थ पउत्थेणं ! इहट्ठिओ चेव दाणाइणा धम्मं
 5 करेहि 'त्ति । इमं च पडिवज्जिऊण धणुणा गंगा-तीरे महई पवा
 कारिया । तत्थ पन्थिय-परिव्वायगाईण पकामं अन्नपाणं दिज्जिउं
 पवत्तं । दाण-माणोवमार-गहिण्हिं य पच्चइय-पुरिसेहिं दुगाउय-
 पमाणा सुरंगा खणाविया, जाव जउहरं पत्तं ति । इओ य सा वहु
 विविह-नेवच्छ-परियण-परिगया पुर-वरं संपत्ता, पवेसिया । महा-
 10 विभूर्इए जाव वित्तं पाणिग्गहणं । तयणन्तरं विसज्जिऊण जण-
 समूहे पवेसिओ कुमारो सह वहुए जउहरं । तओ तत्थ वहु-
 सहिज्जस्स आसणोवविट्ठ-वरधणु-सहियस्स विसज्जिय-सेस-परियणस्स
 गयं जामिणी-जाम-दुगं ।

तओ समन्ता पलीवियं वास-भवनं उच्छलिओ हाहा-रवो । तओ
 15 ' किं कायव्वं ' ति मूढ-माणसेण पुच्छिओ वरधणू ' किं एयं ' ति । तेण
 मणियं, जहा ' सा राय-धूया लेह-पेसणेण विणिवारिया; एसा काइ
 अन्ना; इमाए पडिवन्धो न कायव्वो ति । एत्थ जउहरे पण्हि-प्पहारं
 देसु, जेण निग्गच्छामो ' । तेण तहा कयं । तओ भेत्तूण तं सुर-
 झाए निग्गन्तूण दुवार-देसे गया । इओ य धणुमन्तिणा पुव्वमेव
 20 दो पच्चइय-पुरिसा सुरझा-दुवारे तुरङ्गमारूढा धरिया । ते वरधणुस्स
 संकेय-मैलिय-आसेसु य ते कुमारे आरोविय गया । कुमारा विय पयट्ठा
 गन्तुं, गया य पन्नास-जोयण-मेत्तं भूमिभागं । दिहरद्धाण्णखेण्णं निवडिया
 सुरझा । पाएसु चेव गन्तुं पयट्ठा, पत्ता य कोट्ठाभिहाण-गामं ।
 तओ कुमारेण वरधणू भणिओ, जहा ' छुहा वाहति, दट्ठं परिसन्तो
 25 ण्हि ' । तं तत्थ सण्ठवेऊण पविट्ठो गामं; मुण्डयं वेत्तूणागओ ।
 मुण्डावियं कुमारस्स सासं, परिहाविओ कसायवत्थो । चउरद्दुल-
 पमाण-पट्टबन्धेण सिंरोवच्छालीङ्केय-छाइयं वच्छत्थले । वरधणुणा

वि कओ वत्थ-परावत्तो । पविट्ठा गामव्भन्तरं । ताव य एक्क-दिय-
वर मन्दिराओ निग्गन्तूण दास-वेडेण भाणिया ते 'एह, भुज्जह'त्ति ।
तओ गया तत्थ रायाणुरूव पडिवत्ति जुत्तं भुज्जाविया ते ।

तदवसाणे य एक्का पवर-माहेला बन्धुमइमुद्दिस्स कुमार-उत्तमङ्गे
5 अक्खए पक्खिवइ । भणइ य ' एस इमाए कन्नगाए वरो 'त्ति ।
एयमायाण्णिउण भाणियं वरधणुणा ' किमेयस्स मुक्ख-
बडुयस्स कए अप्पाणं खेएह ?' तओ घरसामिएण भाणियं
'सामि, सुव्वड ! पुव्वं नेमित्तिएण साहियं अम्हं, जहा—इमाए
वालियाए जो पट्टच्छाइय वच्छो समित्तो भुब्बिही भोयणं, स होही
10 भत्तारो 'त्ति । एवमाइ भाणिओ तंमि दियहे काराविओ पाणिग्गहणं
कुमारोत्ति । बीय-दिणे भाणिओ कुमारो वरधणुणा 'दूरं गन्तव्वं'त्ति ।
तओ बन्धुमईए सव्भावं कहिय निग्गया । गच्छन्ता पत्ता दूरगा-
मन्तरं । तत्थ सालिलत्थी वरधणू पविट्ठो । लहुमागन्तूण भणइ जहा
' दीहराइणा वम्भदत्तस्स सव्वओ पन्था बन्धाविय त्ति जण-वाओ
15 एत्थ मए सुओ । ता कुमार, नस्सामो ! ' तओ
पयट्ठा उम्मगेणं । पत्ता महाडइं । तओ कुमारं वडस्स
हेट्ठा ठविउं तिसामिभूयं गओ वरधणू जलट्ठा । ताव य दिग्ग-
वसाणे दिट्ठो वरधणू जम-भडेहिं व दीह-निउत्त नेरोहिं हम्ममाणो
दूर-देसमागओ । कुमारस्स सत्ता कया । पलाणो वम्भदत्तो, पडिओ
20 य दुग्गम-कन्तारं ।

तओ तण्हा-नुहा-परिम्मम किलन्तो अट्ठमिउण महाडइं तइय-
दिणे पेच्छइ तावसमेक्कं । दंसण-मेत्तेणेव जाया तम्म जीवियासा ।
पुच्छिओ य सो ' भयव, कत्थ तुम्हाणमासमो ? ' तेण वि कहिउं
नीओ कुल्लवइ-समीवं, पणमिओ कुल्लवई । भाणिओ य तेण ' वच्छ,
25 कहिं ते आगमणं ? बहुपचवायमरणं' । तओ तेण सन्वं जहावत्थि-
यमवितहं साहियं । तओ सो भाणिओ कुल्लवइणा ' जहाहं तुह
जणयस्स चुह्ठनाओ त्ति; ता नियं चेवासमपयं तुम्ह; जहासुहं
चिट्ठह'त्ति । मुणिउण तम्म चित्ताहिप्पायं अच्छिउं पयत्तो । ताव

य समागओ जलय-कालो । तत्थ सो अज्जएण सयलाओ धणुवे-
 याइयाओ महत्थ-विज्जाओ गुणाविओ । अन्नया सरय-समयंमि फल-
 कन्द-मूल-कुसुम-सामिहेय-निमित्तं अरण्ण-परिसरे गच्छन्तेसु तावस-
 कुमारेसु सो वि कोउहलेण निरुब्भन्तो वि कुलवइणा गओ
 5 रण्णं । तत्थ सरस-फल-कुसुम-सामिद्दाइं पलोयन्तेण दिट्ठो तेण महा-
 करी । कओ य तेण गल-गज्जिय-रवो । तओ अणुमगेण चलिओ करी
 तथाभिमुहं । तओ तेण तम्मस पुरओ वेण्टली-काऊण पक्खित्तमुत्तरीयं ।
 तेणा वि तक्खणं चैव सोण्डाए गहिय खित्तं गयणे । जाव कोहन्थो
 जाओ, ताव तेण छलिऊण दक्खत्तणओ गहियं । तओ तेण नाणा-
 10 विह-कालाए परिस्समं नेऊण मुक्को करी ।

तओ पयट्ठो गन्तुं पडिपहेणं मूढ-पुच्चावर-दिसा-भागो । इओ तओ
 परिभमन्तो पेच्छइ गिरी-नई-तट-सन्निविट्ठं पुराण-पडिय-भवण-खण्ड-
 भित्ति-मेत्तोवलक्खियं जिण्ण-पुर-वरं । तदंसणंमि य जाय-कोऊ-
 हलो दिसि दिसि निहित्त-दिट्ठी पलोएन्तो पेच्छइ पास-परिमुक्क-से-
 15 डय-खगमेक्कं वियड-वंस-कुडङ्गं । तं च दट्ठणं कोउगेण खेळं वाहियं
 तंमि वंस-कुडङ्गे तं रगं । एक-पहारेण निउडिया वंस-कुडङ्गी ।
 वंसन्तरालदियं च निउडियं रुण्डमेगं दर-फुरन्त-उट्ट-उट्टं मणोहरा-
 यारं सिर-कमलं । दट्ठण तेण तं ससंभन्तेण ' हा ! धिरत्थु मे वव-
 सियस्स' ति निन्दियं अत्तणो वाहु-वलं । तओ पच्छायाव-परद्वेण
 20 पलोएन्तेण दिट्ठं वद्धं उद्ध-चलणं धूम-पाण-छालसं कवन्थं । सम-
 हियं से अधिई जाया । पुणो वि पलोएन्तेण दिट्ठं पवरमुज्जाणं,
 तत्थ य समन्तओ असोग-वर-पायस-परिनिगत्तं सत्त-भूमियं पासाय-
 भवणं । दट्ठण य तं अवल्लगो कमेण मत्त-भूमिगाए दिट्ठा य तत्थ
 वियसिय-कुवल्लय-दलच्छी विज्जाहर-मुन्दरि च्च परिगलिय-विज्जा एणा
 25 पवर-महिला । पुच्छिया य सा तेण ' सुन्दरि, का सि तुमं ?' तओ
 सा समज्जसमेव जंपिउं पयत्ता, जहा ' महाभाग, महन्तो मईओ
 यइयो; ना तुमं पेव साहमु को तुमं, कहिं या पयट्ठो !' तओ

- सोऽण तीसे कौडलालाव-महुरं वयण-विनासं समावज्जिय-माणसेण
 अवितहं भाणियं तेण ' सुन्दरि, अहं पञ्चालाहिवदणो बम्भराडणो
 पुत्तो बम्भदत्तो नाम । ' तओ तच्चयण-सवणाणन्तरमेव आणन्द-
 वाह-परिपुण्ण-नयणा सहसच्चिय अब्भुट्टिया, हरिस-फुह-नयणा
 5 पडिया तस्स चलणेमु, रोविउं पयत्ता । तओ कारुण-गहिय-हिय-
 एणं तेणुत्तामियं वयणं 'मा रुवमु'त्ति भणन्तेण संटाविया पुच्छिया य
 'सुन्दरि, कासि तुमं'ति । नओ फुसिय नयणा भाणितं पयत्ता 'कुमार,
 अहं तुह माउलगस्म पुप्फचूल-राडणो धूया तुन्ह चैव विडण्णा ।
 विवाह-दियहं पडिच्छमाणी निय-वरुज्जाण-दीहिया-पुल्लिणे कीलन्ती
 10 दुट्ठ-विज्जाहरेण श्हाणीया । जाव य बन्नु-विरहाम्मि-संपलित्ता चिडामि
 अहं, ताव तुमं आविन्तिय-हिरण्ण-वुट्टि-समो सहमाच्चिय आगओ ।
 ता जाया मे जीवियासा, जं तुमं दिट्ठो मि'त्ति । तओ तेण बुत्ता
 ' कर्हि पुण सो मह सत्त, जेण से परिकवेमि बल-विसेसं ? ' तीए
 भाणियं ' सामि, दिन्ना मे तेण पदिय-सिद्धा संकरी नाम विज्जा,
 15 भाणियं च-तुह सा सुमारिय मेत्ता सहि-दामाड-परिवारा होउं आएसं
 काही, पच्चणीयं तुज्जन्नियमेन्ती निवारेही, साहिम्सइ य मम चेद्वियं
 तुह पुच्छिया सन्ती । सुमारिया य सा मए, ता साहेमि । नट्टमत्तो
 नामेस विज्जाहरो, जेणानीयाहं । न य सो मह पुण्णाहियाए तेयं
 सहिउं मक्कइत्ति मं मोत्तुं विज्जा-निम्भियंमि मिय-रत्त-पढाया-भूसिए
 20 पासए, पेसिउं च मह वड्यर-जाणावणत्तं निय-भणिर्णाणमन्तिए
 जाणावणिं नाम विज्जं, सयं गओ वंम-कुट्ठं, विज्जं साहिय निगओ
 य मं परिणेहि त्ति । अज्जं च किर मे विज्जा-भिद्धि भविम्मइ ।'
 तओ एयं सोऽण बम्भदत्तेण पुप्फवर्णं मिट्ठो तन्निहण-वड्यरो ।
 सहरिसं च भाणियं तीए ' अज्जउत्त, मोहणं वयं, जं सो दुरणा
 25 निहओ ' । तओ सा तेण गन्तव विवाहेण विगाहिया । टिओ य
 कंचि कालं तीए समं । अज्या निमुओ तेण दिव-विलयाण
 आछावो । पुच्छिया सा नेण ' कम्म एस सओ ! ' तीए बुत्तं ' अज्ज-

उत्त, एयाओ तस्स तुहवडरिणो नट्टमत्तस्स भगिणाओ खण्ड विसाह
 नामाओ विज्जाहर-कुमारीओ तन्निमित्त विवाहोवगरण घेत्तूण आग
 याओ । ता तुब्भे ताव अवक्कमह लहु, जाव एयासिं भाव उवक्क-
 मामि त्ति । जइ तुम्होवरि राओ भविम्सइ एयासिं, तोऽह पासा
 5 ओवरि रत्त पडाग चालिम्सामि त्ति, अन्नहा सिय त्ति ।'

तओ थेव वेलाए धवल पडाग दट्टु सणियमवक्कन्तो तप्पएसाओ
 पत्तो गिरि निउञ्ज मज्झमि । णिड्ड च महा सर-वर । मज्झिओ जहा
 विहिं तमि, उत्तिण्णो य उत्तर पच्छिम-तीरे । दिट्ठा य तत्थ एक्का
 वर कट्ठा । चिन्तिय च तेण ' अहो । मे पुण्ण परिणई, जेणेसा
 10 दिट्ठि गोयर पत्ता ' तओ सो वि सिणेह निब्भर पलोइओ तीए ।
 तओ पलोयन्तिया पत्थिया सा तप्पएसाओ, जाव थेव वेलाए तीए चेव
 पोसियाए चेडीए समप्पिय वत्थ-जुयल पुक्क तम्बोलाइय च । भणिय
 च तीए ' जा सा तुमे दिट्ठा महा सर तीरे तीए पोसियमिम । वुत्ता
 य अह तीए—हले वणलइए, एय महाणुभाव अम्ह ताय-मन्तिणो
 15 मन्दिरे सरारि डिइ कारेह । ता एह तुम्हे ' ' तओ कुमारो पसा
 हियालन्निओ गओ नागदेवामच्च-मन्दिर । वुत्तो य तीए मन्ती 'एस
 तुम्ह सामिणो सिरिकन्ताए धूयाए पेसिओ, ता सायर दट्टव्वो !'
 मन्तिणा तहेव कय । बीय टिणे नीओ राय समीव । तेणवि अब्भु
 ट्ठिउण धुरे णिजमासण । पुच्छिओ सो वुत्तन्त । भुत्तुत्तर-काले य
 20 ' अम्हारिसेहिं तुम्ह न अन्न विसिद्ध सागय किच्च काऊ तीरइ '
 त्ति भणिय सायर दिट्ठा सिरिकन्ता कज्या । पहाण टिणे वित्तो
 विवाहो । अज्या कुमारेण पुच्छिया पिया ' त्तिमत्थ मज्झ एगा
 गिणो दिता तुम ' ' तीए वुत्त ' अज्जउत्त, एस अम्ह ताओ
 वलिय-दाइय-मेळ्ळिओ इम विमम पडिं समम्मिओ । सो य नयर-
 25 गामाइ हन्नुण तुम्मे पविमइ त्ति । सिरिमईए तायम्स पत्तीए चउण्ह
 पुत्ताण उवरि अह जाया वहहा अईव पिण्णो । जीवणत्था य
 अह वुत्ता रत्ता ' पुत्ति, सन्ने विरुद्धा मम राइणो, ता इहट्ठियाए

चेव जो तुह मगोमो वगे, मो कहियवो' ति । तओ जह पटी-
ओ निगन्तूग महा-मग्-वर गन्तूग पुरिमे पडोएमि जाव, तुम
दिट्ठो पुण्हि ति । एम परमन्थो' ति । तओ मिरिक्कन्ए मम
विमय-मुह माणन्म गच्छन्नि दिणा ।

- 5 अत्ता सो पहि-नाहो निप-वड-ममिओ गभो विमय हन्तु । मो
वि तेग मम गओ । ताव य दिट्ठो नेग तन्नाम-बाहिरामत्ते कमल-
मर-नीरे महमच्चिय ' वग्गणु । मो वि न पच्चभिजाण्डण अम
मात्ताय-उमग रोविडं पयत्तो । मेटविओ तेण । मुह-निमणेण
पुच्छिओ वरघणुणा रुमागे ' मम पगेक्खे किं तए अगुमूय ' तेग
10 वि सन्व मिट्ठ ति । तेग वि पुच्छिएण वुत्त ' कुमार ! सुन्वड,
तया ह नगोह-हेट्ठा तुम शविय जलट्ठा गओ । तओ दिट्ठ मए
महामर । तओ पुडए धेत्तूण जल जाव तुहन्निए पयट्ठो ताव य
महमच्चिय मतद्ध-वद्ध-क्खण्हि ताडिओ टीह भडेहि ' रे रे
वरयणु, र्हि वम्भट्तो ति' भणन्तेहि । मए भणिय ' न यणामि ।'
15 तओ नेहि टट्ठयर ताडिज्जमाणेण भणिय मए जहा ' वग्गेण
भाक्खिओ ' । तेहि वुत्त ' टमेहि त परम ' । तओ ह डओ तओ
भमन्नो खट्टेण गओ तुहउमग पह । पणायमु ति कया तुह मत्ता ।
मया वि परिव्वायग दिन्ना मुहे कया गुलिया । तप्पभावेण य
जाओ निच्चेयगो । तओ मओ ति नाउण गया ते । विरेण य
20 कड्ढिया मुहाओ मया गुलिया । तओ तुम गवेसिड पयट्ठो, न य
मए दिट्ठो । गओ एग गाम । तन्थ दिट्ठो एगो परिव्वायगो । तेण
वुत्त ' तुह तायम्म अह मित्तो धमुभानो नाम' कहिय च तेण
जहा—धग्ग पलाओ, माया य ते मायद्ग पाडए पक्खित्ता टीहेण ।'
तओ एय सोउण महा-उत्तरेण अह गओ कप्पिट्ठुर । कावालिय-
- 25 वेम काउण वधिउण मायद्ग-मयहर अन्हरिया माया । तओ
एगमि गोमे पिड मित्तम्म टेवम्मम्मम्म माहणम्म धरे मोत्तूग ५
तुममाणेमन्नो इहागओ ।

- एव सुह दुक्ख मन्ता जाव अच्छन्ति, ताव एक्को पुरिसो समा-
गओ । तेण वुत्त, जहा—‘महा भाग, न कहिं चि हिण्डियव्व, तुम्ह
ण्णेसणत्थ दीह निउत्ता चरा इहागय’त्ति । तओ दोवि लहु वण
गहाणाओ निम्भन्तु भमन्ता गता कोसम्भि । तत्थ नयरी बाहिरुज्जाणमि
5 दिट्ठ दोण्ह सेट्ठि सुयाण सागरदत्त-बुद्धिल नामाण पणी-काऊण
सय सहस्स सपल्लग कुक्कुड जुज्झ । हओ सागरदत्त-कुक्कुडेण बुद्धिल
कुक्कुडो, पुणो वि बुद्धिल कुक्कुडेण हओ सागरदत्त कुक्कुडो ।
तओ भगो सागरदत्त कुक्कुडो बुद्धिल कुक्कुडस्स समुह कीरमानो
वि णाहिलसइ जुज्झिउ ति हारिय सागरदत्तेण लक्ख । एत्थन्तरमि
10 य वरधणुणा भणिया सागरदत्त बुद्धिला, ‘ किमैसो सुजाई वि
भगो कुक्कुडो बीय कुक्कुडाओ ? ता पेच्छामि, जइ न कुप्पह
तुब्भे’ । सागरदत्तो भणइ ‘भो महाभाय, पेच्छ पेच्छ, जओ नत्थेत्थ
कोइ मम दव्व लोभो, किं तु अभिमाण सिद्धीए पओयण ।’

- तओ पलोइओ वरधणुणा बुद्धिल-कुक्कुडो । दिट्ठाओ य तच्चल
15 ण निबद्धाओ सुद्धल्लण्हाओ लोहमय सूईओ । लक्खिओ य सो
समीवमागन्तु ‘ जइ न जपासि सूई-वइयर, तो टाह तुह लक्खद्ध’
ति निहुय साहिय वरधणुणो । तेणा वि ‘ भो निरूविय मए,
पर न किं चि दीसइ’ त्ति जपन्तेण वि, जहा बुद्धिलो न लक्खइ, तहा
कह चि लोयणङ्गुलि सचार प्पआंगओ जाणाविओ सागरदत्तो । तेणा
20 वि कडिदउणालक्ख पिव सूई ओभेडिओ निय कुक्कुडो । तेण य
पराजिओ बीय-कुक्कुडो त्ति हारिय बुद्धिलेण वि लक्ख । तओ
जाया दोण्ह वि सरिसरी । परिवुट्ठो य सागरदत्तो पप्फुह वयणो
‘अज्जउत्ता, गिह गम्मउ’ त्ति वोत्तुमारोविउ रहवरे दोवि गओ निय
गेह । कय-उचिय त्तिओ निच्च पेच्छइ पीईए ।

- 25 तनेह नियन्तियाणमजयर दिणे आगओ एगो दामचेडो । सदिओ
चाणेण वरधणू, नीओ एगन्ते । तओ ‘ सूइ-वइयरानपणे, ज ते
सुक्खियमामि बुद्धिलेण अद्धलक्ख, तन्निमित्तमैमो पेसिओ चालीस

साहसो हारो' ति वीतुं समप्पिउं च हार-करण्डियं गओ दाम-
चेडो । वरघणू वि तं घेत्तूणागओ वम्भदत्तन्तियं, साहिय-सरूवो य
दरिसेड से करण्डियाओ कडिदत्तु हारं । पलोडन्तेण य कुमारेण तदेग-
देसावलम्बिओ दिट्ठो वम्भदत्त-नामड्ढिओ लेहो, पुच्छियं च ' वयंम,

5 कस्मेसो लेहो?' वरघणू भणइ ' को जाणइ ? बहवे वम्भदत्त-नामगा
पुरिसा सन्ति; किमेत्थ चोज्जं ?' तओ अवहेरी-परे कुमारे वरघणुणा
एगन्ते नेउं विहाडिओ लेहो, दिट्ठा य तस्स मज्झमि इमा गाहा-
३ पत्थिज्जसि जइ वि जए जणेण संजोय-जणिय-जत्तेण ।
तहावि तुमं चिय घणियं रयणवई मुणइ माणेउं ॥

10 चिन्तन्तस्स य 'कहमवगच्छिस्समिमीए भावत्थं'ति वरघणुणो
बीय-दिणे आगया एगा पत्वाइया । सा य पक्खिविउणऽक्खय-कुमु-
माणि कुमार-उत्तमहे 'पुत्तय, वास सहम्साऊं भवमु'त्ति भणन्ती वर-
घणुमेगन्ते नेद; मन्तिउण य तेण समं किं पि पटिगया । तओ
पुच्छिओ कुमारेण वरघणू ' किमेसा जंपई ?' सो भणई ' एयाए
15 इमं संलत्तं, जो सो तुम्हाणं बुद्धिलेण करण्डमि हारो पेसिओ, तेणं
समं लेहो समागओ; तस्स पडिलेहं समप्पेह ।' मया भणियं ' एसो
वम्भदत्त-रायनामड्ढिओ दीसड, ता साहह, को एसो वम्भदत्तो ।'
तीए भणियं ' सुम्मड, किं तु न तए कस्स वि साहियत्वं । अत्थि
इहेव नयरीए सेट्ठि-धूया रयणवई नाम कन्नया । सा य बाल-भा-
20 वाओ चेव अईव मम नेहाणुरत्ता । जोव्वणमणुपत्ता दिट्ठा य मया
अन्न-दिणंमि सा किं चि ज्ञायमाणी । तओ हें गया तीए समीवं ।
भणिया य मया ' पुत्ति रयणवई, किं चिन्तेसि' परियणेण भणि-
यं ' बहुणि दिणाणि एवमेईए दुम्मणाए' । तओ पुणो पुणो
पुच्छिया वि मए जाव न किंचि जंपइ ताव भणियं तम्म महीए
25 पियद्गुलइयाए ' मयवइ, एसो लज्जन्ती न किं पि तुज्ज साहिउं
सकइ, ता अहं क्खेमि । इओ गयंमि कंमि वि दिणे वीडित्तमु-
ज्जाणयाए भाउगस्स बुद्धिल-सेट्ठिणो रत्त-एणेणं जुज्जावेन्नम्म
कह वि तप्पएसागओ दिट्ठो अपुत्तो को वि वर-कुमारो ।

- तं च ददुणेसा एरिसी जाया ' । तं च मए सोऊण
 लक्खिओ तीए मयण-वियारो । भणिया य ससिणेहं ' पुत्ति,
 साहसु सब्भावं !' तओ कहकहवि सब्भावमुक्कया भणइ ' भयवइ,
 तुमं मम जणणी; ता नत्थि किं पि तुम्हं अक्कहणीयं । एयाए
 5 पियङ्गुलइयाए जो कहिओ, सो बम्भदत्त-कुमारो जइ मे पई न
 होइ, तो नूणं मरामि । तओ एयमायण्णिऊण भणिया सा मए
 ' वच्छे, धीरा होहि ! तहा करिस्सं, जहा तुह समीहियं संपज्जि-
 स्सइ ' । तओ सा किंचि सत्था जाया कळ-दिणंमि य हिययासा-
 सणत्थं भणिया मए ' वच्छे, दिट्ठो सो मए बम्भदत्त-कुमारो ' ।
 10 तीए सोऊमेवं समूससिय हिययाए भणियं ' भयवइ, तुम्ह पसाएण
 सब्वं सुन्दरं भविस्सइ; किं तु तस्स विम्सास-निमित्तं बुद्धिल-ववए-
 सेणेमं हार-रयणं करण्डए पक्खिविऊण पेसेहि बम्भदत्त-नामाङ्कियं
 चेयं लेहं । निरुवियं च तं तहा कळं मए । ता महाभाग, कहिओ
 तुहेसो लेह-वइयरो । संपयं पडिलेहं देहि ।' मए वि समप्पिओ तीए
 15 इमो पडिलोहो—

गुरु-गुण-वरधणु-कलितं त्ति माणितं मुणइ बम्भदत्तो वि ।
 रयणवई रयणवई चन्दो वि य चन्दणी-जोगो ॥

- सोउं चेमं वरधणु-साहियमदिट्ठाए वि रयणवईए जाओ कुमारो
 तम्मणो । तदंसण-समागमोवायमण्णेसमाणस्स य गयाणि कइ-
 20 वय-दिणाणि ।

- अत्तंमि य दिणे समागओ बाहिराओ वरधणु संभन्तो भणितं पयत्तो,
 जहा ' कुमार, इह नयर-सामिणो कोसलाहिवेण अम्हाण गवेसण-
 निमित्तं पेसिया पच्चइय-पुरिसा, पारद्धो य नयर-सामिणा उवक्क-
 मो त्ति सुम्मइ बहुसो घुणाहुणी । तओ नाउमेयं वदयरं सागरदत्तेण-
 25 गोविया दो वि भूमिहरए । समागया रयणी । भणिओ कुमारेण
 सागरदत्तो 'तहा कुणमु, जहा अम्हे अवक्कमामो !' एवं वायण्णिऊण
 निम्माओ नयरीओ सागरदत्तो गया थेवं भूमि-मागं, तओ अणिच्छ-

- माणं पि कहकहवि नियत्तिऊण सागरदत्तं पयट्टा कुमार-वरघणू ।
 गच्छन्तेहि य नयरीए वाहिं जक्खाययणुञ्जाण-पायवन्तराल-परिसं-
 टिया पहरण-समन्निय-रहवर-समीवत्था दिट्ठा एका पवर-महिला ।
 तओ तीए सायरमब्भुट्टिऊण भणियं ' किमेत्तियाओ वेलओ
 5 तुम्हे ममागया ?' तं च सोउं कुमारो भणइ ' भद्दे. के अम्हे ' ।
 तीए भणियं ' सामि, तुब्भे वम्भदत्त-वरघणुणो ' । कुमारो भणइ
 ' कहमेवमवगयं ? ' तीए भणियं ' सुम्मउ ! इहेव नयरीए घण-
 पवरो नाम सेट्ठी । तस्स घणसंचया नाम भज्जा । तीएऽहमट्टण्हं
 पुत्ताणमुवरि धूया जाया । अइकन्त-बाल-भावाए मज्जं न रुच्चइ
 10 को वि पुरिसो । तओ जक्खमिममाराहिउमादत्ता । जक्खेण वि
 मह भत्ति-तुट्ठेण पच्चक्खेण होउं भणिया ' वच्छे, तुह भविस्स-चक्क-
 वट्ठी वम्भदत्त-कुमारो पर्द भविस्सइ ' । मए भणियं ' व्हं मए सो
 नायव्वो ! ' जक्खेण भणियं ' पयट्ठे बुद्धिल-सागरदत्ताणं कुक्कुट-
 जुज्जे जो दिट्ठो तुहाणन्दं जणेही, सो नायव्वो वम्भदत्तो ' ति
 15 साहियं च मे तेण, जं किं चि कुक्कुट-जुज्ज-कालओ वरघणु-सहा-
 यस्स, सामि, तुहेह वित्तं, जं च जहा मए हार-पेसणाइ-किच्चमेव-
 मायरियं ति' । सोउमेवं साणुरागो कुमारो समारूढो तीए सह तं रह-
 वरं । पुच्छिया य सा ' कओ हुत्तं गन्तव्वं ? ' रयणवईए भणियं
 ' अत्थि मगहा-पुरंमि मम पिउणो कणिड्ड-भाया घणसत्थवाहो नाम
 20 सेट्ठी; सो य मुणिय-वडयरो तुम्हमहं च समागमणं मुदरं मत्तिस्सइ ।
 ता ताव तत्थ गमणं कीरउ; तदुत्तर-कालं, जहिच्छा तुम्हाणं ।'
 तओ रयणवइ-वयणेण पयट्ठो तयभिमुहो कुमारो । कओ वरघणू
 सारही । गामाणुगामं च गच्छमाणा निग्गया कोसम्बिजणवयाओ
 संपत्ता गिरि-गहणमेगं । तत्थ य कण्ठय-मुक्कण्ठयाहिहाणा दुवे चोर-
 25 सेणावट्ठो । ते य दड्डण पहाण-रहं विभूसियमित्थी-रयणं च अप्प-
 परिवारत्तणओ सञ्जिउण पयत्ता पहरिउं । कुमारेणापि विविहि-
 भद्देहिं पहरन्तेणं जित्ता ते पत्ताणा दिसो दिसिं । तओ ऽणो वि

- रहवराखुदो चलिओ कुमारो, भणिओ वरधणुणा ' कुमार, दद-
परिसन्ता तुम्हे, ता मुहुत्त-मेत्तं निदा-सुहमेत्येव रहे सेवेह !'
तओ रयणवईए सह सुत्तो कुमारो जावच्छइ, ताव
गिरि-नइमेगं पाविऊण थक्का वुरङ्गमा ' । तओ
- 5 कहवि पाडिबुद्धो कुमारो, उट्टिओ वियम्भमाणो । पलोइयाइं पासाइं
न दिट्ठो वरधणू । पाणिय-निमित्तमौइण्णो भविस्सइ ति कलिऊण
सदिओ ससंभमं । पडिवयणमलभमाणेण परामुसियं
रहधुरमां, दिट्ठं च तं बहल-ल्योहियालिद्धं । तओ वावा-
इओ वरधणु ति कलिऊण ' हा हओ सि ति; भणमाणो निव-
- 10 डिओ रहुच्छङ्गे । पुणो वि लद्ध-वेयणो, ' हा भाइ वरधणु ति
भणमाणो पलावे काउमादत्तो । कहकहवि संठाविओ रयणवईए; तं
भणइ, जहा ' सुन्दरि, न नज्जइ फुडं; किं वरधणू मओ, किंवा जी-
वइ । ता अहं तस्सण्णेसणत्थं पच्छओ वच्चामी ' । तीए वुत्तं
' अज्जउत्त, न एस अवसरो पच्छा-चलियञ्चस्स; कुओ ! जेणहमे-
- 15 गागिणी चोर-सावयाईहिं भीममिमररणं । अन्नं च इह नियड-
वात्तिणा वसमेण भवियत्वं, जेण परिमलिया कुस-कण्ट्या दीसन्ति ।'
तओ तहेव पडिवज्जिऊण तीए सह पयट्ठो मगहविसयाभिमुहं कुमारो ।
पत्ता य तन्विसयसान्धि-संठियं एकं गामं । तत्थ य पविसमाणो
गाम-सहा-मज्ज-ठिएण दिट्ठो गाम-ठक्कुरेणं । दंसणाणन्तरमेव न एस
- 20 सामन्नो ति कलिऊण सोवयार-कय-पडिवत्तिणा पूओ, नीओ
निय-धराभिमुहं ति । दिण्णो आवासो । सुह-निसण्णो
य भणिओ तेण कुमारो ' महा-भाग, गादमुच्चिगो विय
लक्कीयासि' कुमारेण भाणिणं ' मज्ज भाया चोरोहिं सह भण्डणं
कुणन्तो न नज्जइ, किमवत्थन्नरं पत्तो । ता मए तयण्णेसण-निमित्तं
- 25 कत्थ गन्तव्वं ' तेण भाणियं ' अहं खेएण; जइ इहाडवाए भवि-
स्सइ तो लहिस्सामो ति भाणिऊण पेसिया नियय-पुरिसा, गय-
गएहिं सिट्ठं तेहिं जहा अन्हेहिं कोइ काहिंरि

- पहे निवडिआ एस बाणो पाविओ । तन्वयणायण्णामि य 'नूण
विणिवाइओ'त्ति परितप्पिऊण गुरुमोथाउलिज्जन्त-माणसस्स जाया
रयणी, पमुत्तो य रयणवर्देए सह कुमारो । एक नामावसेसाए
रयणीए सहसा तमि गामे निवडिया चारे वाडी । सा य कुमार
5 पहार ऱडुयाविया भग्गा परम्मुहा कया । अहिणन्दिओ कुमारो सयल
गामाहिट्टिण्ण गाम पहुणा । गोसम्मि य आउच्छिऊण गाम ठक्कुर
तत्तणय सहाओ पत्थिओ रायगिह, पत्तो जहाणुक्केण तत्थ ।
नयर-बाहिरियाए एकमि परिव्वाइयाममे ठविऊण रयणवइ
पयट्ठो नयरब्भन्तर । त पविसमाणेण य ट्ठि एकमि पएसे विविह
10 कम्म निम्मिय धवल-हर । तत्थ दिट्ठाओ दो पवर-कत्ताओ ।
ताओ य कुमार दडुण पयट्टिय-गरयाणुरागाओ भाणित पयत्ताओ
' त्ति जुत्त तुम्हारिसाण वि महा पुरिसाण भत्ताणुरत्त जणमुज्जिय
परिभमिउ ? ' तेण वुत्त ' को सो जणो, जेणेव मणह ? '
ताहिं वुत्त ' पसाओ कीरउ आसण-गहणेण । ' तओ
15 निसत्तो कओ मज्जण भोयणाइओ उवयारो । तयवसाणे य भाणित
पयत्ताओ, जहा महासत्त, अत्थि इहेव भरहे वेयन्द गिरि दाहिण सेदीए
मिवपुर नयर, जलणासिहो राया, तस्स य विज्जुसिहा नाम देवी ।
तीए अम्ह दुवे धूयाओ । जेट्ठो य अम्ह नट्टमत्तो भाया । अत्रया
अम्ह पिया आग्गिसिहाभिहाणेण मित्तेण सम गोटीए चिट्ठइ जाव,
20 ताव पेच्छइ गयणे अट्टावय पन्वयाभिमुह निणवर-वन्दण निमित्त
गच्छन्त सुरासुर समूह । त दडुण राया वि मित्तेण धूयाहि य
सहिओ पयट्ठो, कमेण य पत्तो अट्टावय । वन्दियाओ निणिन्द-
पाडिमाओ । कप्पूरागरु-धूवय-बुद्धारनिन्द-सुराहि-गन्धेहिं कओ
उवयारो । तिप्पयाहिण काउ निग्गच्छन्तेण एग्गस्स
25 असोग पायवम्म हेट्ठा ट्ठि चारण-मुणि जुयल, एगमिऊण
य त निग्गणा तयाप्पने । तओ तेहिं एधुया धम्मरहा, नहा-
' असारो समारो, भद्दुर मरीर, मरयब्भ विब्भम नीविय, तडी

- विलसियाणुगारि जोन्वण, त्रिपाग फलोवमा भोगा, सत्रा राय सम
 विसय सोक्ख, कुसग्ग जल विन्दु चञ्चला लच्छी, सुल्ह दुक्ख, दुल्ह
 मुह, अणिवारिय प्पसरो मच्चू । ता एव ठिए छड्डिज्जउ मोह प्पसरो,
 कीरउ जिणिन्द षणीए धम्मे मण ति' । एव सुणिय लद्ध सम्मत्ता
 5 इणो जहागय पडिगया मुराइणो । तओ लद्धावसरेण भाणिय अग्गि
 सिहिणा मित्तेण जहा 'भयव, एयाण वालियाण को भत्ता भविस्सइ
 त्ति ।' तेहिं भाणिय ' एयाओ भाइ वहगम्स भज्जाओ भविस्सान्ति ।'
 तओ एय सुणिय माम-मुहो जाओ राया । एत्थावसरे वुत्तो
 अम्हेहिं ' ताय, सपय चेव साहिय मुणीहिं ससार सरूव । अळ
 10 अम्हाणमेवविहावसाणेण विसय मुहेण ति, पडिवन्न च त ताएण ।
 एव च वल्लहयाए भाउणो चत्त निय-देह मुह-कारणाओ तम्म वेव
 ष्हाण-भोयणाइय चिन्तन्तीओ चिट्ठम्ह जावत दिणे अम्ह भाउणा
 दुहविं भमन्तेण दिट्ठा तुम्ह माउल्लगम्स धूया पुप्फवई कनया । त
 च रूवाइवित्त चित्तो हरियागओ । तदिट्ठिमसहन्तो विज्ज साहिउ
 15 गओ । अओ उवरि तुब्भे नाय-वुत्तन्ता । ताहे महाभाग, तमि
 काले तुब्भन्तियाओ आगन्तूण पुप्फवईए सामेण वुत्ताओ अम्हे,
 माहिओ भाउ-वुत्तन्तो । त सुणिय सोय निव्वभराओ रोविउ पयत्ताओ ।
 मठवियाओ महुर-वयणेहिं पुप्फवईए । अज च मरुरि त्रिज्जा सया
 माओ विइय तुम्ह वुत्तन्ताए भाणिय तीए ' सुमरिज्जउ मुणि-वयण,
 20 मन्निज्जउ वम्भदत्तो भत्त त्ति ' । तमाग्गण्णिउण जायाणुरागाहिं
 मनियमम्हेहिं । तओ रहम पर वमत्तणओ पुप्फवईए चालियाए
 सिय सत्रेय पडागाए, अजत्त कत्थइ पउत्थे तुममि नाणाविह-गाम
 नगराइसु भमन्तीहिं तुम न जाहे कहिंचि दिट्ठो ताहे विसण्णाओ
 इहागयाओ । तओ अप्पताक्खिय हिरण्ण वुट्ठि विव्वममेमत्थ तुह
 25 दसण जाय ति ! ता भो महाभाग, सुमरिज्जण पुप्फवइ-वइयर, कीरउ
 अम्हाण समीहिय ' एय सुणिय सहरिस मन्त्रिय कुमारेण । निज्ज
 त्तिउण गन्धव्व वियाह डिओ रत्तीए ताहिं मम । गोस-योउ य
 वुत्ताओ ' गच्छह तुब्भे पुप्फवइ-समीव, जाव मह रज्ज-खओ होइ' ।

‘ एवं काहामो ’ त्ति भाणिय गयाओ ताओ । गयामु तामु जाव पलोएइ पासाइं ताव न तं घवल-हरं नय मो परियणो । चिन्तियं च तेण, ‘ एसा विजाहरी माया; अत्तहा वहमेयं इन्दियाल-विम्भं ताण विलसियं ? ’

- 5 तओ कुमारो सुमारिय रयणवईए तयण्णेतणानिमित्तं गओ आम-
माभिमुहं । जाव ‘ न तत्थ रयणवई न य अत्तो कोई, तओ कं
पुच्छामि ’ त्ति कल्लिऊण पलोइयाइं पासाइं, न य कोई सच्चविओ ।
तओ तीए चेव वइयरं चिन्तयन्तम्म खणन्तरेणागओ एक्को कट्टाणा-
गिई परिणओ पुरिसो । पुच्छिओ मो कुमारेण ‘ भो महाभाय, एवं
10 विह-रुव-नेवच्छ-विसेसा कट्ट दिणे अज्ज वा न दिट्ठा वा वि एत्थ
बाला ! तेण य भाणियं ‘ पुत्तय, किं सो तुमं रयणवईए मत्ता ? ’
कुमारो भणइ ‘ एवं ! ’ तेण भाणियं ‘ कट्टं सा मए रूयन्ती दिट्ठा
अवरण्ह-वेलाए; गओ य तीए समीवं पुच्छिया य सा मए—पुत्ति,
कासि तुमं, कओ वा समागया, किं वा सोय-वारणं, कहिं वा
15 गन्तव्वं ? ’ तओ तीए किंचि कहियंमि पचाभिन्नाया भाणिया य ‘ मम
च्चिय दोहिती तुमं होसि । ’ सुणिय-वुत्तन्तेण य मया तीए चुट्ट-
पिटणो गन्तूण सिद्धं । तेण य जाणिय विसेसा सायरं पवेसिया
निय-मन्दिरं । अण्णेतिया सब्बओ तुब्बे, न कहिंचि दिट्ठा ता
संपयं सुन्दरमणुट्टियं जमागया । एवं चालपिउण नीओ तेण कुमारो
20 सत्थवाह-मन्दिरं । कय-सत्त्वोवयारम्मस य रयणवईए वित्तं पाणि-
माहणं । तओ तीए सह विमय-सुहमणुहवन्तो चिट्ठइ ।

- अन्नया वेरघणुगो दिवमओ त्ति पवप्पियं भोजनं भुञ्जन्ति बम्भ-
णाइणो जाव, सयं चेव वरघणु जणिय-बम्भण-वेसो भोयण निमि-
त्तमागओ भाणित्तं पयत्तो, जहा ‘ भो साहिज्जु तम्म भोज-वारिणो
25 जहा, नइ मज्झ भोयणं पयच्छइ, तो तम्म परल्लोय-वत्तिणो वयगो-
यरंमि उवगमइ ’ । सिद्धं च तेहिं तमागन्तूण कुमारम्म । विणिग्गओ
कुमारो । सहसिसं च पलोइओ सो कुमारेण, पच्चभिन्नाओ य ।
आल्लिउं पविट्ठो मन्दिरं । निवत्त-मज्ज-भोयगावसरम्मि य

पुच्छिओ तेण वरधणू निय-पउत्ति । साहिउं पयत्तो, जहा ' तीए
 रयणीए निदा-वसमुवगयाण तुम्हाण पिट्ठओ धाविऊण निविड-कुड-
 ५ ङ्गन्तराट्ठिय-तणुणा एकेण चोर-पुरिसेण पहओ बाणेण । तप्पहार-
 वेयणाए परायत्तत्तणओ निवडिओ माहि-यलंमि । अवाय-भीरुत्त-
 णओ न साहियं तुम्हं । वोलीणो रहवरो तमन्तरालं । अहमवि परि-
 निविड-तरु-अन्तराल-मज्जेण सणियं अवक्कममाणो कहकहवि पत्तो तं
 गामं, जत्थ तुम्हे निवासिया । साहिया य तग्गामाहिवेण तुम्ह
 पउत्ती । समुप्पन्न-हियय-तोसो य पउण-पहारो भोयण-पत्थण-वव-
 १० एसेण समागओ इहइं जाव, दिट्ठा तुम्हे । एवं च सहरिसमविरत्त-
 चित्ताणं जन्ति दियहा ।

अन्नया य मन्तियं परोप्परं बम्भदत्त-वरधणूहिं ' केत्तियं कालं
 मुक्क-पुरिसयारेहिं अच्छियत्वं ?' एवं च चिन्तयन्ताणं निग्गमोवाय-
 मुस्सुयाणं समागओ महु-मासो । तंमि य पयत्ते मयण-महूसवे निग्गए
 नयरि-जणवए उज्जाणेसु कोउहल्लेण गया दो वि कुमार-वरधणू । तओ
 ५१ पयत्ते निब्भरे काला-रसे कालन्तेसु विविह-कालाहिं तरुण-नर-नारी-
 सत्येसु अतक्कियं चेव मय परव्वसो गालिय-मिण्ठो निरङ्कुसो विय-
 रिओ राय-हत्थी । समुच्छलिओ कलयलो; मग्गाओ कीला-गोटीओ ।
 एवं च पयत्ते हल्लोहलए एक्का बालिया समुन्नय-पओहरा वियड-
 नियम्ब-बिम्बा मत्त-करि-करोरू-मय-वेविरङ्गी सरणं विमग्गमाणा
 २० पडिया करिणो दिट्ठि-पहं । तओ उच्छलिओ हाहा-रवो, कूइयं
 से परियणेण । तत्थन्तरे दर-गहियाए तीए पुरओ होउण हाक्किओ
 कुमारेण करी, मुयाविया एसा । सो वि करी तं बालियं मोत्तण
 रोस-वस-वित्थारिय-लोयणो पसारिय-घोर-करो तड्ढविय-कण्णो झत्ति
 तदभिमुहं पधाविओ । कुमारेण वि संपिण्डिय उवरिहं पक्खित्तं
 २५ तदभिमुहं । तेणावि निब्भरामरिस-पराहीणेण घेत्तुं तं पक्खित्तं
 गयणे, निवडियं घरणीए । जाव करी तत्थ परिणवइ, ताव
 दस्सत्तणओ समारुहिय कन्धराए निवद्धमासणं कुमारेण, ताडिओ

तिक्खङ्कुसेण, अप्फालियो कुम्भ-भाए, महुर-वयणेहिं मेह्ठाविओ
 मच्छरं करी । तओ समुच्छलिओ साहुक्कारो; जयइ कुमारो-त्ति
 पडियं बन्दिणा । नीओ खम्भुट्टाणं, आगओ तमुद्देसं नरवई । दट्टण
 तं अणण-सरिस-चेट्टियं विम्हयं गओ माणिउं पयत्तो ' को उण
 5 एसो ? ' तओ कुमार-वइयराभिन्नेण साहिओ वुत्तन्तो मन्तिणा ।
 तओ तुड्डेण राइणा नीओ निय-भवणं कुमारो, काराविओ मज्जण-
 भोयणाइ-उचिय-करणिज्जं । तओ भोयणावसाणे द्दिन्नाओ अट्ट
 - घूयाओ कुमारस्स । सोहण-दिण-मुहुत्तेण वित्तं पाणिमाहणं । जहा-
 - सुहं ठिया तत्थ कइवय-दिणे ।

- 10 अन्नया एगा महिला आगन्तुण कुमार-समीवं माणिउं पयत्ता,
 जहा 'कुमार, अत्थि तए सहस्रत्तत्त्वं किं पि' । तेण वुत्तं 'भण !' तीए
 वुत्तं ' अत्थि इहेव नयरीए वेसमणो नाम सत्पवाहो, तस्स घूया
 सिरिमई नाम । सा मए बाल-भावाओ आरठम पाटिया, जा
 तुमए हत्थि-संभमाओ रक्खिया । तीए हत्थि-संभमुच्चरियाए उज्झि-
 15 उण भयं, नीविय-दायगो त्ति मुणिउण तुमं साहिलासं पलोइओ ।
 तओ अच्चन्त-मुन्दर-रूव-जोव्वण-ल्लायण-कला-कोसट्टाण पग-
 रिसो त्ति काउं समुप्पन्नो ताए तुज्जोवरि ददमणुराओ । तओ
 तप्पभिइं तं चेव पलोएमाणी यम्मिय व्व लिहिय व्व कीलिय व्व टुक्कु-
 छरिय व्व निच्चल-निहित्त-ल्लोयणा खणमेह्ठं ठिया । बोलीणे हत्थि-
 20 संममे कहकहवि परिजणेण नीया निय-मन्दिरं । तत्थ वि न मज्जण-
 भोयणाइयं देह-ट्टिइ करेइ, केवलं मोणेण अच्छइ । ताहे मए वुत्ता
 ' पुत्ति, कास अयाण्डिच्चिय असठ्ठमाविणी जाया, जेण मज्झ वि
 अवहीरोस्सि वयणं ? ' ताव सविलक्खं हासिउण माणियं तीए ' किम-
 म्भ ! तुम्हाण वि अवहणिज्जमत्थि ? किं तु लज्जाएत्यावरज्जहइ; ता
 25 सुच्चउ, जेगाहं हत्थि-संभमाओ रक्खिया, तेण सह पाणिमाहणं जइ
 न होइ, तो मे अवस्सं मरणं सरणं ति ' । तओ एयमायण्णिउण
 य कहिओ तीए पिउणो वुत्तन्तो । तेणावि तुह समीवे अहं पेसिया

ता पडिच्छसु इमं बालियं । ' मन्नियं च तेण । पसत्थ-दियहे वित्तो विवाहो । वरधणुणो वि सुबुद्धिनामेणामच्चेण नन्दाभिहाणं कत्तं दाउं कयं विवाह-मङ्गलं । एवं च दोण्ह वि विसय-सुहमणुहवन्ताणं अइक्कन्ता कइवि वासरा । उच्छलिया सब्वओ तेसिं पउत्ती ।

- 5 तओ गया वाणारसिं । तओ बम्मदत्तं बाहिं ठविय गओ वर-
घणू कडय-समीवं । हरिसिओ एसो सबल-वाहणो निग्गओ सम्मुहो ।
तओ समाइच्छिउणारोविउं हत्थि-खन्वे पवोसिओ निय-भवणे ।
कमेण य दिन्ना निय-धूया कडयावई नाम अणेग-गय-हय-रह-
मण्डार-समेया । पसत्थ-दिणे वित्तो विवाहो । तीए समं विसय-
- 10 सुहमणुहवन्तस्स वच्चइ कालो । तओ घूय-संपेसणेण समागओ सबल-
वाहणो पुप्फचूलो राया, घणू मन्ती, कणेरदत्तो, अत्ते य चन्दसीह-
मवदत्तादओ बहवे रायाणो । तेहिं वरधणू सेणावइ-पए अहिसि-
ञ्चिउण पेसिओ दीह-राइणो उवरिं, पयत्तो अणवरयं गन्तुं ।
एत्यन्तरे पेसिओ दीहेण कट्टगार्इण दूओ । निब्भच्छिओ सो तेहिं ।
- 15 अप्पणो वि अणवरय-पयाणएहिं गच्छन्ता पत्ता कम्पिहउपुरं ।
तओ समन्तओ निरुद्ध-निग्गम पवेसं कयं तं । तओ सो
दीह-राया ' केत्तियं कालं बिले पविट्टेहिं अच्छियब्बं' ति साहसम-
वलम्बिउण निग्गओ सम्मुहो । समावडियं महा-समरं दोण्ह वि
सेन्नाणं । तओ भग्गं निय-सेत्तं दट्टण दीहो, काउण पोरसं अन्नहा वि
- 20 नत्थि मोक्खो त्ति कलिउण सम्मुहमुवट्ठिओ । तओ तं पेच्छिउण
बम्मदत्तो संधुक्किय-ओवाणलो चालिओ तदभिमुहं । लग्गमाओहणं तओ
गण्डीव-स्रग्ग-कुन्त-गया-भिण्ढिमाल-पमुहेहिं पहरिउण मुक्कं बम्मद-
त्तेण चक्कं । तेण दीह-राइणो कबन्धी-कयं सरिं । तओ ' जयइ
चक्कवट्ठी' ति उच्छलिओ वलयलो । सिद्ध-गन्धव्वेहिं मुक्का कुसुम-
- 25 बुट्ठी । घुत्तं च, महा—'एस नारसमो चक्कवट्ठी उप्पत्तो ।' तओ
पुर-जणवएण नागारिय-ओएण य अभिनान्दिज्जमाणो पविट्ठो निय-
मन्दिरं । कओ सयल-सामन्तेहिं महा-चक्कवट्ठि-रज्जामिसेओ । पसा-

- परिपञ्चनेन एतद्वचनेन राजेदृशी दशा गत इति चपेटाभिर्हन्तुमा-
रब्धोऽसौ । हन्यमानो ' न मयाऽय पूरित ' इति विल्पन्नसौ
विमोचित कदर्यकेभिः, पृष्टश्च ' कोऽस्य पूरक ' इति । स प्राह
अरघट्ट समीपवर्ती मुनिरिति । ततो राजापि चन्दनरससेवादिभिर्
5 षधचेतनोऽवगतमुनिवरागमवृत्तान्तस्तद्भाक्किस्नेहाकृष्टचित्त सपरि-
वरो निर्ययौ । ददृशे च तेन मुनिरुद्याने । तुष्टचेतसा वन्दित ।
सविनय उपविष्टस्तदन्तिरे मुनिनारब्धा धर्मदेशना, दार्शिता भव
निर्गुणता, वर्णिता कर्मबन्धहतेव, श्लाघितो मोक्षमार्गः, ख्यापित
शिवसौख्यातिशय । सविग्ना परिपद, न भावितो ब्रह्मदत्तः, प्राह
10 च ' भगवन्, यथा स्वसगमसुखेनाल्हादिता वय, तथाऽऽल्हादयत्तु
भगवान् राज्यस्वीकारणेन, पश्चात् तप सममेव करिष्यावः ।
एतदेव वा तपसः फलम् ' । मुनिराह ' युक्तमेतद्भवदुपमारोघता
नाम्, केवल दुर्लभेय मनुष्यावस्था, सततपातुम्मायुः, चञ्चला श्रीः
अनस्यिता धर्मबुद्धिः, विपाङ्गद्वयो विषयाः, तदासक्ताना ध्रुवो
15 नरकपातः, दुर्लभ पुनर्मोक्षबीज विशेषतो विरतिरत्न, न तत्यागाद्
दुस्तरनरकपातहेतुम् इतिपयदिनभाविराज्याश्रयणमाआल्हादयति चित्त
विदुषाम् । तत् परित्यज कदाशय, स्मर प्राग्भवानुभूतदु खानि,
पिब जिनवचनामृतरस, सचरस्व तदुक्तमार्गेण, सफलीकुरु मनुष्य
जन्म ' इति । स प्राह ' भगवन्, उपनतमुखत्यागेनादृष्टमुखवाब्ध
20 अज्ञानलक्षणम् । तन्मैवमादिश, कुरु मत्समीहित ' । तत पुनुरुक्त
मुक्तोऽपि यथा न प्रतिबुध्यते, तदा चिन्तित मुनिना ' आ ज्ञात,
पूर्वमेवे सनत्कुमारचन्द्रित्रीरत्नालङ्कसस्पर्शवेदनानाताभिलाषातिरेकेण
मया निवार्यमाणेनापि कृत तत्प्राप्त्यर्थ समूतेन सता निदान, तदिद
चिन्मूढनेऽतः कालदृष्टवदसाध्योऽय निनचनमन्त्रतन्त्राणाम् ' इति ।
25 गतो मुनि, कालान्तरेण मोक्षच प्राप्तः । राज्ञोऽपि चन्द्रिमुखमनुभ
वतोऽर्तीतः कश्चित् काल ।

अन्यद्वेन द्विजेनोक्तोऽसौ ' अहो नृपेश, ममेदृशी वाब्धोत्पला
यचक्रिमोनन मुञ्जे ' । राज्ञोश्च ' मो द्विन, न मामकमन्न त्व

- भोक्तु क्षमः । यतो मा हित्वा एतदन्नमन्यम्य न सम्यक् परिणमति' ।
 द्विजेनोक्त ' धिगस्तु ते रात्र्यलक्ष्मीमाहात्म्ये यदत्रमात्रदानेऽप्यालो
 चयसि ' । ततो राज्ञा असूययानुज्ञात, भोजितश्चासावाहारदानेन
 स्वमार्यापुत्रस्तुपाटुहितृषौत्रादिबान्धववृन्दान्वितः । गतः स्वगृहमा
 5 गताया निशित्थिन्या परिणमत्यन्नेऽत्यन्तजातोन्मादप्रसरोऽनपेक्षित
 मातृस्तुपामगिनीन्यतिकरो गुरुमदनवेदनानपचित्तः प्रवृत्तोऽन्योन्यम
 कार्यमाचरित द्विजपरिजनः । प्रत्यूपसि लज्जितो द्विजः
 परिजनश्चान्योन्यमाम्य दर्शयितुमपारयन्निर्गतो नगराच्चिन्तित च
 द्विजेन 'कथमनिमित्तवैरिणा राज्ञेत्थ विटम्बिनोऽहम्' । ततोऽमर्षितेन
 10 तेन वनेऽस्ता दृष्ट एकोऽनापालकः, कर्करिकाभिरश्वत्यपत्राणि
 काणीमुर्वश्चिन्तित च तेन ' मद्विदक्षितकार्यकरणयोन्योऽय' इति
 कृत्वोपचरितस्तेन दानसन्मानादिभि । कथितस्तेन स्वाभिप्रायस्तस्य
 रहासि । तेनापि प्रतिपन्नम् । अन्यदा गृहान्निर्गच्छतो ब्रह्मदत्तस्य
 मुड्यान्तरिततनुनाऽमोत्रवेयत्वेन गोलिर्भयैरकालमुत्पाणिते लोचने ।
 15 ततो राज्ञा वृत्तान्तमवेत्योत्पन्नरोपेन सपुत्रबान्धवोऽसौ घातित
 पुरोहितो, अन्यानापि द्विजान् घातयित्वा चो मन्त्रा यथा ' एषाम
 क्षीणि म्यात्रे निक्षिप्य मम पुरतो निवेहि, येनाह स्वहम्ममर्दनेन
 सुखमुत्पादयामि ' इति । मन्त्रिणापि क्लिष्टकर्मोदयवशाता तस्याव
 गम्य शाखोटत्रतरुलानि म्यात्रे निक्षिप्य दानिनानि तस्य । सोऽ
 20 पि राट्टायवमायोपगतस्तान्यक्षिबुद्ध्या मर्दयन् स्व मुखाकुर्वन्
 दिनान्यतिवाहयति । एव च विदधतोऽतीतानि कतिचिद्दिनानि ।
 ततः सप्तवर्षशतानि पोटपोत्तराणि आयुरनुपाल्य तत्स्ये प्रवर्ष
 मानरौद्राव्यवमायो मृत्वोत्पन्न सप्तमनरकपृथिन्या प्रयस्त्रिशत्साग-
 रायुर्नारकः ।

मूलदेव



अत्थि उज्जेणी नयरी । तीए य असेस-कला-कुसलो अणेगं-
 विन्नाण-निउणो, उदार-चित्तो कयन्नु पडिवन्न-सुरो गुणाणुराई
 पियंवओ दक्खो रूव-लावण-तारुण-कलिओ मूलदेवो नाम राय-
 उत्तो पाडलि-पुत्ताओ जूय-वसणासत्तो जणगावभाणेण पुर्हवि परि-
 5 भमन्तो समागओ । तत्थ गुलिया-पओगेण परावात्तिय-वेसो वामण-
 याकारो विम्हावेइ विचित्त-कहाहिं गन्धव्वाइ-कलाहिं नाणा-कोउं-
 गेहिं य नायर-जणं । पत्तिद्धो जाओ । अत्थि तत्थ रूव-लावण
 विन्नाण-गळ्विया देवदत्ता नाम पहाणा गणिया । सुयं च तेण ' न
 रञ्जिज्जइ एसा केणइ सामण्ण-पुरिसेण अत्त-गळ्विया' तओ कोउएण
 10 तीए खोभणत्थं पच्चूस-समए आसन्नत्थेण आढत्तं सुमहुर-रवं बहु-
 भाङ्गि-घोलिर-कण्ठं अन्नन्न-वण्ण-संवेह-रमणिज्जं गन्धव्वं । सुयं च तं
 देवदत्ताए चिन्तियं च ' अहो अउव्वा वाणीः ता दिव्वो एस कोइ
 न मणुस्स-मत्तो ' । गवेसाविओ चेडाहिं । गविट्ठो दिठो मूलदेवो
 वामण-रूवो, साहियं जह-ट्टियमेइए । पेसिया तीए तस्स वाहरणत्थं
 15 मादवामिहाणा खुज्ज-वेडी । गन्तूण विणय-पुध्वयं भणिओ तीए
 ' भो महायस, अम्ह सामिणी देवदत्ता विन्नवेइ, कुणह पत्तायं
 एह अम्ह घरं । ' तेण य वियड्डयाए भणियं ' न पओयणं मे
 गणिया-जण-सङ्गेण निवारिओ विसिद्धाण वेसा-जण-संसंमो ।
 भणियं च

20

या विचित्रविटकोटीनिघृष्टा
 मद्यमांसनिरतातिनिकृष्टा ।
 कोमला वचसि चेतासि दुष्टा
 तां भजन्ति गणिकां न विधिष्टाः ॥ १ ॥

योपतापनपराऽग्निशिखेव चित्तमोहनकरी मदिरेव ।

देहदारणकरी क्षुरिकेव गर्हिता द्वि गणिका शालिकेव ॥२॥

- अओ नत्थि मे गमणाभिलासो । तीए वि अणेगाहिं भणिइ-
 भङ्गीहिं आराहिऊण चित्तं महा-निवन्वेण करे घेत्तूण नीओ
 5 घरं । वच्चन्तेण य सा खुज्जा कला-कोसुहेण विज्जा-पओगेण
 य अप्फालिऊण कया पउणा । दिम्हय-सित्त-मणाए पवेसिओ
 सो भवणे । दिट्ठो देवदत्ताए वामण-रूवो अउव्व-खावण्ण-धारी,
 विम्हियाए य दवावियमासणं । निसन्नो य सो । दिन्नो तम्बोलो,
 दंसियं च माहवीए अत्तणो रूवं, कहिओ य बइयरो, सुट्टुयरं वि-
 10 म्हिया, पारद्धो आलावो महुराहिं वियड्ड-भणिईहिं, आगारिस्सियं
 तेण तीए हिययं । भणियं च—

अणुणय-कुसलं परिहास-पेसलं लडह-वाणि-दुल्लालियं ।

आलवणं पि हु छेयाण कम्मणं किं च मूलीहिं ॥

- एत्यन्तरे आगओ तत्येगो वीणा-वायगो । वाइया तेण वीणा ।
 15 रज्जिया देवदत्ता, भणियं च ताए, 'साहु ! भो वीणा-वायग,साहु !
 सोहणा ते कला ।' मूलदेवणे भणियं 'अहो ! अइनिउणो उज्जेणी-
 जणो, जाणइ सुन्दरामुन्दर-विसेसं ।' देवदत्ताए भणियं ' भो किं
 एत्य खूणं ? ' तेण भणियं ' वंसो चैव अमुद्धो, सगज्जा य तन्ती' ।
 तीए भणियं ' कंहं जाणिज्जइ ? 'दंसेमि अहं ।' समप्पिया वीणा,
 20 कहिद्धओ वंसाओ पाहणगो तन्तीए वाले । समारिऊण वाइउं
 पयत्तो । कया पराहीण-माणसा स-परियणा देवदत्ता । पच्चासत्ते
 य करेणुया सया खण-सीला आसि सा विटिया घुमन्ती ओलम्बिय-
 कण्णा । अइव विम्हिया देवदत्ता वीणा-वायगो य ।' चिन्तियं च 'अहो
 पच्छन्न-वेसो विस्सकम्मा एस ।' पूइऊण पेसिओ तीए वीणा-वायगो ।
 25 आगया भोयण-वेला । भणियं देवदत्ताए ' वाहरह अन्नमदयं
 जेण दो वि अन्हे मज्जामो ' । मूलदेवेण भणियं ' अणुमद्दह अहं
 चैव करेमि तुम्ह अन्नमद्दण-कम्मं' । 'किमेयं पि नाणासि !' 'न याणामि
 प्रा. क. सं. ८

- सम्म पर ठिओ जाणगाण सयासे । आणिय चम्पगतेह, आढतो
 अभाङ्गिउ । कया पराहीण-मणा । चिन्तिय च णाए 'अहो विन्नाणा-
 इसओ, अहो अउव्व करय फासो । ता भवियव्व केणइ इमिणा
 सिद्ध पुरिसेण पच्छन्न रूवेण, न पयईए एव रूवस्स इमो पगरिसो'त्ति,
 5 ता पयडी-करावेमि रूव ।' निवडिया चलणेसु, भणिओ य ' भो
 महाणुभाव, असरिस-गुणेहिं चैव नाओ उत्तम पुरिसो पडिवन्न
 वच्छलो दक्खिण्ण पहाणो य तुम । ता दसेहि मे अत्ताणय ! बाद
 उक्कण्ठिय तुह दसणस्स मे हियय ' । मूलदेवेण य पुणो पुणो
 निव्वन्धे कए इसि हसिऊण अवणीया वस परावत्तणी गुलिया ।
 10 जाओ सहावत्थो, दिट्ठो टिण नाहो व्व दिप्पन्नतेओ, अणङ्गो व्व
 मोहयन्तो रूवेण सयल जण नव जोव्वण-लायण्ण संपुण्ण देहो । हरिस
 वमुब्भिन्न रोमच्चा पुणो निवडिया चलणेसु । भणिय च 'महा पसा
 ओ' त्ति । अब्भङ्गिओ सहत्थेहिं, मज्जियाइ दो वि, जिमियाइ महा
 विभूईए, पहिराविओ देव-दूसे, ठियाइ विसिद्ध-गोठीए, भणिय च
 15 तीए ' महाभाग, तुम मोत्तूण न केणइ अणुरज्जिय मे अवर पुरि
 सेण माणस । ता सच्च मय

नयणेहि को न दीसइ केण समाण न होन्ति उह्वावा ।

हिययाणन्द ज पुण जणेइ त माणुस विरल ॥

- ता ममाणुरोहेण एत्थ घरे निचमेवागन्तव' । मूलदेवेण भणिय 'गुण
 20 राइणि, अन्न-देसाएसु निद्धणेसु अन्टारिसेसु न रहए पडिवन्धो, न
 य ठिरी हवइ । पाएण सव्वम्स वि कज्ज-वसेण चैव नेहो । भणिय च-
 वृक्ष क्षीणफलं त्यजन्ति विहगा शुष्कं सर सारसा ,
 पुष्प पर्युपित त्यजन्ति मधुपा दग्ध वनान्तं मृगा ।
 निर्द्रव्यं परुषं त्यजन्ति गणिमा भ्रष्टं नृपं सेवका ,
 25 सर्वं कार्यवशाज्जनोऽभिरमते क रुस्य को वट्टभ ॥
 तीए भणिय 'स-देसो पर-देमो वा अस्सरण सम्पुरिसाण' । भणिय च
 जलहि विसंघट्टिएण वि निवसिज्जइ इर-सिरंमि चन्देणं ।
 जत्थगया तत्थगया गुणिगो सीसेण वुच्चन्ति ॥

तहा—अत्यो वि असारो, न तमि वियक्खणाण बहुमाणो, अवि य गुणेषु चेवाणुराओ हवइ त्ति । किं च—

वाया सहस्स मइया सिणेह-निज्जाइयं सय सहस्सं ।
सव्भावो सज्जण-माणसस्स कोटिं विसैसेइ ॥

5 ता सव्वहा पडिवज्जमु इम पत्थण ति ।' पडिवन्न तेण । जाओ तेसिं नेह निव्वरो सजोगो ।

अन्नया राय पुरओ पणाच्चिया देवदत्ता, वाइओ मूलदेवेण पडहो । तुट्ठो तीए राया । टिन्नो वरो । नासकिओ तीए । सो य अईव जूय पसद्धी, निवसण-मेत्त पि न रहए ।
10 भाणिओ य साणुणय तीए पिय-वाणीए 'पिययम, कोमुइ मयङ्कम्सेव हरिण पडिविम्भ तुम्ह सयल-गुणालयाण कलङ्क चेव जूय-वसण । बहु-दोस निहाण च एय । तहा हि

कुल-कलङ्कणु सच्च पडिवत्तु
गुरु-रज्जा सोय-श्रु
15 धम्म विग्गु अत्थह पणासणु ।
ज दाण भोगेहि रहिउ
पत्त-दार पिइ-माइ-सोसणु ।
जहिं न मुणिज्जइ देउ गुरु
जहिं न वि रज्जु अरज्जु ।
20 तणु मतावणु कुगइ पडु
पिय तहिं नूड म रज्जु ॥

ता सव्वहा परिचयमु इम ।' अद्रमेण यन सक्खण मूलदेवो परिहरिउ ।
अत्थि य देवत्ताण गाढाणुरत्तो मूलदेवो मित्तमेणो अयं नान्ना
सत्यवाह पुत्तो । देइ सो ज मम्मिय, मपादेइ वत्तामणाइय ।
25 वहइ य सो मूलदेवोवरि पओस, ममाइ य विहाणि । नान्ना ॥ दाण
न गच्छइ मूलदेवो तीए घर अवसरमन्तरेण । भणिगा य 'पिय-
वणणीए ' पुत्ति, परिचय मूलदेव ! न किं वि विहाण मइय

वणमेएण । सो महाणुभावो दाया अयलो पेसेइ पुणो पुणो बहुयं
 दव्व-जायं । ता तं चैव अङ्गी-करेसु सव्वप्पणयाए । न एक्कंमि
 पडियारे दोन्नि करवालाइं मायन्ति, न य अलोणियं सिलं कोइ
 चट्टेइ । ता मुच्च जूयारियं इमं'ति । तीए भाणियं ' नाहं अम्ब,
 5 एगन्तेण घणाणुरागिणी, गुणेषु चे। मे पडिवन्धो । ' जणणीए
 भाणियं ' केरिसा तस्स जूयकारिस्स गुणा ? ' तीए भाणियं ' अम्ब,
 केवल-गुणमओ खु सो; जओ—

धीरो उदार-चित्तो दाविखण्ण-महोयही कला निउणो ।
 पिय-भासी य कयणू गुणाणुराईं विसेसन्नु ॥

10 अओ न परिच्चयामि एयं । तओ साऽण्णेगेहिं दिट्ठन्तेहिं आदत्ता
 पडिवोहिउं ' अलत्तए मगिर तरिसं पणामेइ, उच्चुत्तण्डे पत्थिए
 छोइयं पणामेइ, कुसुमेहिं जाएहिं वेण्ट-मेत्ताइं पणामेइ । चोइया य
 पडिभणइ ' जारिसमेयं, तारिसो एसो ते पिययमो, तहा वि
 तुमं न परिच्चयसि । ' देवदत्ताए चिन्तियं ' भूदा एसा, तेणेवंविहे दिट्ठन्ते
 15 देइ । '

तओ अन्नया भाणिया जणणी ' अम्मो मग्गेहि अयलं उच्चंठुं !'
 कहिय च तीए तस्स । तेण वि सगडं भरेऊण पेसियं । तीए भाणियं
 ' किमहं करिणिया, जेणेवंविहं स-पत्त-डालं उच्चंठुं पभूयं पेसिज्जइ ।
 तीए भाणियं ' पुत्ति, उदारो खु सो, तेण एवं पेसियं' ति । चिन्तियं
 20 च णेण ' अन्नाणं पि सा दाहि ति । ' अवर-दियहे देवदत्ताए भाणिया
 माहवी ' हला भणाहि मूलदेवं, जहा उच्चरूण उवरि सद्धा देवद-
 त्ताए; ता पेसेहि मे ' । तीए वि गन्तूण कहियं । तेण वि गहि-
 याओ दोन्नि उच्चु-लट्ठीओ निच्छो-लिउण कयाओ दुयङ्गल-
 पमाणाओ गण्डियाओ, नाउज्जाएण य अबच्चुणियाओ, कप्पु-
 25 रेण य मणागं वासियाओ, मूलाहि य मणागं भित्ताओ;
 गहियाइं अभिणव-मल्लगाइं, भरिउण ताइं दाक्खिउण य
 पेसियाणि । दोइयाइं च गन्तूण महावीए, दंसियाणि तीए वि

- जणणीए । मणियाय ' पेच्छ अम्मो, पुरिसाण अन्तर ' ति ।
 ता अह एएसिं गुणाणमणुरत्ता । जणणीए चिन्तिय 'अच्चन्त-
 मोहिया एसा, न परिच्चयइ अत्तणा इम, ता करेमि किंपि उवाय,
 जेण एसो वि कामुओ गच्छइ विएस, तओ सुत्थ हवइ'त्ति चिन्ति
- 5 ऊण भाणिओ अयलो ' वहसु एईए पुरओ अलिय-गामन्तर-गमण,
 पच्छा मूलदेवे पविट्ठे मणुस्स सामगीए आगच्छेज्जह, विमाणेज्जह यत,
 जेण विमाणिओ सन्तो देस च्चाय करेइ । ता सनुत्ता चेट्ठेज्जह ! अह
 ते वत्त दाहामि ।' पडिवन्न च तेण । अन्नमि दिणे कय तहेव तेण ।
 निमाओ अलिय-गामन्तर-गमण मिसेण । पविट्ठो य मूलदेवो । जाणा
- 10 विओ जणणीए अयलो, आगओ महा सामगीए, दिट्ठो य पविस-
 माणो देवदत्ताए । भाणिओ य मूलदेवो ' ईइसो चेव अवसरो, पडि-
 च्छिय च जणणीए एयपेसिय दब्ब, ता तुम पट्ठक्क-हेट्ठओ महत्तग
 चेट्ठह ताव ।' ठिओ सो पट्ठक्क-हेट्ठओ, लक्खिओ अयलेण । निसण्णो
 पट्ठक्के अयलो । मणिया य सा तेण 'रूरेह ण्हाण-सामगिं' ! देव
- 15 दत्ताए भाणिय ' एव ' ति, ता उट्ठिह नियसह पोष्टिं जेण अब्भ
 झिज्जह ।' अयलेण भाणियं ' मए दिट्ठो अज्ज सुमिणओ, जहा
 नियत्थिओ चेव अब्भझियगतो एत्थ पट्ठक्के आरूढो ण्हाओ त्ति ।
 ता सच्च सुमिणय करेसु ' । देवदत्ताए भाणिय ' णणु विणासिज्जइ
 महग्गिय तूलिय गण्डुयमाइय ।' तेण भाणिय ' अन्न ते विसिट्ठतर
- 20 दाहामि' । जणणीए भाणिय ' एव ' ति । तओ तत्थाट्ठिओ चेव अब्भझिओ
 उव्वाट्ठिओ उण्ह-न्वलि-उड्ढोहिं पमज्जिओ । भरिओ तेण हेट्ठ ट्ठिओ
 मूलदेवो । गहियाउहा पविट्ठा पुरिसा । सन्निओ जणणीए अयलो ।
 गहिओ तेण मूलदेवो वालेहिं, भाणिओ य ' रे ! सपय निरूवेहि,
 जइ कोइ अत्थि ते सरण ।' मूलदेवेण य निरूवियाइ पासाइ जाव,
- 25 दिट्ठ निसियासि-हत्थेहिं वेदियमत्ताणय मणूसेहिं । चिन्तिय च ' नाह
 मेएसिं उच्चरामि, कायञ्च च मए वइर निज्जायण, निराउहो सपय,
 ता न पोरिसस्सावसरो ' त्ति चिन्तिय भाणिय ' ज ते रोयइ, त
 करेहि !' अयलेण चिन्तिय ' उत्तम पुरिसो कोई एस आगईए चेव

नज्जइ, सुलमाणि य ससारे महापुरिसाण वसणाइ । भाणिय च—

को एत्थ सया सुहिओ कस्स व लच्छी थिराइ पिम्माइ ।

कस्स व न होइ खलियं, भण को व न खण्डिओ विहिणा ॥

भाणियो मूलदेवो ' भो एवविहावत्थ गओ मुक्को सपय तुम मम पि

5 विहि-वसेण क्यावि वसणपत्तस्स एव चेव करेज्जह । '

तओ विमणो-दुम्भणओ निमओ नयरओ मूलदेवो । ' पेच्छ

कह एएण छलिओ ' ति चिन्तयन्तो ण्हाओ सरोवरे, क्या

पडिवात्ति । चिन्तिय ' गच्छामो विएस, तत्थ गन्तूण करेमि किंपि

इमस्स पडिविप्पिउवाय ' पड्डिओ बेण्णायड समुह । गाम नगराइ

10 मज्जेण वच्चन्तो पत्तो दुवालस जोयण पमाणए अडवीए मुह ।

चिन्तिय च तत्थ ' जइ कोइ वच्चन्तो वाया मेत्त सहेज्जो वि

दुइओ लब्भइ, तो सुह चेव छिज्जइ अडवी । ' जाव येव-वेलाए

आगओ विसिद्धाकार-दसणीओ सम्बल-थइया सणाहो दक्क-बम्भणो

पुच्छिओ य ' भो भट्ट ! किं दूर गन्तव्व ? ' तेण भाणिय ' अत्थि अडवीए

15 परओ वीरनिहाण नाम ठाम, त गमिस्सामि । तुम पुण क्त्य

पत्थिओ ' ' इयरेण भाणिय ' बेण्णायड । ' भट्टेण भाणिय ' ता एहि

गच्छम्ह । ' तओ पयट्टा दो वि । मज्झण्ह समए य वच्चन्तेहिं

दिट्ठ सरोवर । दक्केण भाणिय ' भो वीसमामो खणमेग ' ति ।

गया उदग सर्माव, घोया हत्य पाया । गओ मूलदेवो पालि-सठिय

20 रुक्ख-छाय । दक्केण छोटिया सम्बल थइया, गहिया वट्टयमि सत्तुया ।

ते जलेण उल्लेत्ता लग्गो भक्खिउ । मूलदेवेण चिन्तिय ' एरिसा

चेव बम्भण जाई भुक्खा पहाणा हवइ, ता पच्छा मे दाही । ' भट्टो

वि भुज्जित्ता, वन्धिउण थइय पयट्टो । मूलदेवो वि, ' नूण अवरण्हे

दाही ' चिन्तेन्तो अणुपयट्टो । तत्थ वि तहेव भुत्त, न टिन्न तम्स ।

25 ' कट्ट दाहि ' ति आसाए गच्छइ एसो । वच्चन्ताण य आगया

रयणी । तओ वट्टाओ ओसरिउण वड पायव-हेट्टओ पसुत्ता । पच्चूसे

पूणो वि पत्थिया, मज्झण्हे तहेव थक्का, तहेव भुत्त दक्केण, न टिन्न

एयस्स । जाव तइय दियहे चिन्तिय मूलदेवेण नित्थिणा पाया अडवी ।

ता अज्ज अवस्स मम दाही एस । जाव तत्थ वि न ट्ठि । नित्थिणा
 य तेहिं अड्वा । जायाओ दोण्ह वि अत्तद-वट्ठाओ । तओ
 भट्ठेण भाणिय ' भो । तुज्ज एसा वट्ठा, मम पुण एसा, ता वच्च
 तुम एयाए । ' मूलदेवेण भाणिय ' भो भट्ठ, आगओ अह तुज्ज
 5 पहावेण, ता मज्ज मूलदेवो नाम, जइ कयाद् किंपि पओयण मे
 सिज्जइ, तो आगच्छेज्ज बेण्णायडे । किंच तुज्ज नाम ?' दक्खेण
 भाणिय ' सद्धडो, जण-क्या वड्ढेण निग्गिणसम्मो नाम । ' तओ
 पत्थिओ भट्ठो स-गाम, मूलदेवो वि बेण्णायड-सम्मूह ति ।

अन्तराले य दिट्ठ वमिम, तत्थ पविट्ठो भिक्खा निमित्त, हिण्डिय
 10 असेस गाम । लद्धा कुम्मासा, न किं पि अत्त । गओ जलासया
 भिमुह । एत्थन्तराम्मि य तव सुसिय-देहो महाणुभावो महातवम्सी
 मासोववास पारणय निमित्त दिट्ठो पविसमाणो । त च पेच्छिय हरिस
 वसुविभन्न पुल्लण चिन्तिय मूलदेवेण 'अहो ! घतो कयत्थो अह, जम्स
 इममि काले एस महातवम्मी दसण पहमागओ ! ता अवस्स भवियच्च
 15 मम कद्धाणण । अवि य—

मरुत्थलीए जह कप्प रुक्खो दरिद-गेहे जह हेम घुट्ठी ।
 मायङ्ग-गेहे जह हात्थि राया मुणी महप्पा तह एत्थ एसो ॥
 किं च—

दसण-नाण विसुद्ध पञ्च महव्वय समाहियं धीरं ।
 20 खन्ती-मद्व अज्जव जुत्त मुत्ती पहाण च ॥ १ ॥
 सज्झाय-ज्झाण-तवोवहाण निरयं विसुद्ध-लेसागं ।
 पञ्च समिय ति गुत्त अकिंचणं चत्त गिहि सङ्गं ॥ २ ॥

सु पत्त एस साहू, ता—

एरिस पत्त सुखेत्ते विसुद्ध-लेसा जल्लेण सत्ति ।
 25 निहिय तु दच्च सस्स इह पर लोए अणन्त फल ॥
 ता एत्थ कालोचिया देमि एयस्स एए कुम्मासे । जओ अणायगो
 एए गामो, एओ य महप्पा कइवय घरेमु दहिसाव टाउण पणिनि
 यत्तइ, अह पुण दो तिण्णि वारे हिण्डामि, तो पुणो लभिम्म,

आसन्नो अवरो विईओ गामो; ता पयच्छामि सव्वे इमे ' ति ।
 पणमिउण तओ समप्पिया भगवओ; कुमास्सा । साहुणा वि तस्स
 परिणाम-पयारिसं मुणन्तेण दव्वाइ-सुद्धिं च वियाणिउण ' धम्म-
 सील, थोवे देज्जह ति' भाणिउण धरियं पत्तयं । दिन्ना य तेण पव-
 5 ड्डमाणाइसएण । भणियं च तेण—

धन्नाणं खु नराणं कुम्मासा हुन्ति साहु-पारणए ।
 एत्यन्तरम्मि गयणन्तर-गयाए रिसि-भत्ताए मूलदेव-भात्ति-राज्जियाए
 भाणियं देवयाए ' पुत्त मूलदेव, सुन्दरमणाचिट्ठियं तुमे ! ता एयाए
 गाहाए पच्छद्धेण मग्गह जं रोयए, जेण संपाडेमि सव्वं !' मूलदे-
 10 वेण भाणियं—

गणियं च देवदत्तं दन्ति-सहस्सं च रज्जं च ।

देवयाए भाणियं ' पुत्त, निच्चिन्तो विहरसु । अवस्सं रिसि-चल-
 णाणुभावेण अइरेण चैव संपाज्जिस्सइ एयं । ' मूलदेवेण भाणियं ' भय-
 वइ, एवमेयं' ति । तओ वन्दिय रिसिं पडिनियत्तो, रिसि वि
 15 गओ उज्जाणं । लद्धा अवरा भिक्खा मूलदेवेण । जेमिओ पत्थिओ
 य बेण्णायड-सम्मुहं । पत्तो य कमेण तत्थ ।

पसुत्तो रयणीए बाहिं पहिय-सालाए । दिट्ठो य चरिम-नामे
 सुमिणओ ' पडिपुण्ण-मण्डलो निम्मल-प्पमो मयद्धो उयरं मे पाविट्ठो ।'
 अत्तेण वि कप्पडिएण एसो चैव दिट्ठो, कहिओ तेण कप्पडियाणं ।
 20 तत्थेगेण भाणियं ' लभिहिसि तुमं अज्ज घय-गुल-संपुण्णं महत्तरं
 रोट्ठगं ' । ' न याणन्ति एए सुमिणस्स परमत्थं' ति न कहियं
 मूलदेवेण । लद्धो कप्पडिएण भिक्खा-गएण घर-चायणियाए जहो-
 वइट्ठो रोट्ठगो । तुट्ठो य एसो निवेइओ य कप्पडियाणं । मूलदेवो
 वि गओ एगमारामं । आवज्जिओ तत्थ कुमुमोच्चय-साहिज्जेण माला-
 25 गारो । दिन्नाइं तेण पुप्फ-फलाइं ! ताइं घेतुं मुइ-भूओ गओ सुविण-
 सत्थ-पादयस्स गेहं, कओ तस्स पणामो । पुच्छिया सेमारोग-यत्ता ।
 तेण वि संमासिओ स-बहुमाणं पुच्छिओ य पओयणं । मूलदे-

येण य जोडिउण कर-जुयलं कहिओ सुविण-गुवडयरो । उवज्जाएण
 वि भाणियं स हरिसेण ' कहिम्सामि मुह-मुहुत्ते सुविणय-फलं; अज्ज
 ताव अतिही होसु अम्हाणं । ' पटिवन्नं च मूलदेवेण । ष्ठाओ
 निमिओ य विभूईए । भुत्तरे य भाणिओ उवज्जाएण ' पुत्त,
 5 पत्ता पवरा मे एमा कन्नगा, ता परिणेमु ममोवरोहेण एयं तुमं'
 ति । मूलदेवेण भाणियं ' ताय, वहं अन्नाय-कुल-सीलं जामाउयं
 करेसि । !' उवज्जाएण भाणियं 'पुत्त, आयारेण चैव नज्जइ अरुहिय
 पि कुलं' भाणियं च—

आचारः कुलमाख्याति देशमाख्याति जल्पितम् ।

10 संभ्रमस्स्नेहमाख्याति वपुरारख्याति भोजनम् ॥

तदा—

को कुवल्याण गन्धं करेड महुरत्तणं च उन्झूणं ।

वर-हत्थीण य लीलं विणयं च कुल-प्पसूयाणं ॥

अह वा—

15 जइ टोन्ति गुणा तो किं कुलेण गुणिणो कुलेण नहु कज्जं ।

कुलमकल्लं गुण-वज्जियाण गुरुयं चिय कल्लंके ॥

एवमाइ-भणिईहि पटिवज्जाविओ, मुह-मुहुत्तेण परिणाविओ । वहि-
 यं सुविणय-फलं ' सत्त-दिणवमन्तरेण राया होहिसि ' । तं च
 सोउण नाओ हिट्ट-मणो । अच्छइ य तत्थ मुहेणं । पद्यमे य

20 दिवसे गओ नयर-बाहिं, निमण्णो य चप्पग-छायाए ।

इओ य तीए नयरीए अपुत्तो राया कालगओ । तत्थ
 अहियासियाणि पद्य-दिग्गाणि । ताणि आहिण्डिय नयरी-मज्जे
 निग्गयाणि बाहिं, पत्ताणि मूदेव-मयासं । डिट्ठो सो अन-
 रियत्तमाण-छायाए हेट्ठओ । तं पेच्छिय गुट्ठुगुलियं हत्थिगा, हेसियं

25 गुरङ्गेण, अहिमित्तो भिद्दारेण, वीइओ चमरेहिं, टियमुपरि पुण्टरीयं ।

तओ कओ छोएहिं, नय-नयारत्तो । चटाविओ गएण रान्धे,
 पइमारिओ य नयरी, अहिमित्तो मन्नि-मानन्नेहिं । भाणियं च
 मयग-नत्त गयाए देवयाए ' भो भो ! एम महानुभावो अमेम-

कला पारगओ देवयाहिष्ठिय सरीरो विक्रमराओ नाम राया, ता
 एयस्स सासणे जो न वट्टइ, तस्स नाह स्वमामि' त्ति । तओ सब्बो
 सामन्त-मन्ति पुरोहियाइओ परियणो आणा विहेओ जाओ । तओ
 य उदार विसय सुहमणुहवन्तो चिट्ठइ । आढत्तो उज्जेणि
 5 सामिणा वियारधवलेण सववहारो जाव, जाया परोप्पर निरन्तरा
 पीई ।

इओ य देवदत्ता तारिस विडम्बण मूलदेवस्स पेच्छिय विरत्ता
 अईव अयलोवरिं । तओ य निब्भच्छिओ अयलो ' भो अह वेसा,
 न उण अह तुज्झ कुल धरिणी ! तहा वि मज्झ गेहत्थो एव विह
 10 ववहरसि । ता ममत्याए पुणो न खिज्जियव्व'ति भाणिय गथा राइणो
 सयास । भाणिओ य निवडिय चलणेसु राया ' तेण वरेण कीरउ
 पसाओ । ' राइणा भाणिय ' भण, कओ चेव तुज्झ पसाओ,
 किमवर भणीयइ ? ' देवदत्ताए भाणिय ' ता सामि, मूलदेव वज्जिय
 न अन्नो पुरिसो मम आणवेयव्वो, एसो अयलो मम
 15 धरागमणे निवारेयव्वो । ' राइणा भाणिय ' एव, जहा तुज्झ
 रोयए, पर कहेह, को पुण एस वुत्तन्तो ? ' तओ कहिओ माहवीए ।
 रुहो राया अयलोवरिं । भाणिय च ' भो मम ईए नयरीए एयाइ
 दोन्नि रयणाइ, ताइ पि खली-करेह एसो ' । तओ
 हकारिय अम्भाडिओ भाणिओ य ' रे तुम एत्य राया, जेण एव
 20 विह ववहरसि ? ता निरूगेहि सपयसरण, करेमि तुह पाण विणास' ।
 देवदत्ताए भाणिय ' सामि, किमेइणा सुणह पाएण पडिखद्वेण
 ति ? ता मुच्चह एय ! ' राइणा भाणिओ, ' रे ईए महाणुभावाए
 वयणेण छुट्टो सपय, सुद्धी उण तेणेवेह आणिएण भविस्सइ । ' तओ
 चलणेसु निवडिउण निग्गओ राय-उलाओ । आढत्तो गवेसिउ
 25 दिसो दिसिं, तहा वि न लद्धो । तओ तीए चेव उणिमाए भरि-
 उण मण्डस्स बहणाइ पत्थिओ पारस-उल ।

इओ य मूलदेवणेण पौत्तिओ लेहो कासेहियाइ च देवदत्ताए तस्स
 य राइणो । भाणिओ य राया ' मम ईए देवदत्ताए उवरि महन्तो

- पडिबन्धो, ता जइ एईए अभिरुचिय, तुम्ह वा रोयए, तो कुणह
 पसाय, पेसेह एय । ' तओ राइणा भाणिया राय दोवारिगा ' भो
 किमेय एवविह लिहाविय विक्रमराएण ? किं अम्हाण तम्स य
 अत्थि कोइ वित्तेसो ? रज्ज पि सञ्च तम्सेय किं पुण देवदत्ता ! पर
 5 इच्छउ सा !' तओ हकारिया देवदत्ता । कहिओ वुत्तन्तो । 'ता
 जइ तुम्ह रोयए, ताहे गम्मउ तस्स सगाम ।' तीए भाणिय
 ' महापमाओ तुम्हाणुन्नायाण मणोरहाए अम्ह ।' तओ महा
 विभावेणं पूइऊण पेसिया गया य । तेण वि महाविभूईए चेव
 पवोसिया । जाय च परोप्परमेग रज्ज । अच्छए मूल देवो तीए सह
 10 विसय मुहमणुभवन्तो जिण भवण निम्बवरण पूयण-तप्परो त्ति ।

- इओ यसो अयले पारस-उले विदाविय बहुयदन्व पवर च मण्ड
 भरेणण आगओ वेणायड, आवासिओ य बाहिं । पुच्छिओ
 लोगो ' किं नामाभिहाणो एत्थ राया ? ' कहिय च 'विक्रमराओ'
 त्ति । तओ हिरण्ण-मुवण्ण-मोत्तियाण था७ भरेणण गओ राइणो
 15 पेक्खगो । दवाविय राइणा आसण । निसण्णो पच्चभिन्ताओ य,
 अयलेण य न नाओ एसो ? । रन्ना पुच्छिय ' कुओ सेट्ठी आगओ ?'
 तेण भाणिय ' पारसउलाओ ' । रन्ना पूइएण अयलेण भाणिय ' सामि,
 पेसेह कोवि उवरिमो जो भण्ट निरूवेइ ।' तओ राइणा भाणिय—
 ' अह सयमेवागच्छामि ' । तओ पघउल महिओ गओ राया,
 20 दसिय वहणेसु सङ्ग पोफुल-चन्द्रणागुरु-मज्झिडाइय भण्ड । पुच्छिय
 पघउल-समक्ख राइणा ' भो सेट्ठि, एत्थि च वइम ' तेण भाणिय
 ' देव, एत्थि च व । ' राइणा भाणिय ' करेह सेट्ठिम्म अद्ध-दाण
 पर मम समक्ख तोलेह चोहए ' । तोलियाइ पघउलेण । भारेण
 पाय प्पहारेण य वस-वेहेण य लक्खिय मन्निट्ठमाइ-मन्त्र-नय
 25 सार भण्ड राइणा, उचेट्ठावियाइ चोहयाइ, निरूवियाइ समन्तओ
 नाव दिठ्ठ कत्थइ सुवण्ण, कत्थइ रुप्पय, कत्थइ मणि-मोत्तिय पवा
 लाइ-महय भण्ड । त च दहण र्ठेण निय पुरिसाण दित्तो आणमो

- ‘अरे बन्धह पच्चक्ख-चोरं इमं’ ति । बद्धो य थगथगिन्त-हियओ तेहिं दाऊण रक्खवाल-जणेसु गओ राया भवणं । सो वि आणियो आर-क्खिणेण राय-समीवं । गाढ-बद्धं च दद्वण भाणियं राइणा ‘रे छोडेह छोडेह ।’ छोडियो अत्तेहिं । पुच्छिओ राइणा ‘परियाणासि ममं?’
- 5 तेण भाणियं ‘ सयल-पुहवि विक्खाए महानरिन्दे को न याणइ ?’ राइणा भाणियं ‘ अलं उवयार-भासणेहिं, फुडं साहसु, जइ जाणसि’ अयलेण भाणियं ‘ देव न याणामि सम्मं ।’ तओ राइणा वाहरा-विया देवदत्ता, आगया वरच्छर व्व सव्वङ्ग-भूसण-धरा; विन्नाया अयलेण । लज्जिओ मणामि वाढं । भाणियं च तीए ‘ भो, एसु सो
- 10 मूलदेवो, जो तुमे भाणियो तमि काले ममावि कयाइ विहि-जोगेण वसणं पत्तस्स उवयारं करेज्जह । ता एसु सो अवसरो । मुक्को य तुमं अत्थ-सरीर-संसयमावत्तो वि पणय-दीण-जण-वच्छलेण राइणा संपयं ।’ इमं च सोऊण विलक्ख-माणसो ‘ महा-पसाओ ’ ति भाणिऊण निवडियो राइणो देवदत्ताए य चलणेसु । भाणियं च ‘कयं
- 15 मए जं तया सयल-जण-निव्वुइ-करस्स नीसेस-कला-सोहियस्स देवस्स निम्मल-सहावस्स पुण्णिमा-चन्दस्सेव राहुणा कयत्थणं, ता तं खमउ मम सामी ! तुम्ह कयत्थणामरिसेण महाराओ वि न देइ मे उज्जेणीए पवेसं ।’ मूलदेवेण भाणियं ‘ स्वमियं चेव मए, जस्स तुह देवी-कओ पसाओ ।’ तओ सो पुणो वि निवडियो
- 20 दोण्ह वि चलणेसु, परमायरेण ण्हावियो य देवदत्ताए, पविराहियो महग्ग वत्थे, राइणा मुक्कं दाणं । पेसिओ उज्जेणिं । मूलदेव-राइणो अवमत्थणाए स्वमियं वियारधवलेण । निग्घिण-सम्मो वि रज्जे निविट्ठं सोऊण मूलदेवं आगओ वेण्णायडं, दिट्ठो राया । दिट्ठो से चेव अदिट्ठ-सेवाए गामो तस्स रन्ना । पणमिऊण ‘ महा-
- 25 पसाओ ’ ति भाणिऊण य सो गओ गामं ।

इओ य तेण कप्पडिण सुयं जहा मूलदेवेण वि एरिसो सुमिणी
 दिट्ठो जारिसो मए । परं सो भाएस-फलेण राया जाओ । सो
 चिन्तेइ 'वच्चामि जत्य गोरसो, तं पिवित्ता सुवामि । जाव तं सुमिणं
 पुणो वि पेच्छामि । अवि सो पेच्छज्ज, न स माणुसाओ विभासा ।



मण्डिय



- बेण्णायडे णयरे मण्डिओ नाम तुण्णाओ पर-दब्ब-हरण-पसत्तो आसी । सो य ' दुट्ट-गण्डो मि'त्ति जणे पगासेन्तो जाणु-देसेण निच्चमेव अद्दावलेव-लित्तेण बद्ध-वण-पट्टो राय-मग्गे तुण्णाग-सिप्पमुव-जीवति । चक्कमन्तो वि य दंड-धरिणं पाएणं किलिम्मन्तो
- 5 कंहं चि चक्कमति । रत्तिं च खत्तं खणिऊण दब्ब-जायं घेत्तूण, नगर-साण्णिहिए उज्जाणेग-देसे भूमि-घरं, तत्थ निक्खि-वति । तत्थ य से भगिणी कण्णगा चिट्ठति । तस्स भूमि-घरस्स मज्झे कूवो । जं च सो चोरो दब्बेण पलोभेउं सहायं दब्ब-बोदारं आणेति; तं सा से भगिणी अगड-समीवे पुब्ब-गत्थासणे
- 10 निवेसिउं पाय-सोय-लक्खेण पाए गेण्हिऊण तंमि कूवए पक्खिवड । तओ सो विवज्जति । एवं कालो वच्चति णयरं मुसन्तस्स । चोर-ग्गाहा तं न सक्केन्ति गेण्हिउं, तओ नयरे बहु-रवो जाओ । तत्थ य मूल देवो राया [पुब्ब-भणिय-विहाणेण जाओ । कहिओ य तस्स पउरेहिं तक्कर-वइयरो, जहा 'एत्थ नयरे पभूय-कालो मुसन्तस्स वट्टइ
- 15 कस्सइ तक्करस्स, न य तीरइ केणइ गेण्हिउं । ता करेउ किं पि उवायं] ताहे सो अन्नं णगरारक्खियं ठवेति । सो वि ण सक्कति चोरं गेण्हिउं । ताहे मूलदेवो सयं नील-पडं पाउणिऊण रत्तिं णिमातो । मूलदेवो अणज्जन्तो एगाए समाए णिसण्णो अच्छति जाव, सो मण्डिय-चोरो आगन्तुं भणति ' को एत्थ
- 20 अच्छति ? ' मूलदेवेण भणियं ' अहं कप्पडिओ । ' तेण भण्णति ' ए हि मणुन्नं करेमि । ' मूलदेवो उट्ठिओ । एगंमि ईसर-घरे खत्तं खयं । सुबहुं दब्ब-जायं णिणेऊण मूलदेवस्स उवरिं चडावियं । पयट्टा णयर-वाहिरियं । मूलदेवो पुरओ, चोरो असिणा कहिइएण पिट्ठओ एति । संपत्ता भूमि-घरं । चोरो तं दब्बं णिहणिउ-
- 25 मारद्धो । भणिया य णेण भगिणी ' एयस्स पाहुणयस्स पाय सोयं

- देहि' ताए कूव-तढ-सन्निकिडे आसणे निवेसिओ ताएपाय-सोय-लक्खेण पाओ गहिओ ' कूवे छुहामि' ति जाव अतीव सुकुमारा पाया, ताए णायं जहा ' एस कोइ अणुभूय-पुब्ब-रज्जो विहलियद्दो । तीए अणुकम्पा नाया । तओ ताए पाय-तले सण्णिओ ' णस्स ति, 5 मा मारिज्जिहिसि ' ति । पच्छा सो पलाओ । ताए वोलो कओ ' णट्ठो णट्ठो' ति । सोय असिं कड्ढिउज्जण ममो ओलमो । मूलदेवो रायपेहे अतिसन्निकिडं नाउण चच्चर-सिवन्तरिओ ठिओ । चोरो तं सिव-लिङ्गं ' एस पुरिसो ' ति काउं कड्ढमएण असिणा दुहा-काउं पडिनियत्तो, गओ भूमि-शरं । तत्थ वसिउण पहायाए 10 रयणीए तओ निमान्तूण गओ बाहिं । अन्तरावणे तुण्णागतं करेति । राइणा पुरिसैहिं सदाविओ । तेण चिन्तियं जहा ' सो पुरिसो णूणं ण मारिओ, अवस्सं च एस राया भविस्सइ ' ति । तेहिं पुरिसैहिं आणिओ । राइणा अब्भुट्टाणेण पूइओ, आसणे णिवेसाविओ, सुवहुं च पियं आभासिओ, संलत्तो ' मम भगिणि 15 देहि' ति । तेण दिण्णा, विवाहिया राइणा । भोगाय से संपदत्ता । कइसु वि दिणेसु गएसु राइणा मण्डिओ भणिओ 'दब्बेण कज्जं' ति । तेण सुवहुं दब्ब-जायं दिन्नं । राइणा संपूजितो । अन्नया पुणो मग्गिओ; पुणो वि दिण्णं । तस्स य चोरस्स अतीव सक्कार-संमाणं पउञ्जति । एएण पगारेण सव्वं दब्बं दवाविओ । भगिणिं से पुच्छति, 20 तीए मन्नति ' एत्तियं चेव वित्तं ' । तओ पुत्रावेइय-लेखा-णुसारेण सव्वं दब्बं दवावेउण मण्डिओ सूलाए आरोविओ ।

अंगडदत्त



अँत्थि जँए सु-पसिद्धं सँहउरं पुरं-वरं गुण-समिद्धं ।
 तँम्भिं य राया जणं-जणिय-तोसओ सुन्दरो नामं ॥ १ ॥
 तसँसं कुले-रुव-सरिसी समंग-जण-जणिय-लोयणोंणन्दां ।
 अन्तेउरसँसं पढ्मां सुलसां नामेण वर-भञ्जा ॥ २ ॥
 तीए कुच्छि-पसूओ पुत्तो नामेण अंगडदत्तो त्ति ।
 अणुंदियहं सो पवरं वडुन्तो जोव्वणं पत्तो ॥ ३ ॥

सो य केरिसो—

धम्मत्थं-दयां-रहिओ गुरु-वयणं-विक्खिओ अलियं-वाइ ।
 परं-रमणि-रमणं-कामो निस्सङ्के माण-सोण्डारो ॥ ४ ॥
 मज्जं पिण्डं जूयं रमेइ पिसियं महं च मक्खेइ ।
 नड-वेडय-वेसा-विन्द-परिगओ भमइ पुर-मज्झे ॥ ५ ॥
 अँलमि दिणे रत्तो पुरवरं-लोएणं वइयरो सिद्धो ।
 जहे कुमरेण नराहिव नयरे असमञ्जसं विहियं ॥ ६ ॥
 सुण्णिऊणं पउर-वयणं राया गुरु कौव-जाय-रत्तच्छो ।
 फुड-भिउडि-भासुर-सिरो एयं भाणुं समाढत्तो ॥ ७ ॥
 रे रे भण्ह कुमारं सिग्गं चियं वज्जिऊणं मह विसयं ।
 अँत्तंथं कुणुसु गमणं मा भणुंसु ये जं न कहिये ति ॥ ८ ॥
 नाऊण वइयरे सो कुमरो चइऊण निय-पुरं रम्मं ।
 खम्म-सहाओ चलिओ गुरु-माण-पवड्डियामरिसो ॥ ९ ॥
 छड्डित्ता गिरि-सरि-काणणाइ-पुर-गोठ-गाम-वन्दाइं ।
 निय-नयराओ दूरे पत्तो वाणारसिं नयरिं ॥ १० ॥
 तिय-चचरमाइंसु असहाओ भमइ नयर-मज्झमि ।
 चित्ते अमरिस-जुत्तो करि व्व जूहाओ परिभट्ठो ॥ ११ ॥

हिण्डन्तेण च तथा पुरीए मग्गेसु राय तणएण ।
बहु-तरुण नर समेओ एक्को णिल जाणओ ढिट्ठो ॥ १२ ॥
सो य केरिसो—

सत्यत्य कला-कुसलो विउसो भावन्नुओ सुगम्मारो ।
निरओ परोवयारे णिवालुओ रूव गुण कलिओ ॥ १३ ॥
नामेण पवणचण्डो वार्डण न उण सीसाण ।
सन्दण हय गय सिक्ख साहिनो निव-सुयाण तहिं ॥ १४ ॥
तस्स समीवमि गओ चरण-जुय पणमिउ समासीणो ।
कत्तो सि तुम सुन्दर, अह भणिओ पवणचण्डेण ॥ १५ ॥
एगन्ते गन्तूण सङ्खउराओ जहा विणिक्खन्तो ।
कहिओ तह वुत्तन्तो कुमरेण पवणचण्डस्स ॥ १६ ॥
चण्डेण तओ भणिओ अच्छसु एत्थ कलाओ सिक्खन्तो ।
परमत्तणो य गुज्ज कम्म वि मा सुयण पयडेसु ॥ १७ ॥
उट्टेउ उज्जाओ पत्तो गेहमि राय सुय साहिओ ।
साहेइ माहिलियाए एसो मह भाउय-सुओ त्ति ॥ १८ ॥
ण्हविउण कुमर वर दाउण पवर-वत्थमाभरण' ।
तो भोयणावसाणे भणियमिण पवणचण्डेण ॥ १९ ॥
भवण धण परिवारो सन्दण तुरयाइ सन्तिय मज्झ ।
सव्व तुज्जायत्त विलससु हियइच्छिय कुमर ॥ २० ॥
एव सो किर सवुड्ढ-माणसो मुक्क-कूर ववसाओ ।
चिड्डइ तस्सेव घरे सव्वाओ कलाओ सिक्खन्तो ॥ २१ ॥
गुरुयण-गुरु-विणय पवत्र-माणसो सयल जण मणाणन्दो ।
बावत्तरिं कलाओ गेण्हइ थेवेण कालेण ॥ २२ ॥
एव सो कुमर वरो नाय कलो परिसम कुणेमाणो ।
भवणुज्जाणे चिड्डइ अणुट्टियह तप्परो धाणिय ॥ २३ ॥
उज्जाणस्स समीवे पहाण सेट्ठिस्स सन्तिय भवण ।
वायायण-रमणीय उच्चुहमई व वित्थिण्ण ॥ २४ ॥

तत्पत्न्यि सेट्टि धूया मणोहरा मयणमञ्जरी नाम ।
 सा घर सिरमारुढा अणुदियह पेच्छए कुमर ॥ २५ ॥
 अह तम्मि साणुराया अणवरय पलोयण कुणेमाणी ।
 विक्खिवइ कुसुम फल पत्त-लेट्टुए किपि चिन्तन्ती ॥ २६ ॥
 हिययत्थ पि हु बाल कुमरो न निरिक्खए कला रासिओ ।
 आसङ्गाए गुरूण विज्जाए गहण-लोभेण ॥ २७ ॥
 अन्न दिनमि तीए वम्मह सर पसर विहुरिय-मणाए ।
 गहणे कलाण सत्तो पहओ उ असोग गुच्छेण ॥ २८ ॥
 कुमरेण तम्मि दियहे सा बाला पलोइया य स विसेस ।
 कङ्केलि-पल्लवन्तरिय तणु-लया सभमुब्भन्ता ॥ २९ ॥

चिन्तिय च—

किं एसा अमर विलासिणी उअ ह होज्ज नाग कन्न व्व ।
 कमल व्व किं नु एसा सरस्सई किं व पच्चक्खा ॥ ३० ॥
 अहवा पुच्छामि इम कज्जेण केण चिट्ठई एत्थ ।
 इय चिन्तिऊण हियए कुमरो पयड इम भणइ ॥ ३१ ॥
 का सि तुम वर-बाले ईसिं पयडोसि कीस अप्पाण ।
 विज्जा-गहणासत्त कीस मम सुयणु खोभेसि ॥ ३२ ॥
 सुणिउ कुमार वयण वियसिय दिट्ठीए विहासिय-मुहीए ।
 पयडन्त-दन्त-किरणावलीए तीए इम भणिय ॥ ३३ ॥
 नयर-पहाणस्स अह धूया सेट्टिस्स बन्धुदत्तस्स ।
 नामेण मयणमञ्जरी इह चेव विवाहिया नयरे ॥ ३४ ॥
 जद्विवासाओ दिट्ठो सुन्दर त कुमुमचाव सारिच्छो ।
 तदियहाओ मज्झ अमुह तरू वडिदओ हियए ॥ ३५ ॥

जेण—

तिदा वि हु न्हा लोवणाण देहामि कदिदओ जहो ।
 असण पि नो य रचइ गुर वियणा उत्तमद्दामि ॥ ३६ ॥

ताव चिय होइ सुह जाव न कीरइ पिओ जणो कोवि ।
 पिय सङ्गो जेण कओ दुक्खाण समप्पिओ अप्पा ॥३७॥
 पेरिज्जन्तो उ पुरा-कएहि कम्मोहि केहिवि वराओ ।
 सुहमिच्छन्तो दुल्लह जणाणुराए जणो पडइ ॥३८॥
 ता जइ मए समाण सङ्ग न य कुणसि तराणि-मण-हरण ।
 होह तुह निय-वज्झा फुड जओ नत्थि मे जयि ॥३९॥
 सो निसुणिऊण वयण तीए बालाए चिन्तए हियए ।
 मरइ फुड चिय एसा मयण महा जलण-दड्ढङ्गी ॥४०॥
 निसुणिज्जइ पयडमिण भारह-रामायणेषु सत्थेषु ।
 जह ढस कामावत्था होन्ति फुड कामुय जणाण ॥४१॥
 पदमा जणेइ चिन्त वीयाए महइ सगम सुह ति ।
 ढीहुण्हा नीसासा ह्वन्ति तइयाए वत्थाए ॥४२॥
 जरय जणइ चउत्थी पञ्चम वत्थाए टज्जइ अङ्ग ।
 न य भोयण च रुच्चइ छट्ठावत्थाए कामिस्स ॥४३॥
 सत्तमियाए मुच्छा अट्टम-वत्थाए होइ उम्माओ ।
 पाणाण य सदेहो नवमावत्थाए पत्तस्स ॥४४॥
 ढसमावत्थाए गओ कामी जीवेण मुच्चए नूण ।
 ता एसा मह विरहे पाणाण वि ससय काही ॥४५॥
 परिभाविऊण हियए राय-कुमारेण भाव कुसलेण ।
 मणिया सिणेह सार सा बाला महुर-वयणेण ॥४६॥
 सुन्दरि, सुन्दर रत्तो सुन्दर चरियस्स विउल कित्तिस्स ।
 नामेण अगडढत्त पडम सुय म वियाणेहि ॥४७॥
 कल यायरिय समीव कल-गहणत्थ समागओ एत्थ ।
 पविसिस्स जमि दिणे तए वि घेत्तु गमिस्सामि ॥४८॥
 कहक्कहवि सा मयच्छी वम्मह सर पसर सल्लिय सरीरा ।
 एमाइ बहु पयार भणिऊण क्या समासत्था ॥४९॥
 सो राय सुओ तत्तो तीए गुण रूव रञ्जिय-मणो हु ।
 निय निलए सपत्तो चिन्तन्तो सगमोवाय ॥५०॥

अन्नमि दिणे सो राय नन्दणो वाहियाए मग्गेण ।
तुरयारूढो वच्चइ ता नयरे कल्यलो जाओ ॥९१॥

अवि य—

किं चलिउ व्व समुदो किं वा जलिओ हुयासणो घोरो ।
किं पत्त रिउ सेन्न तडि दण्डो निवडिओ किं वा ॥९२॥

एत्थन्तरमि सहसा दिट्ठो कुमरेण विम्हियमणेण ।
मय वारणो उ मत्तो निवाडियालाण वर खम्भो ॥९३॥

मिण्ठेण वि परिचत्तो मारेन्तो सोण्ड-गोयर पत्ते ।
सवडमुह चलन्तो कालो-व्व अकारणे कुद्धो ॥९४॥

तुट्ट पय-बन्ध रज्जू सच्चुण्णिय भवण हट्ट देवउलो ।
खण मेत्तेण पयण्डो सो पत्तो कुमर पुरओ त्ति ॥९५॥

त तारिस रूव धर कुमर दट्टण नायर जणेहिं ।

गहिर सरेण भणिओ ओसर ओसर करि पहाओ ॥९६॥

कुमरेण वि निय तुरय परिचइऊण सुदक्ख-गइ-गमण ।
हक्कारिओ गइन्दो इन्द-गइन्दस्स सारिच्छो ॥९७॥

सुणिउ कुमार सद्द दन्ती पज्जरिय-मय जल पवाहो ।
तुरिओ पहाविओ सो कुद्धो कालो व्व कुमरस्स ॥९८॥

कुमरेण य पाउरण सवेहेऊण हिट्ट चित्तेण ।

धावन्त वारणस्सा सोण्डा पुरओ उ पक्खित्त ॥९९॥

कोवेण धमधमेन्तो दन्तच्छोभे य देइ सो तम्मि ।

कुमरो वि पिट्ठ भाए पहणइ दद मुट्ठि पहरेण ॥ १० ॥

ता ओधावइ धावइ चलइ खलइ परिणओ तथा होइ ।

परिभमइ चक्क भमण रोसेण धमधमेन्तो सो ॥ ११ ॥

अइव महन्त वेल खेहावऊण त गय पवर ।

नियय-वमे काऊण आरूढो ताव खन्धमि ॥ १२ ॥

अह त गइन्द-सेज्जु मणोहर सयल-नयर-ल्लोयस्स ।

अन्तेउर-सरिसेण पलोइय नरवरिन्देण ॥ १३ ॥

दड्डु कुमर गय-वन्ध-सठिय सुरवइ व सो राया ।
 पुच्छइ निय भिच्च-यण को एसो गुण निही चालो ॥ ६४ ॥
 तेण अहिमयरो सोमत्तणएण तह य निसिनाहो ।
 सव्व-क्लागम-युसलो वाई सूरु सुखो य ॥ ६५ ॥
 एक्केण तओ भाणिय कल यायरियम्स मन्दिरे एसो ।
 कल-परिसम कुणन्तो दिट्ठो मे तत्प नर नाह ॥ ६६ ॥
 तो सो कल-यायरिओ नरवइणा पुच्छिओ हरिसिण्ण ।
 को एसो वर पुरिसो गय-वर सिक्खाए अइकुसलो ॥ ६७ ॥
 अभय परिमग्गेउ कल-गायरिण्ण कुमर-वुत्तन्तो ।
 स विसेस परिकहिओ नरवइणो बहु-जण-जुयम्म ॥ ६८ ॥
 त निसुणिउण राया निय हियए गरुय-तोसमावन्नो ।
 सपेसइ पडिहार कुमर आणेहि मम पास ॥ ६९ ॥
 गय-खन्ध परिड्डियओ अह सो भाणिओ य दारवालेण ।
 हकारइ नर-नाहो आगच्छसु कुमर रायउल ॥ ७० ॥
 रायाएसेण तओ हत्थि खम्भमि आगलेउण ।
 कुमरो ससङ्क हियओ पत्तो नर-नाह पासमि ॥ ७१ ॥
 जाणू-करुत्तमङ्गे महीए विणिहित्तु गरुय विणएण ।
 जाव न कुणइ पणाम अवगूदो ताव सो रत्ता ॥ ७२ ॥
 तम्बोलासण सम्माण दाण पूयाइ पूइओ अहिय ।
 कुमरो पसन्न हियओ उवविट्ठो राय पासमि ॥ ७३ ॥
 तओ चिन्तिय राट्ठणा ' उत्तम पुरिसो एसो ' । जओ—
 विणओ मूल पुरिसत्तणम्स मूल सिरीए ववत्ताओ ।
 घम्मो सुहाण मूल दप्पो मूल विणासस्त ॥ ७४ ॥

अन्न च—

को चित्तेइ मऊर गइ च को कुणइ रायहसाण ।

को कुवल्याण गन्ध विणय च कुल प्पसूयाण ॥ ७५ ॥

अवि य—

साली भरेण तोएण जलहरा फल भरेण तरु सिहरा ।
 विणएण य सप्पुरिसा नमन्ति न हु कस्सवि भएण ॥ ७६ ॥
 तो विणय रञ्जिएण कुसल पउत्तीओ पुच्छिओ कुमरो ।
 रत्ता कलाण गहण स विसेस तह य पुट्ट ति ॥७७॥
 निय गुण गहण पयडेइ नो य लज्जाए जाव सो ताव ।
 उज्जाएण भाणिय पहु निउणो एस सव्वत्थ ॥ ७८ ॥

पर महाराय—

निय-गरुय पयाव पससणेण लज्जन्ति जे महा सत्ता ।
 इयरा पुण अलिय पससणे वि अङ्गे न मायन्ति ॥ ७९ ॥
 एव च तस्स रत्तो कुमार चरियमि खित्त चित्तस्स ।
 ता सयलो पुर-लोओ समागओ राय पासमि ॥ ८० ॥
 वर रयण अम्बराइ सुयन्ध कुसुमाइ फल सणाहाइ ।
 मुक्काइ राय पुरओ पउरेण परिहव-गएण ॥ ८१ ॥
 त पुर जण-कोसल्ल नरवङ्गा अप्पिय कुमारस्स ।
 अह ते कय पणिवाया विन्नति काउमारद्धा ॥ ८२ ॥

त जहा—

देव इम तुह नयर कुवेर पुर विहव अहिय धण निवह ।
 कइवय दिणाण मज्जे चोरस्स वि मन्दिर जाय ॥ ८३ ॥
 केणावि तक्केरेण दुट्ठेण खत्त चार निउणेण ।
 मुट्ट नरवर नयर एण्ह रक्खेसु किं बहुणा ॥ ८४ ॥
 कडुय वयणेहि भणिओ रत्ता आरक्खिओ पुर वरस्स ।
 रे रे पेच्छन्तस्स वि मुट्ट सव्व पि तुह नयर ॥ ८५ ॥
 अह विन्नत्त तेण देव अणेगाणि अम्ह दियहाणि ।
 जोयन्ताण चोर तह वि हु वत्थइ न सो दिट्ठो ॥ ८६ ॥
 एत्थन्तरामि राया विनत्तो अगडदत्त-कुमरेण ।
 पहु देहि ममाएस ल्हेमि पुर तवर सिग्ग ॥ ८७ ॥

मज्जे सत्त-दिणाणं पुर-चोरं नो लहामि जइ नाह ।
तो जलिय-जलण-जालावलीसु जालेमि निय-देहं ॥ ८८ ॥
एयं कुमार-वयणं नरवइणा निसुणिऊण स-पइन्नं ।
अणुमन्निऊण मणिओ सिज्जेउ समीहियं तुज्ज ॥ ८९ ॥
अह सो गहिय-पइन्नो रायाणं पणमिउं अणुच्चिग्गो ।
परिभमइ नयर-मज्जे जोयन्तो तक्कर-निवासे ॥ ९० ॥

अवि य—

वेसाण मन्दिरेसुं पाणागारेसु जूय-ठाणेसु ।
कुल्लरियावणेसु य उज्जाण-निवाण-सालासु ॥ ९१ ॥
मइ-सुव्व-देउलेसुं चच्चर-चउहइ-हइ-सालासु ।
तक्कर-गमं नियन्तो हिण्डइ एक्कल्लओ कुमरो ॥ ९२ ॥
ता जा छट्ठो दियहो बोलीणो नो य तक्करो दिट्ठो ।
सत्तम-दिणंमि कुमरो गहिओ चिन्ताए स-विसेसं ॥ ९३ ॥
किं वच्चामि विदेसं किं वा तायस्स अन्तियं जामि ।
हरिऊण तं मयाच्छिं किं वा रण्णंमि गच्छामि ॥ ९४ ॥
किं तु न जुत्तं एयं निम्भल-कुल्ल-संभवाण पुरिसाण ।
जं किर निय-जीहाए पडिवन्नं अन्नहा होइ ॥ ९५ ॥

जेण—

छिज्जउ सीसं अह होउ वन्धणं वयउ सन्वहा लच्छी ।
पडिवन्न-पालणे सु-पुरिसाण जं होए तं होउ ॥ ९६ ॥
नेयं महव्वयं खलु नरट्ठि-मुद्दाए जं समुव्वहणं ।
पण्डिवन्न-पालणं चिय महव्वयं धीर-पुरिसाणं ॥ ९७ ॥
एवं च बहु-वियप्पे नियय-मणे भाविऊण सो कुमरो ।
अवरण्हय-वेलाए पुरस्स बाहिमि संपत्तो ॥ ९८ ॥
एगस्स पवर-किसल्लय-समूह-गुविलस्स सीय-छायस्स ।
उत्तुङ्ग-वियड-साहाउलस्स सहयार-रुक्खम्म ॥ ९९ ॥
उवाविट्ठो चिइइ हेट्ठयंमि चिन्ताभरेण सुदियट्ठो ।
जोयन्तो दिसि-चक्कं विज्जा-भट्ठो व्व खयरिन्दो ॥ १०० ॥

एत्यन्तरमि एगो सहसा परिवायगो समणुप्पत्तो ।
 कय धाउ-वत्थ वेसो मुण्डिय सिर कुच्च सच्चूलो ॥ १०१ ॥
 दण्ड त्तिय कुण्डी चमर सगओ तह गणोत्तिया-हत्थो ।
 किं किंपि मुणमुणिन्तो सपत्तो कुमर पुरओ त्ति ॥ १०२ ॥
 करि सोण्डा भुय दण्डो विसाल वच्छत्थलो फरुस-केसो ।
 नव-जोव्वणो रउदो रत्तच्छो दीह जद्धो य ॥ १०३ ॥
 निज्जाइऊण अह सो सासङ्को चिन्तए मणे कुमरो ।
 एवविह रूवेण हविज्ज एसो फुड चोरो ॥ १०४ ॥
 एत्यन्तरमि तेण भणियो कुमरो पिएहि वयणेहिं ।
 कत्तो सि तुम सु पुरिस केण व कज्जेण चिट्ठेसि ॥ १०५ ॥
 नाऊण तस्स भाव भणिय कुमरेण बुद्धि निउणेण ।
 दालिद्वेणक्कन्तो भमामि नयरीए सुन्नमणो ॥ १०६ ॥
 मा सोयसु पुत्त तुम अज्ज छिन्दामि तुज्ज दालिद ।
 देमि समीहिय दव्व भणिय परिवायगेण ति ॥ १०७ ॥
 कुमरेण सलत्त तुम्हाण चेव पय पसाएण ।
 नासइ मह दालिद सपज्जइ ईहिय वज्ज ॥ १०८ ॥
 एव जपन्ताण नयण पह वज्जिऊण दिवसयरो ।
 भइसणमावन्नो दोस भएण व सप्पुरिसो ॥ १०९ ॥
 सञ्जुज्जोयमि गए पयडी हूयमि रयाणि तम नियरे ।
 कट्टेउ कोसाओ करवाल दारणायार ॥ ११० ॥
 तुरिय-गई सचलिओ सो कुमर भणइ एहि मह पिठ ।
 नेण समीहिय-क्कज्ज सव्व वारेमि किं बाहुणा ॥ १११ ॥
 ताव य दोन्नि वि सिग्घ सपत्ता नयरि मज्झयारम्मि ।
 परिममिऊण थोव उवविट्ठा एग-देसमि ॥ ११२ ॥
 परिवायगेण ताव य ईत्तर-वणियसस मन्दिरे तुद्वे ।
 मुह भेय भित्ति भाए खत्त आलेहिय तेण ॥ ११३ ॥

जाए वि भित्ति-सन्वे खणिय खत्त सुतिक्रवं-सत्येण ।
 सिरिवच्छ-सच्छह सुप्पवेस निग्गमण-मग्ग ॥ ११४ ॥
 निज्जाइउण मुइर निहुय पय पविमिउण सो घुत्तो ।
 कट्ठइ महग्ग भण्ड पमूय पेडाओ तत्थेव ॥ ११५ ॥
 ठविउ कुमर आणिय देवउलाओ ठरिइए पुरिसे ।
 ते गेण्हाविय ताओ नयराओ निग्गया भत्ति ॥ ११६ ॥

तओ कुमरेण चिन्तिय—

आयड्ढिउण ग्वम छलेण पहणामि किं इह दुइ ।
 अहव न जुत्त अन्ह छल-घाओ कुल पमूयाण ॥ ११७ ॥
 एय निवास गन्तु टन्व पेच्छामि केत्तिय हरिय ।
 कम्म कए अणवरय मुमइ इम नयरि-जण निवहा ॥ ११८ ॥
 एव ते दोत्ति वि गहिय-मोसया पुर-वराओ निक्खन्ता ।
 गुरु-भारेण किलन्ता नयरुज्जाणामि सपत्ता ॥ ११९ ॥
 परिवायगेण भणिओ कुमरो छल गाय-मारण निमित्त ।
 सु पुरिम गरया रयणी अच्छामो एत्य उज्जाणे ॥ १२० ॥
 पडिवत्ते कुमरेण तत्थुज्जाणामि ते समामीणा ।
 किल निद्द मेवेमो चिन्तेण दो वि सामङ्का ॥ १२१ ॥
 खण-मेत्तेण दोत्ति वि टाहिण-वामेमु कच्छ-मूट्ठम्म ।
 अन्नोन्न घाय निरया अलीय निद्दा पमुत्ता त्ति ॥ १२२ ॥
 ते बाहित्तिय पुरिसा मुत्ता वीसत्थ-माणमा सन्वे ।
 कुमरो वि सत्यराओ उट्टेत्ता सणियमवन्तो ॥ १२३ ॥
 काउ करमि ग्वम अत्तम्म महा-तरुम्म मूलमि ।
 पेच्छन्तो सान्निइइ अपमत्तो तम्म चरियाइ ॥ १२४ ॥
 मुत्त त्ति मुणेउण तेण विणिवाइया उ ते पुरिमा ।
 मयगे तमपेच्छन्तो जा जोवट तत्थ मो कुमर ॥ १२५ ॥
 ता हक्किउण ट्ठु कुमरो आयड्ढिउण करवाल ।
 पहणइ जइसाग्ग मय रहिओ भीम-वत्त-जुत्तो ॥ १२६ ॥
 प्रा. ६ पं ११

एगेण पहारेणं पठियं जङ्घाण जुयलयं तस्स ।
 चक्काहओ व्व रुक्खो निवाडिओ ज्ञात्ति धरणीए ॥ १२७ ॥
 गन्तुं जसमत्थेणं जीविय-सेसेण तेण सो भणिओ ।
 आसि अहं सु-पासिद्धो नामेण भुयंगमो चोरो ॥ १२८ ॥
 तह अत्थि इह मसाणे गेहं भूमीए मज्झयारंमि ।
 तत्थत्थि मज्ज भइणी वीरमई नाम जुवइ त्ति ॥ १२९ ॥
 वड-पायवस्स मूले गन्तूणं कुणसु तीए वाहरणं ।
 जेणं भूमि-धरस्सा दारं उग्गाडए तुरियं ॥ १३० ॥
 तं परिणिऊण सुन्दर गेण्हसु सव्वं पि दवणि-जायं ति ।
 चिट्ठसु तत्थ सुहेणं अहवा वसिमंमि गच्छेसु ॥ १३१ ॥
 एवं जंपन्तो सो कुमरेणासासिओ स्रणं एकं ।
 गाहिऊण तस्स खण्णं पत्तो ता पेय-भूर्माए ॥ १३२ ॥
 गन्तूण कओ सद्दो वडस्स मूलंमि तीए जुवईए ।
 आगन्तूण य तीए धरस्स उग्गाडियं दारं ॥ १३३ ॥
 निज्झाइऊण सुइंरं रूवं बालाए विन्धिओ सहसा ।
 चिन्तेइ निय-हियएणं एसा मयणस्स सव्वस्सं ॥ १३४ ॥
 पुट्ठो य तीए सुन्दर कत्तो कज्जेण केण वाषाओ ।
 कहिया तेण पउत्ती तं सोउं दूमिया हियए ॥ १३५ ॥
 भाणिऊण महुर-वयणं नीओ पायाल-मन्दिरे कुमरो ।
 गुरु-गउरवेण तीए दिअं पवरासणं तत्थ ॥ १३६ ॥
 स-प्पणयं चिय भणिओ अहयं एयं च विउल धण निवहं ।
 तुम्हायत्तं सव्वं ! सुन्दर विलसेसु सच्छन्दं ॥ १३७ ॥
 पयडेउं वास-हरं भणिओ वीसमसु एत्थ सयणिज्जे ।
 अहयं पुण गन्तूणं आपेमि विलेवणं तुज्झ ॥ १३८ ॥
 इयं भाणिऊणं सा वास-हराओ विणिमाया सहमा ।
 कुमरो वि नीइ-सत्थं चिन्तेइ अहप्पणो हियए ॥ १३९ ॥
 माया अलियं छोहो मूढत्तं साहसं अमोयत्तं ।
 मिम्मंसया तह चिय महिलाण सहावया दोमा ॥ १४० ॥

अन्नं च

न घेप्पइं सुसिणेहिं न विज्जइं न य गुणेहिं ।

न य लज्जइं न य माणिण न य चाद्धय-सय-सहसेहिं ॥ १४१ ॥

न य खर-कोमल-वयणिहिं न विहवि न जोच्चणेण ।

दुग्गेज्जं मणु महिलहिं चिन्तहिं आयेण ॥ १४२ ॥

अओ—

एवं सो लद्ध-जसो जण-मण-नयणाण पुण्णिमा-चन्दो ।
अलियं मुणेइ सव्वं रहिओ चिर-दिट्ठ-बालाए ॥ १९४ ॥

जओ—

ता लज्जा ता माणो ताव य परलोय-चिन्तणे बुद्धी ।
जा न विवेय-जिय-हरा मयणस्स सरा पडुप्पन्ति ॥ १९५ ॥
एवं मयणायत्तो सो चिट्ठइ जाव नियय-भवणाम्मि ।
ता एगा वर-विलया समागया कुमर-पासंमि ॥ १९६ ॥
दिन्नासणोवविट्ठा भणिया कुमरेण षेण कज्जेण ।
तं आगया सि सुन्दरि, साहसु निययं अभिप्पायं ॥ १९७ ॥
भणियं तीए निसुणसु अवहिय-हियओ कुमार होऊणं ।
अहयं तुम्ह समीवे पट्ठविया मयणमज्जरिए ॥ १९८ ॥
एयं तुह संदिट्ठं सुन्दर ! गुरु-विरह-जलण-तवियाए ।
जा गच्छइ न य जीयं ता सिच्चसु संगम-जलेणं ॥ १९९ ॥
अन्नं च निसुणिऊणं गय-खेडुं तक्करस्स वहणं च ।
दुट्ठित्थी-परिहरणं नरवइ-पमुहेण य जणेणं ॥ १६० ॥
साहुक्कारं तुज्जं कारन्तं अहिय-विम्हिय-मणा सा ।
जीयं पि हु तुह दंसण-समुस्सुया धरइ किच्छेणं ॥ १६१ ॥
सुणिऊण तीए वयणं दाउं हत्थ-द्वियं च तम्बोलं ।
भणिया सा हू इत्थी सिणेह-सारेहि वयणेहिं ॥ १६२ ॥
कुसले ! पभणसु गन्तुं मा होहि समुस्सुया दिणे कइवि ।
पत्थावं लहिऊणं सव्वं सत्थं करिस्सामि ॥ १६३ ॥
अन्नंमि दिणे सहसा करहारूढा समागया पुरिसा ।
भवणंमि पविसमाणा दिट्ठा कुमरेण हिट्ठ-मणा ॥ १६४ ॥
आलिङ्गितं स-हरिसं अम्मा-पियरस्स कुसल-पडिउत्ती ।
स-सिणेहं परिपुट्ठा पमुक्क-घण-अंमु-निवहेण ॥ १६५ ॥
वो, तेहि इमं, भणियं, अम्मा-पियरम्म, कुमार, कुसलं ति, ।
तह वि हु तुह विरह-महा-गहेण गहियाइ चिट्ठन्ति ॥ १६६ ॥

कडवय-दिगाण मज्जे जइ गन्तूणं न दंसणं कुणासि ।
 तो कुमर ! निच्छएणं विमुक्क-जीयाण वचिहिसि ॥ १६७ ॥
 एवं निसामिऊणं सज्जावेऊण नियय-खन्वारं ।
 पत्तो राय-समीवे जंपइ सो एरिसं वयणं ॥ १६८ ॥
 तायस्स समीवाओ उस्सुय-करहीरुहा दुवे पुरिसा ।
 पहु मज्ज आणणत्थं समागया कहसु जं जोगं ॥ १६९ ॥
 नरवइणा तो भणियं वच्चमु तं कुमर ! ताय-पासंभि ।
 निय-परिवार-समेओ गन्तूण पुणेो नियत्तेसु ॥ १७० ॥
 दाऊण अलंकारं सम्माणेऊण महुर-वयणेहि ।
 निय-धूयाए समेओ नरवइणा पेसिओ कुमरो ॥ १७१ ॥
 काऊणं संजत्ति दावावेउं पयाणणं सिविरं ।
 एग-रहेणं कुमरो सयं ठिओ नयर-मज्जंमि ॥ १७२ ॥
 जामिणि-पट्टमे पड्ढे दूईए संगमीए पासंभि ।
 कुमरेण निधय-पुरिसो पड्डविओ जाणणट्टाए ॥ १७३ ॥
 गन्तूण तेण भणियं सिविरं अम्हाण पविसियं मग्गे ।
 एगागी राय-सुओ चिद्धइ तुम्हाण कज्जेण ॥ १७४ ॥
 ता सुन्दरि ! गन्तूणं आणमु लहु मयणमज्जरि एत्थ ।
 जेण समीहिय-कज्जं संपज्जद अज्ज तुम्हाणं ॥ १७५ ॥
 सुणिऊण तस्स वयणं गन्तूणं संगमी तुरिय-तुरियं ।
 निय-सामिणीए साहइ जं भणियं कुमर-पुरिसेण ॥ १७६ ॥
 आयाणिऊण सहसा रहस-समुच्छलिय-वहल-रोमञ्जा ।
 संचल्लिया खणेणं सु-सहि-सहाया निय-घराओ ॥ १७७ ॥
 पत्ता कुमर-समीवं आरूढा मयणमज्जरी जाणे ।
 आरूहसु सुयणु ! सिगं इय भणिया राय-तणएणं ॥ १७८ ॥
 अह चौइऊण तुरए रज्जुं गहिऊण वाम-हत्थेणं ।
 नीहरिउं नयरीए संपत्तो नियय कडयंमि ॥ १७९ ॥
 तुरियं पयाण-दक्का दवाविया तेण पत्त-मेत्तेणं ।
 काऊण सु-संजत्ति चलियं सेज्जं समत्थं पि ॥ १८० ॥

अणवरय पयाणेहिं विसय लह्वेवि भुवण पालस्स ।
 पत्तो महा अरण्णे सावय तरु सकुले भीमे ॥ १८१ ॥
 अइविसम-महा दुम सकुलमि मग्गामि वच्चमाणस्स ।
 सब्ब जणाणंदयरो पाउस-कालो समणुपत्तो ॥ १८२ ॥
 तम्मि य मणहर काले वच्चइ कुमरो वणस्स जा मज्जे ।
 सहस ति भिल्ल सामी ता पडिओ तस्स सिबिरमि ॥ १८३ ॥
 तस्स बलेण बल-दप्पिएण सहसा कुमार-खन्धार ।
 पवणेण व घण वन्ट पक्खित्त चउसु वि दिसासु ॥ १८४ ॥
 एगेण सन्दणेण सहिओ निय पणइणीए राय सुओ ।
 रण-मज्जे सो थक्को हरि व्व मायङ्ग जूयस्स ॥ १८५ ॥
 ता वाणावलि पहय भग्ग भिल्लाण त बल सयल ।
 अन्नन्न दिसि पलाण गन्धगयस्सेव करि जूह ॥ १८६ ॥
 त पुण पलायमाण भिल्लवई पेच्छिऊण निय सेन्न ।
 निट्ठुरमक्कोसन्तो सहसा सवडमुहो चालिओ ॥ १८७ ॥
 अणवरय ते दोन्नि वि अन्नोन्न पक्खिवन्ति सर निवहे ।
 एको वि न वि छलिज्जइ निउणत्तणओ धणुव्वेए ॥ १८८ ॥

ओ चिन्तिय कुमारेण—

बुद्धीए पवघ्णेण य छलेण तह मन्त-तन्त जोएण ।
 पहणिज्जइ पडिवक्खो जस्स न नीईए सक्केज्ज ॥ १८९ ॥
 ता एसो भिल्ल वई धणु-गुण-सत्थेसु लद्ध-माहप्पो ।
 न य सक्को पहणेउ तेण उवाय विचिन्तेमि ॥ १९० ॥
 एव च चिन्तिऊण भणिया कुमारेण सा निया भज्जा ।
 कुणसु पिए सिद्धार उवविससु रहस्स तुण्डमि ॥ १९१ ॥
 उवविट्ठाए तीए दट्ठण रूव-सपय पवर ।
 टिट्ठि तस्स निवेसइ पहओ मयणस्स वाणेहिं ॥ १९२ ॥
 नीलुप्पल पत्त सरिच्छएण आरा-मुहेण वाणेण ।
 वच्चउत्पलम्मि सहसा ता पहओ राय-तणएण ॥ १९३ ॥

मम्म-पएसग्भि हओ पडिओ म्मीए भिह-नरनाहो ।
ईसिं वियमिय-नयणो जपई सो एरिमं वयणं ॥ १९४ ॥

अवि य—

नाहं तुह सर-पहओ पहओ कुमुमाउहसम बाणेण ।
अहवा त्तिमेत्य चोउंजं मयणेणं को वि नहु छलिओ ॥ १९५ ॥
एवं परंपिउणं काल्हाओ भिह-सामिओ प्रात्ति ।
एत्यन्तरंमि कुमरो निय-परिवारं पलोएइ ॥ १९६ ॥
जाव न रहे न तुरए सेवय-पुरिमे य नो य वर-मुहडे ।
एग-रहेणं कुमरो संचलिओ निय-पुराहुत्तं ॥ १९७ ॥
बहइहवि तं अरण्णं सो कुमरो लद्धिउण भय-रहिओ ।
गोउलमेगं पत्तो गावी निवहेण रमणीयं ॥ १९८ ॥
एत्यन्तरंमि कुमरं ढट्टणं गोउलाओ दो पुरिसा ।
पत्ता कुमर-मर्मापिं भणन्नि महुरेहि वयगेहि ॥ १९९ ॥
वत्तो सि तुमं नर-वर ! कत्य वि वधिहिमि वहमु अम्हाणं ।
सहउरे वघामो भाणिया ते राय-त्तगएणं ॥ २०० ॥
तो तेहि पुणो भाणियं मुपुरिस ! अम्हे वि तुज्जा सत्थेणं ।
सहउरे वघामो जइ मुपमाओ तुमं होमि ॥ २०१ ॥
एवं ति होउ पडिवज्जिउण जोएइ ना रहे तुरए ।
ता सत्थिहय पुरिसा भणन्नि एयागिसं वयणं ॥ २०२ ॥
एण्णं मन्नेगं अत्थि महन्नं अइं कन्नारं ।
तम्म य मज्जे चिट्ठे चोगे दूज्जेरगो चग्ढो ॥ २०३ ॥
मय मत्तो गल-भाज्जि कुगमागो वरि-यरो य अइम्मिओ ।
दिही विमो य सप्पो वग्गो तर टारुगो अत्थि ॥ २०४ ॥
अत्ते पि मावय-वागा यूग मंमात्तिगो य दुप्पेच्छा ।
एवं नाउण मगे वघमु एण्ण मन्नेग ॥ २०५ ॥
कुमरेण तओ भणिआ मा युगह भयं परत्तह परंदि ।
कुमरेणं महउरे मरत्ता देमि हि बहुजा ॥ २०६ ॥

एवं निसामिउणं अब्बे सत्थिल्लया नरा बह्वे ।
 राय-तणएण समयं संचलिया मुक्क-भय-पसरा ॥ २०७ ॥
 एत्थन्तरंमि एगो दीह-जडा-मउड-भूसिय-सरीरो ।
 भसमुद्धूलिय-गतो तिसूल-चोक्केण य सणाहो ॥ २०८ ॥
 पडिवारय-परियरिओ पत्थिय-लिङ्गेण वावड-करमो ।
 तेयंसी सुपसत्थो महवडओ तत्थ संपत्तो ॥ २०९ ॥
 तेण य भणिओ कुमरो तुम्ह सुसत्थेण पुत्तय अहं पि ।
 सद्धउरे वच्चामि तित्थाणं दंसण-निमित्तं ॥ २१० ॥
 अब्बं च मह-समीवे कइ वि हु चिट्ठान्ति पुत्त दीणारा ।
 बलि पूयणत्थ-दिन्ना देवाणं धम्मिय-नरंहिं ॥ २११ ॥
 ते गेण्हेसु महायस ! वच्चामो जेण निब्भया अम्हे ।
 एवं बहु भाणिउणं सम्पप्पिओ द्वाज्जि-निउलो त्ति ॥ २१२ ॥
 ताहे सो परितुट्ठो आसीसं देइ नरवड-सुयस्स ।
 सत्थिल्लएहि सद्धिं संचलिओ कवड-कय-वेसो ॥ २१३ ॥
 मुणिउं तस्स स-रूवं कुमरो चिन्तेइ हियय-मज्झंमि ।
 एएण समं गमणं न सुन्दरं होइ परिणामे ॥ २१४ ॥
 एवं हियए परिभाविउण कुमरेण चोइया तुरया ।
 मगो रहो पयट्ठो संपत्तो गहण-देसंमि ॥ २१५ ॥
 तेण महव्वइएणं भाणिया सत्थिल्लया इमं वयणं ।
 अज्ज अहं तुम्हाणं पाहुणयं सव्वहा काहं ॥ २१६ ॥
 अत्थि इहरण्ण-मज्झे गोउलमेगं पभय-धण-निवहं ।
 तत्थि मए वरिसालो आवन्तेणं कओ असि ॥ २१७ ॥
 तम्मि मए गोउलिया सत्त्वे आवाज्जिया निय-गुणेहिं ।
 दाहिं ति अज्ज भोज्जं ता तुम्हे पाहुणा मज्झ ॥ २१८ ॥
 एवं निमन्तिउण गन्तूण समागओ महावडओ ।
 पायस-धय-दाहियाणं भरिउणं भण्डए गरए ॥ २१९ ॥
 आगन्तूण य तेणं भाणिओ कुमरो विमहुर वयणेहि ।
 पत्तय अज्जन्हाणं हिय-इच्छिय-निच्चुइं कुणसु ॥ २२० ॥

कुमरेण तओ भणिय गुरु-विअगा मञ्ज उत्तमङ्गमि ।
 वट्टइ अत च जईण भोयण कप्पण नेय ॥ २२१ ॥
 मात्थिहया य मन्वे भणिया कुमरेण दिट्ठि-मत्ताए ।
 नहु मोत्तञ्च एय एण ममाणिय मत्त ॥ २२२ ॥
 अवगाणिउण कुमर भुत्त त भोयण विम विमिम्म ।
 भुत्तिय-मेत्ते सत्त्वे सहमा निच्चेयणा जाया ॥ २२३ ॥
 जम-मन्दिर पवत्ते सत्त्वे ते जाणिउ महावत्ओ ।
 भेटन्तो सर निवह पहाविओ कुमर-वहणत्थ ॥ २२४ ॥
 कुमरेण म-ओवेण सग निवह वच्चिउण वेणण ।
 मम्म-पएमे पहओ एगेण अद्ध चन्देण ॥ २२५ ॥
 अह सो महीए पाडिओ जीविय-मेमो पयए एय ।
 पुत्त अह सो दुत्तओ चोरो दुत्तओहणो नाम ॥ २२६ ॥
 निम्मय चित्तेण तए मह चित्त गत्तिय महाभाग ।
 जीविय-सेमो अहय सवुत्तो बाण गणण ॥ २२७ ॥
 आयण्णामु मह वयण एयम्म गिरि-म वामपासमि ।
 मारियाण दोण्ह मञ्जे देवउ अत्थि रमणीय ॥ २२८ ॥
 तम्म य पच्छिम भाए तत्तिग मिद्धा चच्चिया मुनत्तेण ।
 त पेत्तिउण वामे भूमि-शर तथ पविमेषु ॥ २२९ ॥
 तम्मसत्थि मञ्ज भाए मम महिला पवर-रुव-गुण-वत्थिया ।
 नव जोत्तणा विगीया नामेण जयमिरी मग्ग ॥ २३० ॥
 रित्थ अद्द महन्न चिट्ठ मञ्जम्मि तम्म मञ्जम्म ।
 ता न मन्व मु पुरिम अप्पायत्त गेत्तामु ॥ २३१ ॥
 मह पुण वट्टइ अन्नो गयमि जीवमि त्थेमु कट्ठाणि ।
 एव मो भगमाणो पत्तत्त पाविश्रो म्हात्ता ॥ २३२ ॥
 ठाम्-समूहे मोलिय दितो कुमरेण द्दयणो दम्म ।
 आरुहिय पवर-रह ताव गओ कम्म-दम्मि ॥ २३३ ॥
 ते मारियाण मन्ने त्थेत्ते त्थेत्ता सिद्धि त्थेण ।
 उन्नात्तिउण दारं कओ य त्थेत्ता त्थेत्ता ॥ २३४ ॥

भणइ तओ सा रमणी सहसा गन्तूण दार-देसंमि ।
 कोइल-महुर-सरेणं मज्जे आगच्छ भवणस्स ॥ २३९ ॥
 पेच्छवि तीए रूवं साणन्दं जा पलोअए कुमरो ।
 मयणमञ्जरीए ताव य अवहत्थेणं हओ सहसा ॥ २३६ ॥

भाणियं च—

बन्धु-पिया-सहियाओ नयरं गेहं च तुज्ज कज्जेणं ।
 चत्तं मए अलज्जिर तुमं पि अन्नं पसत्तो सि ॥ २३७ ॥
 निसुणे वि तीए वयणं कुमरो वज्जेवि तं वणं सहसा ।
 सन्दण-वरमारुहिउं संचलिओ अगगओ ताहे ॥ २३८ ॥
 लङ्घइ जाव सुहेणं वण-गहणं केत्तियं पि भीसणयं ।
 सहसत्ति ताव पेच्छइ नासन्तं सवर-संघायं ॥ २३९ ॥
 अह पेच्छिऊण कुमरो भय-तसिए वणयराण संघाए ।
 चिन्तइ निय-चित्तेणं होयव्वं एत्थ मय-करिणा ॥ २४० ॥
 सासङ्को हियएणं जाव पलोएइ तदिसा-हुत्तं ।
 सासि-सङ्ख-कुन्द-धवलं ता पेच्छइ करि-वरं एकं ॥ २४१ ॥
 पज्झारिय-मय-पवाहं मोडिन्तं तरु-वरे महा-काए ।
 मयमञ्जरी खणेणं उव्विग्गा हियय-मज्जंमि ॥ २४२ ॥
 कुमरेण तओ भाणियं मा बीहसु मुद्धि रण-कलहाओ ।
 गरूयाण संपया आवया य न हु इयर-पुरिसाणं ॥ २४३ ॥
 एवं भाणिऊण पियं अवयरिओ रह-वराओ सो तुरियं ।
 गन्तूण उत्तरीयं पक्खित्तं ज्ञात्ति पुरओ त्ति ॥ २४४ ॥
 ताव य सो मायङ्को छोहं जा देइ उत्तारिज्जंमि ।
 ता कुमरो वि मु-दत्तवो अइ त्ति आरुहइ खन्धम्मि ॥ २४५ ॥
 खण-मेत्तेणं सो मत्त-करिवरो, णेग-वणगर-कयन्तो ।
 स-वसो कुमरेण कओ अहि व्व मणिमन्त-जोएण ॥ २४६ ॥
 निध-दइष्ठाए पुरओ अवइण्णे, गय-वरस्स खन्धाओ ।
 पुणरवि रहंमि रूदो संचलिओ निय-पुरा-हुत्तं ॥ २४७ ॥

ना केत्तियं पएसं कुमरो लङ्घेइ निय-पिया-सहिओ ।
 ता पेच्छइ सो वग्यं अद्दाण-तडंमि उवविहं ॥ २४८ ॥
 उद्धसिय-केसर-सदं अफ्फालिय-वमुह-दीह-लङ्गलं ।
 तं पेच्छिऊण कुमरो हसिऊणं धाविओ समुहो ॥ २४९ ॥
 सज्जेउं रोइ-वमं वग्यो ना देइ निय-कर-पहारं ।
 वेदिय-वत्थो हत्थो लूढो कुमरेण वयणंमि ॥ २५० ॥
 दाहिण-हत्थेण पुणो पहओ असि-घेणुयाए तन्वंमि ।
 गाढ-पहारेण हओ वस त्ति महिमण्डले पडिओ ॥ २५१ ॥
 निज्जिणिऊण य वग्यं नाव य लङ्घेइ थोवयं गहणं ।
 पेच्छइ ताव भुयङ्गं अद्दाणे संटियं कुमरो ॥ २५२ ॥

केरिसं—

अलि-उल-कज्जल-वणं फणि-मणि-किरणोह-भामुर-सरीरं ।
 दो-जीहं रतच्छं धमणी-वय-मुक्क-पुक्कारं ॥ २५३ ॥
 तवडंमुहं उवेत्तं टट्टणं मयणम-जरी सप्यं ।
 गुरु-मय-कम्पिय-देहो लंगा कुमरस्स कण्ठंमि ॥ २५४ ॥
 मा वीहेसु भणन्तो उत्तिण्णो सन्दणाओ सो सुहदो ।
 आवन्तस्स य फणिणो सहसा विहिओ गई-यम्मो ॥ २५५ ॥
 तो काऊं मुह-थम्भं खेहावेऊण छाडिडओ भुयगो ।
 आरुहिऊण रह-वरं वुरियं संजोइया तुरया ॥ २५६ ॥
 किच्छेण लह्विऊणं गहणं तं वहवि नरय-सारिच्छं ।
 संपत्तो सहउरे संतोसिय-नयारि-जण-निवहो ॥ २५७ ॥
 वरविहिय-वत्थ-सोहाउलंमि नयरंमि सुन्दर-निवस्स ।
 जण-मण-नयणाणन्दो दाणं दिन्तो पविट्ठो सो ॥ २५८ ॥
 निय-मन्दिंरं पि पत्तो जणणी-जणण्ण गस्स-नेहेणं ।
 आलिङ्गिओ स-हरिसं लोएणं षणमिओ ताहे ॥ २५९ ॥
 तो भोयणावसाणे पुट्ठो देसन्तराण वुत्तन्तं ।
 तेण समन्नां काहियं ना पत्तो नियव-भुण्णंमि ॥ २६० ॥

एव ताण सुह सगमेण सजाय परम तोसाण ।
 वच्चइ सुहेण कालो रज्ज सुह भुज्जमाणाण ॥ २६१ ॥
 अह अन्नया वसन्ते कामुय लोयाण हियय-आणन्दे ।
 बहु पउर परियण जुओ उज्जाण उवगओ राया ॥ २६२ ॥
 अह सो वि तओ कुमरो सुहि जण परिवारिओ पिया सहिओ ।
 पुर-नारि पलोइय रूव सपओ तत्थ सपत्तो ॥ २६३ ॥
 बहु-हास तोस वीणा विणोय वर नट्ट-गेय कन्वेहिं ।
 कीलइ पमुइय चित्तो मयणमञ्जरियाए सह कुमरो ॥ २६४ ॥
 अवरण्हे सव्व जणो रमिउण पुर वरे गओ सिग्घ ।
 राया वि सयल परिवार सनुओ भवणमणुपत्तो ॥ २६५ ॥
 कुमरो वि विसज्जिय सयल परियणो जाव रह-वर पत्तो ।
 ता सा मयणमञ्जरिया डक्का भुयङ्गेण उग्गेण ॥ २६६ ॥
 हाहा रव कुणन्ती डक्का डक्क त्ति तह य विलवन्ती ।
 कम्पन्त-सयल-गत्ता पडिया कुमरस्स उच्छङ्गे ॥ २६७ ॥
 कुमरेण तओ भाणिया मा मा वीहेहि कुवलय-टलच्छि ।
 विसहर विसम प्पभव निमैस-मेत्तेण काहामि ॥ २६८ ॥
 एव भणमाणस्स य मुहुत्त-मेत्तेण सा पिया तस्स ।
 विसम विस पीडियङ्गा खणेण निच्चेयणा जाया ॥ २६९ ॥
 जीविय-मुक्क त्ति वियाणिउण कुमरो वि मोहमावत्तो ।
 विलवइ करुण सरेण हाहा-कारे विमुच्चन्तो ॥ २७० ॥
 कहकहवि हु विच्छेण अत्ताण सवेरेवि कुमरेण ।
 रइउण चिय ताहे ठविया उवरिंमि सा भज्जा ॥ २७१ ॥
 पज्जालिउण जलण अत्ताण जा खिवेइ सो कुमरो ।
 सहस त्ति ताव पत्त गयणाओ खयर-जुयल ति ॥ २७२ ॥
 सपत्त-मेत्तएण य भाणिओ कुमरो सु-वोमल वयण ।
 रिमभारणेण सु पुरिस अत्ताण खिवसि जलणम्मि ॥ २७३ ॥
 अहय खण-मेत्तेण वि सत्य सरीर करेमि तुह भज्ज ।
 एव पि जपिउण पहया अहिमन्तिय-जलेण ॥ २७४ ॥

निदा-खए व बुद्धा अत्ताण सवरेवि पसयच्छी ।
कयरो इमो पएसो पुच्छन्ती उट्टिया ज्ञत्ति ॥ २७५ ॥
त खयराण जुयल उट्टावेउण पणदणिं तम्स ।
जपिय कुमरेण सम उप्पदय गयण-मगामि ॥ २७६ ॥
कुमरो वि पिया सहिओ रयणीए अइतमन्व पउराए ।
पच्चासत्ते देवय-उलमि सहस चिय गओ ति ॥ २७७ ॥
कुमरेण एत्थ समए भणिया दइया पसन्न वयणेण ।
आणेमि जाव जलण ताव तुम चिट्ट खणमेग ॥२७८॥
एव भणिउण गओ जलण गहिउण पुनरवि नियत्ती ।
ता पेच्छइ देवउले उज्जोय मण चमकार ॥२७९॥
सपत्तेण तेण भणिया सासङ्क-माणमेगेव ।
अज्जे डीवुज्जोओ टिट्ठो मे आसि देवउले ॥२८०॥
तीए वि य पडिभणिय पिय तुह हत्य टियस्त जलणस्त ।
जलियस्त समुज्जोओ सकन्तो सो तुमे टिट्ठो ॥२८१॥
एत्यन्तरमि खग्ग भज्जाए समप्पिउण सो कुमरो ।
महि निहिय नाणु जुयने अहोमुहो धमइ जा जलण ॥२८२॥
ता सहम चिय तीए खग्ग हत्याओ कोस परिहीण ।
अइगरुय निहाएण पडिय देवउल सिल पट्टे ॥२८३॥
समन्तो ता पुच्छइ निय-दइय सो हु सरल सवभावो ।
किं कोस विप्पमुक्क खग्ग पडिय महियलमि ॥२८४॥
तीए वि तओ भणिओ मह मण-मोरो अईव उच्छलिओ ।
तेण परव्वसाए करवाल नवारि पडिय ति ॥२८५॥
जाले वि तओ जलण देवउले कोलिउण सा रयणी ।
गोसमि नियय भवणे गयाइ साणन्द हिययाइ ॥२८६॥
बन्धन-सहि-सयणाण रयाणि पउत्ती य निव्विसेसा सा ।
पिय सहिएण कहिया रहस-वसुहसिय हियएण ॥२८७॥
एव च ताण दोह वि हियय-समीहिय विलाम सत्ताण ।
बुचइ सुहेण कालो विमय मुह सेवमाणाण ॥२८८॥

अह अन्नया कयाई सप्पुरिसो राय नन्दणो कुमरो ।
 विवरीय सिक्कव तुरय परिवाहइ वाहियालीए ॥२८९॥
 तो तेण दुट्ट हरिणा उच्च।हरिऊण लोय पच्चक्ख ।
 उवणीओ स रण्णे अइविसमे तावस निवासे ॥२९०॥
 परिभममाणेण तओ पत्त कुमरेण जिणहर एक ।
 चारण समणो एगो दिट्ठो बहु-मुणि-गणाइण्णो ॥२९१॥

सो य केरिसो—

गह-नक्खत्ताण ससहरो व्व रयणाण कोत्थुह-मणि व्व ।
 कप्पदुमो व्व तरूण देवाण सहस्सनयणो व्व ॥२९२॥
 चन्दो व्व सोमयाए महि व्व खन्तीए दित्तिए मित्तो ।
 रूवेण वम्महो इव निम्मल चउणाण सपत्तो ॥२९३॥
 नामेण साहसगई विज्जा-वस दिट्ठ विस्स ववहारो ।
 बोहेन्तो भविय-जणे निम्मल धम्मोवएसेण ॥२९४॥
 गन्तूण कुमरेणं सहसा तो पणमिय चरण-कमल ।
 लद्धासीसो य तहा उवविट्ठो तस्स पासमि ॥२९५॥
 लहिऊण अवसर तो भणिय कुमरेण विणय पत्तेण ।
 सुहगुरु साहसु मज्झ स-वोउओ किंपि पुच्छामि ॥२९६॥
 के पहु इमे सु पुरिसा जोन्वण-लायण्ण-रूव पडिहत्था ।
 वेरमा-ममा पडिया पच्चवि इच्छन्ति वय-गहण ॥२९७॥

तओ भणिय नाणिणा—

अत्थि इह विमय मज्जे चमरी नामेण विमम पछि तिं ।
 त भुञ्जइ चउवन्तो धरणिधरो नाम भिल्लो ति ॥२९८॥
 अह अन्नया कयाई ह्य गय रह-जोह सुहउ परियरिओ ।
 एगो नरवइ-कुमरो समागओ तम्म भूर्माए ॥२९९॥
 तो तेण तम्म मिच्चिर ह्य विहय तक्कणेण काउण ।
 आइत्तो मगामो बल वट्ठणा तेण सरिसो ति ॥ ३०० ॥
 भिट्ठिया महइ वेउ जाव न एगो वि तीरण छलिट ।
 तो तेण नियय नाया कय भिद्धारा कया पुरओ ॥ ३०१ ॥

सुहय अहं निय-दइयं वावाइस्सामि तुज्ज पच्चवत्वं ।
 एवं पयंपिऊणं पईवओ आमिओ ज्ञात्ति ॥ ३१५ ॥
 एत्थन्तरंमि कुमरो वण्हि घेत्तूण ज्ञात्ति संपत्तो ।
 संपत्तेण भणियं उज्जोओ इह मए दिट्ठो ॥ ३१६ ॥
 तीए तओ भणियमिणं तुह-कर-गहियम्म जलिय-जलणम्म ।
 देवउले सक्कतो पिय उज्जोओ तए दिट्ठो ॥ ३१७ ॥
 खगं समाप्पिऊणं जा सो दीवेइ हुयवहं कमरो ।
 ता कड्डिय-करवालं गीवाए मुच्चए पहरं ॥ ३१८ ॥
 एएण करुण-मइणा अवहत्थेऊण पाडियं खगं ।
 सिट्ठं सहोयराणं चरियं इत्थीए सु-विचित्तं ॥ .
 नाऊण तयं तीए विलसियमइदारुणं निरु ,
 वेरग्ग-समावन्ना समागया मह-समावांमि ॥ ३
 आयाण्णिय निय-चरियं संभन्तो माणसंमि ,
 परिभावइ पेच्छ अहो महिलाणं दारुणं च ।

ता सचमेयं—

गद्दाए वालुयं सायरे जलं हिमवओ य
 जाणान्ति बुद्धिमन्ता महिला-हिययं न

तहा—

रोवन्ति रुवायन्ति य आलियं जंपन्ति ५।
 कवडेण य खन्ति विसं भरन्ति न य जा
 महिला हु रत्त-मेत्ता उच्छू-खण्डं व ५
 सघिय विरत्त-मेत्ता निम्बं कूरं विसेसेइ
 अणुरज्जन्ति खणेणं जुवइओ खणेण ७
 अन्नन्न-राय-निरया हलिइ-रागो व्व चळ
 हिययंमि निट्ठुराओ तणु-नम्पिय ७.

जुवईओ सरिच्छाओ सुवण्ण-विच्छुरिय-ञ्चुरियाए ॥ ३१६ ॥
ता अहो मे अहमत्तणं जमेय-कारणे मइलियं कुलं अङ्गीकओ
अयसो । अह वा—

ताव फुरइ वेरम्मु वित्ति कुल लज्ज वि तावहिं ।

ताव अकज्जह तणिय सङ्क गुरु यण-भउ तावहिं ।

ताविन्द्रियह वसाइ जसह सिरिहायइ तावहिं ।

रमाणिहि मणु-मोहणिहि पुरिसु वसि होइ न जावहिं ॥३२१॥

ता धिरत्यु ससारस्स नत्थि एत्थ किंपि सुहकारणं । भाणियं च—

खण-दिट्ठ-नट्ठ-विहवे खण-परियट्ठन्त-विविह-मुह-दुक्खे ।

खण-संजोय-विओए संसारे रे सुहं कत्तो ॥ ३२८ ॥

एवमाइ भावेन्तो सर्वंगेमुवगओ, निवडिऊण य भयवओ चलणेमु

भाणियं ' भयवं, मम सन्तियं चरिममेयं । अहं एएसिं भाइ-पायगो

उब्बिगो य अहं-संसार-यासाओ । ता करेह वय-पयाणेणाणुमाहं ।

दिक्खिओ भयवया । जाओ दुरणुचर-सामण्ण-परिपालणुज्जओ त्ति ।



सुहय अह निय दइय वावाइस्सामि तुज्ज पच्चवख ।
 एव पयपिऊण पईवओ आमिओ ज्ञात्ति ॥ ३१५ ॥
 एत्थन्तरमि कुमरो वण्हिं घेत्तूण ज्ञात्ति सपत्तो ।
 सपत्तेण भाणिय उज्जोओ इह मए दिट्ठो ॥ ३१६ ॥
 तीए तओ भाणियमिण तुह कर-गहियस्स जलिय जलणस्स ।
 देवउले सक्कन्तो पिय उज्जोओ तए दिट्ठो ॥ ३१७ ॥
 खग्ग समाप्पिऊण जा सो दीवेइ हुयवह कमरो ।
 ता कट्ठिय करवाल गीवाए मुच्चए पहर ॥ ३१८ ॥
 एएण करुण मइणा अवहत्थेऊण पाडिय खग्ग ।
 सिद्ध सहोयराण चरिय इत्थीए मु विचित्त ॥ ३१९ ॥
 नाऊण तय तीए विलसियमइदारुण निरावेक्ख ।
 वेरग्ग समावन्ना समागया मह समीवमि ॥ ३२० ॥
 आयाण्णिय निय चरिय सभन्तो माणसमि सो कुमरो ।
 परिभावइ पेच्छ अहो महिलाण टारुण चरिय ॥ ३२१ ॥

ता सच्चमेय—

गह्वाए वालुय सायरे जल हिमवओ य परिमाण ।
 जाणन्ति बुद्धिमन्ता महिला हियय न याणन्ति ॥ ३१२ ॥

तहा—

रोवन्ति रुवायन्ति य अलिय जपन्ति पत्तियावेन्ति ।
 क्ववडेण य खन्ति विस मरन्ति न य जन्ति सवभाव ॥ ३२३ ॥
 महिला हु रत्त मेत्ता उच्छू-खण्ड व सक्करा चेव ।
 सच्चिय विरत्त-मेत्ता निम्ब कूर वित्सेसेइ ॥ ३२४ ॥
 अणुरज्जन्ति खणेण जुवइओ खणेण पुण विरज्जन्ति ।
 अन्नन्न राय निरया हलिइ रामो त्व चळ पेम्मा ॥ ३२५ ॥
 हिययमि निट्ठुराओ तणु जम्पिय पेहिणहि रम्माओ ।

जुवईओ सरिच्छाओ सुवण्ण-विच्छुरिय-दुरियाए ॥ ३१६ ॥
 ता अहो मे अहमत्तणं जमेय-वारणे मरुलियं कुल अङ्गीकओ
 अयसो । अह वा—

ताव फुरइ वेरम्हु वित्ति कुल लज्ज वि तावहिं ।

ताव अण्णह तणिय सङ्क गुरु यण-भउ तावहिं ।

ताविन्दियह वसाइ जसह सिरिहायइ तावहिं ।

रमाणिहि मणु-मोहणिहि पुरिमु वसि होइ न जावहिं ॥ ३२१ ॥

ता धिरत्यु ससारम्म नत्थि एत्थ किंपि मुहकारणं । भाणियं च—

खण-दिट्ठ-नट्ठ-विह्वे खण पारियट्ठन्त विविह-मुह-दुक्खे ।

खण-संजोय-विओए संसारे रे मुह कत्तो ॥ ३२८ ॥

एवमाइ भावेन्तो सर्वगेमुवगओ, निवटिउण य मयवओ चलणेमु

भाणियं ' भयवं, मम सन्तियं चरिममेयं । अहं एएमि भाइ-घायगो

उन्विगो य अह् संसार-भासाओ । ता करेह वय-पयाणेणाणुमाहं ।

दिन्निवओ भयवया । जाओ दुरणुचर-मामण्ण-परिपालणुज्जओ त्ति ।



सू च ना

संक्षिप्त प्राकृत व्याकरण अने शब्द कोष
जुंदा पुस्तक रूपे छपाय छे.